




ԶՄԻՍԾԻՆ



№ 196



ԼԴ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ԱՄ Ե


1977



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ՀԱՂՈՐԴԱԳՐՈՒԹՅՈՒՆ

Սույն թվականի ապրիլի 20-ին, չորեքշաբթի օրը, Վեհափառ Հայրապետի հրավերով, ուխտավորաբար Մայր Աթոռ ս. Էջմիածին ժամանեցին Երուսաղեմի հայոց ամենապատիվ տ. Եղիշե սրբազան պատրիարքը և Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպիսկոպոս Մանուկյանը՝ Նորին Սրբության հետ խորհրդակցելու համար այս աշնանը Երուսաղեմի սրբոց Հակոբյանց վանքում գումարվելիք եպիսկոպոսաց ժողովի կազմակերպման և եկեղեցական բնույթի այլ հարցերի շուրջ:

Ապրիլի 22-ին Վեհարանում, Վեհափառ Հայրապետի նախագահությամբ, տեղի ունեցավ խորհրդակցական ժողով՝ վերոհիշյալ հարցերի կապակցությամբ:

Ժողովից առաջ Նորին Սրբությունը ջերմորեն ողջունեց ներկայությունը սրբազան պատրիարք հոր և տ. Սերովբե արքեպիսկոպոսի՝ հայտնելով իր ջերմ ուրախությունը նրանց Մայր Աթոռ ժամանման առթիվ:

Ապրիլի 24-ին, կիրակի օրը, առավոտյան ժամը 11-ին, Մեծ եղեռնի 62-րդ տարելիցի առիթով Վեհափառ Հայրապետը և սրբազան պատրիարք հայրը մեծ շքախմբով բարձրացան Ծիծեռնակաբերդ, Հայ նահատակաց հուշարձանի առաջ ծաղկեպսակ դրեցին և հավերժական կրակի շուրջ կատարեցին հոգեհանգստյան պաշտոն Ապրիլյան եղեռնի զոհերի հիշատակին:

Այնուհետև, ժամը 12-ին, Վեհափառ Հայրապետը, սրբազան պատրիարք հայրը, տ. Սերովբե արքեպիսկոպոսը և Մայր Աթոռի միաբանությունը Մայր տաճարում ներկա եղան Հայ նահատակաց հիշատակին մատուցված սուրբ պատարագին և հոգեհանգստյան արարողությանը:

Ապրիլի 27-ին, չորեքշաբթի օրը, Վեհափառ Հայրապետը մասնավոր առաքելությամբ տ. Սերովբե արքեպիսկոպոսին գործուղեց Անթիլիաս (Լիբանան)՝ անձամբ հանձնելու իր 26 ապրիլ թվակիր պաշտոնական գրությունը՝ ուղղված Մեծի Տանն Կիլիկիո Ս. Տ. Խրբեն Ա կաթողիկոսին, ի պատասխան նրա 1977 թ. հունվար 23-ի նամակի, որով հրավեր էր ուղղվում Մայր Աթոռին՝ մասնակցելու սույն թվականի մայիսի 22-ին Անթիլիասում գումարվելիք պատգամավորական ժողովին Տանն Կիլիկիո աթոռակից-կա-

թողիկոսի ընտրությանը՝ երկու պատգամավորներով:

Մայիսի 5-ին, չորեքշաբթի օրը, տ. Սերովքե արքեպիսկոպոսը Անթիլիասից վերադարձավ Մայր Աթոռ՝ Վեհափառ Հայրապետին բերելով Տ. Տ. Խորեն Ա կաթողիկոսի մայիս 2 թվակիր պատասխան նամակը:

Նույն օրը ուխտավորաբար Մայր Աթոռ ժամանեց Գերագույն հոգևոր խորհրդի անդամ, Երուսաղեմի հայոց պատրիարքական Աթոռի դիվանապետ, Ժառանգավորաց վարժարանի և ընծայարանի վերատեսուչ տ. Ծաֆե արքեպիսկոպոս Աճեմյանը:

Մայիսի 8-ին, կիրակի օրը, Վեհափառ Հայրապետը, սրբազան պատրիարք հայրը, տ. Սերովքե և տ. Ծաֆե արքեպիսկոպոսները Մայր տաճարում ներկա եղան սուրբ պատարագին:

Ժամը 15-ին Վեհաքանի սեղանատանը տրվեց ողջերթի պաշտոնական ճաշկերույթ՝ ի պատիվ տ. Եղիշե սրբազան պատրիարքի, տ. Սերովքե և տ. Ծաֆե արքեպիսկոպոսների:

Ճաշկերույթին ներկա էին ՀՍՍՀ Մինիստրների սովետին ադրևներ հալ եկեղեցու գործերի խորհրդի նախագահ պրն. Սարգիս Գառապրյանը, բանաստեղծուհի Սիլվա Կապուտիկյանը, ճարտարապետ Վարազդատ Հարությունյանը, նկարիչ Գրիգոր Խանջյանը, ինչպես նաև Գերագույն հոգևոր խորհրդի անդամները և ուրիշներ:

Մայիսի 9-ին, երկուշաբթի օրը, երեկոյան, Երևանի հայրապետական վիլլայում, Վեհափառ Հայրապետի նախագահությամբ, գումարվեց Գերագույն հոգևոր խորհրդի նիստ, ուր, ի շարս այլ հարցերի, քննարկվեց նաև Տաճն Կիլիկիո աթոռակից-կաթողիկոսի ընտրության և օծման առթիվ Մայր Աթոռիս կողմից Անթիլիաս երկու պատգամավորներ ուղարկելու հարցը:


Ամենայն Հայոց կաթողիկոսի և Տ. Տ. Խորեն Ա կաթողիկոսի միջև փոխանակված նամակների բովանդակությանց լույսի տակ Գերագույն հոգևոր խորհուրդը, Վեհափառ Հայրապետի նախագահությանց ներքո, որոշեց վերոհիշյալ առիթով Անթիլիաս ուղարկել, իբրև Մայր Աթոռ ու Էջմիածնի ներկայացուցիչներ, Արևմտյան Եվրոպայի հայրապետական պատվիրակ, Գերագույն հոգևոր խորհրդի անդամ տ. Սերովքե արքեպիսկոպոս Մանուկյանին և Անգլիայի հայոց հայրապետական պատվիրակ տ. Ներսես եպիսկոպոս Պողոսյանին: Նիստին ներկա եղավ տ. Եղիշե սրբազան պատրիարք հայրը, ինչպես նաև՝ տ. Սերովքե և տ. Ծաֆե արքեպիսկոպոսները՝ որպես Գերագույն հոգևոր խորհրդի անդամներ:

Մայիսի 12-ին, հինգշաբթի օրը, տ. Եղիշե սրբազան պատրիարքը, տ. Սերովքե և տ. Ծաֆե արքեպիսկոպոսները հրաժեշտ տվեցին Վեհափառ Հայրապետին, Մայր Աթոռին ու մեկնեցին լավագույն տպավորություններով:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
12 մայիս 1977 թ.





**ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՊԱՏԱՐԱԳ ԵՐԵՎԱՆԻ
Ս. ՍԱՐԳԻՍ ԱՌԱՋՆՈՐԴԱՆԻՍ ԵԿԵՂԵՑՈՒՄ**

Մայիսի 22-ին, կիրակի. Երկրորդ Ծաղկազարդ.—Այսօր Վեհափառ Հայրապետը և պատարագ է մատուցում Երևանի և Սարգիս առաջնորդանիստ եկեղեցում և «Բանին կենաց» քարոզությամբ մխիթարում հավատացյալներին:

Ժամը 11-ին Վեհափառ Հայրապետը ժամանում է և Սարգիս և զանգերի ավետավոր դողանքի տակ, «Հրաշափառ»-ով և եկեղեցական թափորով առաջնորդվում եկեղեցի՝ հավատացյալների խանդավառ ծափողջույների և որդիական ջերմ արտահայտությունների ներքո:

Ժամը 11.30-ին սկսվում է հայրապետական հանդիսավոր պատարագը: Ս. Սեդանին սպասարկում են Արարատյան թեմի առաջնորդական փոխանորդ տ. Կոմիտաս արքեպիսկոպոսը, Մայր Աթոռի վարդապետներն ու սարկավագաց դասը: Մայր տաճարը լիքն է աղոթավոր բազմությամբ:

«Հայր մեր»-ից առաջ տ. Կոմիտաս արքեպիսկոպոսը, հանուն Արարատյան թեմի թեմական իշխանության և հավատացյալ ժողովրդի, ջերմորեն ողջունում է Վեհափառ Հայրապետի շնորհաբեր ներկայությունը և Սարգիս եկեղեցու կամարների տակ հովվապետական այս այցելության ուրախ առիթով և խնդրում է Ս. Օծությանը հայրական Իր օրհնությունը բաշխելու և կրոնաբույր ու հայրենաշունչ պատգամով ոգևորելու Իր հոգևոր զավակներին:

ՀԱՅՐԱՊԵՏԱԿԱՆ ՔԱՐՈՋ ԵՐԵՎԱՆԻ ՍՈՒՐԲ ՍԱՐԳԻՍ ԵԿԵՂԵՑՈՒՄ

Այնուհետև խոսք է առնում Հայոց Հայրապետը և օրվա մեծահրաշ կիրակիի տպավորության տակ խոսում հետևյալ բովանդակայից և հայրենաշունչ քարոզը:



ՔԱՐՈՋԻ ՊԱՆ. ԵՐԵՎԱՆ, Ա. ՍԱՐԳԻՍ ԵԿԵՂԵՑԻ. 1977 թ. ՄԱՅԻՍԻ 22

րար, շարունակի նաև հետ այսու լինել այդպիսին. որովհետև այդ շնորհներն էլ պայմանավորված են հիմնականում նույն այս երեք առաքինություններով: Առանց սիրո, առանց մարդասիրական զգացմունքի այս աշխարհի վրա ոչինչ կարելի չէ ստեղծել՝ տևական, բարոյական և գեղեցիկ:

Մեր ազգն էլ, հակառակ իր բազում դժբախտություններին, տակավին ս. Մեսրոպի օրերից մինչև մեր օրերը միշտ իր հոգու մեջ վառ է պահել այս սիրո կրակը և դրանով կարողացել է ստեղծագործել մարդկային կյանքի բոլոր բնագավառներում:

Սիրո գաղափարի մասին խոսելիս քիչ առաջ ասացինք, որ տարածվում է նաև մեր բոլոր ազգակիցների վրա, մեր ժողովրդի զավակների վրա: Այդ նշանակում է, որ նա տարածվում է նաև այն տանը վրա, այն հողամասի վրա, որտեղ ապրում են նույն ազգի զավակները: Մեր խոսքը վերաբերվում է հայրենիքի սիրույն: Հայրենասիրությունն էլ սիրո ամենագեղեցիկ արտահայտություններից մեկն է, որով միշտ ժողովուրդները հպարտացել են:

Մեր ժողովուրդը իր ողջ պատմության ընթացքին բազում դժվար օրեր է ապրել: Դուք գիտեք: Բայց այս վերջին հիսուն-վաթսուն տարիների ընթացքում հայրենասիրական նոր պոռթկումով հայ ժողովուրդը կարողացել է ձեռք բերել այն, ինչ որ մենք ունենք այսօր իբրև ժողովուրդ. դա այսօրվա կենդանի, ապրող ու շնչող ու ծաղկող մայր հայրենիքն է, մեր Սովետական Հայաստանը, միակ և գերագույն միասիրությունը բոլոր հայերի, որ ի Հայաստան և որ ի սփյուռս աշխարհի: Եվ այդ հնարավոր եղավ մանավանդ 1918 թվականի Մայիսյան հաղթանակով, Սարդարապատի, Ապարանի և Ղարաբաղիսեի հաղթական ճակատամարտերի հետևանքով:

Հազար և ավելի տարիներ է ի վեր մենք այսպիսի հաղթանակ չէինք ունեցել: Մեր ազգը համարյա ոչնչացվելու և պատմության թանգարանին հանձնվելու վիճակի մեջ էր գտնվում, երբ 1915-ի սև թվականին Օսմանյան կայսրության հրահանգով բնաջնջվեց մեր ժողովրդի ավելի քան կեսը: Ամբողջ Արևմտյան Հայաստանը անապատ և ամառի դարձավ, և ժողովուրդը կոտորվեց: Մենք հայերս այդ չենք մոռանում և երբեք չպիտի՝ մոռանանք: Եվ ահա, նույն սուլթանների և փաշաների կառավարությունը փորձեց բնաջնջումը շարունակել նաև Արևելյան Հայաստանի վրա, օգտվելով պատմական որոշ իրադրություններից, երբ գրեթե անտեր էր մնացել այս հողամասը: Բայց կատարվեց հրաշքը, գրեթե անսպասելի կերպով: Մենք լսել ենք այդ կոիվներին մասնակցող անձնավորություններից, ղեկավար անձնավորություններից, որ իրենք էլ չէին հավատացել, թե պիտի կարողանան հաղթել: Այնքան տկար էին. ոչ կարգին հագուստ ունեին, ոչ ուտելիք, ոչ անհրաժեշտ զինամթերք: Նույնիսկ երեխաներ և կիներ մասնակցեցին այդ մահու և կենաց կռվին: Եվ սակայն նրանք փալլուն հաղթանակ տարան: Փորկվեց Արևելյան Հայաստանը բնաջնջումից: Այդ հիմքերի վրա հաստատվեց 1920-ին Սովետական Հայաստանը ու սկսավ զարգանալ՝ շնորհիվ ռուս ժողովրդի անմիջական օգնության: Վերջնական խաղաղության, հարատև վերաշինության և ազգային մշակույթի զարգացման մի դարաշրջան բացվեց հայ ժողովրդի պատմության գրկին մեջ:

Սիրելի ժողովուրդ, այսօր մենք նախ պարտ ենք, ինչպես ամեն մայիսի 22-ին, աղոթելու բոլոր նրանց հոգիների համար, ովքեր հերոսաբար ընկան, իրենց կյանքը զոհեցին հայրենիքի փրկության համար Սարդարապատի հերոսամարտում: Ու չմոռանաք, որ աշխարհականների ու գորականների կողքին գտնվեցին նաև հայ հոգևորականներ՝ իրենց գլուխն ունենալով՝ հայրե-

նասեր Գևորգ Ե կաթողիկոսի կարգադրությամբ դեպի կրակի գծերը մեկնող Գարեգին եպիսկոպոս Հովսեփյանցը, որ խաչը ձեռին մինչև խրամատները գնաց կովողների մոտ, որպեսզի նրանց հաղթանակի հավատք և հույսները չհանձնի: Բայց մենակ չեղավ նա: Հիշվում են նաև բազմաթիվ հայ հոգևորականների անուններ՝ եպիսկոպոսներ և վարդապետներ և քահանաներ: Օրինակի համար՝ Հովհաննես քահանա Տեր-Մկրտչյանը՝ Գրամբա գյուղից, Զաքար քահանա՝ Կոտայքի Դազա գյուղից, որոնք իրենց սեփական նախաձեռնությամբ կամավորների գունդեր էին կազմակերպել և իրենք էլ նրանց գլուխ անցած մեկնել էին դեպի մահ, այսինքն դեպի հաղթանակ: Իսկապես համազգային մի ճակատամարտ էր: Հայ ժողովուրդը այն օրերին գիտակցում էր, թե ինչն է կոչվում և ինչո՞ւ է մահանում: Մահանում էին հերոսները, որպեսզի ժողովուրդը փրկվի, որպեսզի հազար տարուց ի վեր կործանված Հայաստանը վերականգնվի: Այսպես է, որ մենք ունենք այսօրվա ապրող ու ծաղկող հայրենիքը՝ Սովետական Հայաստանը:

1918—20 թվականներին ձեր քաղաքը՝ Երևանը, հազիվ քսան հազար հայ բնակչություն ուներ: Այսօր մեր մայրաքաղաքը մոտ մեկ միլիոն բնակչություն ունի, իսկ մեր երկիրը՝ մոտ երեք միլիոն: Այս հայրենիքի վերածննդյան և վերաշինության օրերին մենք միայն երախտագիտական զգացումներ ենք տածում դեպի մեր պետական իշխանությունները և մեր շինարար ժողովրդի զավակները: Մեր օրերի հայրենի վերածննդի ու լուսավոր առաջընթացի ճանապարհին ունենք սակայն նաև որոշ հուսախաբություններ: Մեր խոսքը վերաբերում է այն մի շարք հայաստանաբնակ հայերին, որոնք մեկնում են մեր երկրից, որոնք լքում են մայր հայրենիքը: Խոր վիշտ է հաստատել, որ գտնվում են այնպիսի հայեր, որոնք մոռանում են ամեն բան, մոռանում են Եղեռնը, մոռանում են մեր ճահատակների հիշատակը, մոռանում են Սարդարապատը, մոռանում են մեր ապագան և գնում են ո՞ր՝ չգիտենք: Համեմայն դեպս՝ դեպի կորուստ: Երբեմն արտասահմանից օտարազգի հյուրեր այցելում են Մեզ, Էջմիածնում: Երբեմն դրանցից ոմանք հարցնում են Մեզ, թե ճի՞շտ է, որ Հայաստանից մեկնող հայեր կան: Մենք պարզապես ամուշում ենք պատասխան գտնել: Անշուշտ պետք է ասել նաև անկեղծորեն, թե այնքան էլ պետք չէ կարևորություն ընծայել այդ տխուր երևույթին: Պարզապես բարոյական իմաստով, հայրենասիրական իմաստով դա մեր ժողովրդի այսօրվա կյանքի վրա մի սև բիծ է: Այսպես մենք ոչ մի պատճառ չունենք մտահոգվելու առհասարակ: Փառք Աստուծո, մեր ժողովրդի ամբողջ մայր զանգվածը այստեղ է: Արտասահմանի ամբողջ հայ ժողովրդի հալացքը ուղղված է դեպի մայր հայրենիք, առանց բացառության: Որոշ չափով շարունակվում է նաև ներգաղթը և վերջապես ամեն տարի 60.000 երեխա է ծնվում Հայաստանի հողի վրա: Մենք երջանիկ ենք այս իրադրությամբ և աղոթում առ Աստված, որպեսզի Տերը խաղաղության, անվտանգության ու ծաղկումի մեջ պահի մեր երկիրը, ուժ և եռանդ շնորհի մեր բանվորների, մեր գյուղացիների բազուկներին, հանճարի ճառագայթը շատացնի մեր մտավորականության, մեր գիտնականների և բոլոր նրանց, ովքեր ծառայում են այս հայրենիքին, բոլոր նրանց, ովքեր տիվ ու գիշեր աշխատում են, իրենց լավագույնն են մատուցում, որպեսզի ամենայն հայոց Մայր Հայաստանը հետզհետե առավել գորանա, աճի, ոռոգանա, մեր եղբայրական բոլոր ժողովուրդների շարքին:

Մաղթում ենք, որ ձեր մեջ միշտ վառ մնա նաև սերը դեպի մեր մայր եկեղեցին և միշտ այսպես խոուներա՞մ այցելեք մեր սուրբ տաճարները՝ ձեր

հոգիների մխիթարության, ձեր հոգիների խաղաղության և առաքինի գործոց լիակատար հաջողության համար:

«Յառել ի մեզ Տէր ամենակալ՝ զհաւատ, զյոյս, զսէր և զամենայն գործս առաքինութեան». ամեն:


Իր քարոզի ավարտին Հայոց Հայրապետն Իր այցելության առիթով հայրապետական Իր բարձր գնահատությանն է արժանացնում Արարատյան թեմում կատարված եկեղեցաշէն բոլոր աշխատանքները և նվերներ քաշխում:

Այդօր տարեդարձն էր նաև Սարդարապատի հերոսամարտի. «Յիշատակ աշխարհագորաց և զօրավարացն հայոց որք կատարեցան ի հերոսամարտին Սարդարապատի 1918 ամի, վասն հաւատոյ և հայրենեաց»:

Վեհափառ Հայրապետի հանդիսադրությամբ կատարվում է հոգեհանգրստյան պաշտոն Սարդարապատի հերոսամարտում ընկած հայ մարտիկների հիշատակին:

Ժամը 14.30-ին Վեհափառ Հայրապետը, հոգեպէս մխիթարված Արարատյան թեմին տված Իր հայրապետական այցելությունից, վերադառնում է Մայր Աթոռ:





ԱՍՏՎԱԾԱԾՆՉԱԿԱՆ ԸՆԹԵՐՑՈՒՄՆԵՐ

ՀԻՍՈՒՍԻ ՀԱՄԱՐՁՈՒՄԸ

Եվ երբ այս ասաց, մինչ նրանք դեռ նստած էին, վերացավ, և ամպը նրան ծածկեց նրանց աչքերից: Եվ մինչդեռ ակնապիշ նստած էին նրա երկինք գնալուն, ահա նրանց երևացին սպիտակ զգեստների մեջ երկու մարդիկ, որոնք և ասացին. «Ո՛վ գալիլիացիներ, ինչո՞ւ կանգնել նստած եք երկնքին. այս Հիսուսը, որ ձեր միջից երկինք վերացավ, պիտի գա նույն ձևով, ինչպես տեսաք նրան երկինք գնալիս»:

ՀՈԳԵԳԱԼՈՒՍ

Երբ Պենտեկոստեի օրերը լրացան, բոլորը միասիրտ, միատեղ էին: Եվ հանկարծակի երկնքից հնչեց մի ձայն՝ աստիկ հողմից եկածի նման. և լցրեց ամբողջ այն տունը, ուր նստած էին: Եվ նրանց երևացին բաժանված լեզուներ, նման բոցերեն լեզուների, որոնք և նստեցին նրանցից յուրաքանչյուրի վրա: Եվ բոլորը լցվեցին սուրբ Հոգով ու սկսեցին խոսել այլ լեզուներով, ինչպես որ սուրբ Հոգին նրանց արտասանել էր տալիս: Եվ կային Երուսաղեմում բնակվող հրեաներ՝ ավելի երկյուղած մարդիկ, քան երկնքի տակ գտնվող բոլոր ազգերի մեջ: Եվ երբ այս ձայնը լսվեց, բազմությունը հավաքվեց ու խոնվեց, որովհետև լսում էին, որ իրենցից յուրաքանչյուրի լեզվով էին նրանք խոսում: Ամենքը հիանում էին և զարմանում. ու միմյանց ասում էին. «Չէ՞ որ սրանք բոլորը, որ խոսում են, գալիլիացիներ են. բայց ինչպե՞ս է, որ մենք նրանց լսում ենք մեր յուրաքանչյուրի բարբառով, որ ծնված օրից խո-

սել ենք: Պարթևներ, մարեր և իլամացիներ, և նրանք, որ բնակվում են Միջագետքում, Հրեաստանում և Գամիքքում, Պոնտոսում և Ասիայում, Փոյոգիայում և Պամփյուլիայում, Եգիպտոսում և Կյուրենիայի հարևան Լիբեայի շրջաններում, և հռոմեացի եկվորներ՝ թե՛ հրեաներ և թե՛ հրեության դարձածներ, կրեոացիներ և արաբներ,—լսում ենք, որ նրանք խոսում են մեր լեզուներով: Աստուծո մեծագործությունների մասին»: Բոլորը զարմանում էին և միմյանց ասում. «Ի՞նչ պետք է լինի սա»: Իսկ ուրիշներ, ծաղրելով, ասում էին. «Քաղցր զինույց հարբած կլինեն»:

ՊԵՏՐՈՍԻ ԾԱՌԸ ՀՈԳԵԳԱԼՍՅԱՆ ՕՐԸ

Պետրոսը, Տառնմեկի հետ վեր կենալով, բարձրացրեց իր ձայնը և խոսեց նրանց. «Ո՛վ հրեաստանցիներ, և դուք ամենքդ, որ Երուսաղեմում եք բնակվում, այս ձեզ հայտնի թող լինի, և իմ խոսքերին ակա՛նջ դրեք. սրանք հարբած չեն, ինչպես որ դուք եք կարծում, քանի որ դեռ օրվա երրորդ ժամն է. այլ՝ այս ա՛յն է, որ ասվեց Հովել մարգարեի բերանով. «Եվ պիտի լինի սրանից հետո, վերջին օրերին,—ասում է Աստված,—որ իմ Հոգուց պիտի թափվեն ամենայն մարմնի վրա, և ձեր որդիներն ու ձեր դուստրերը պիտի մարգարեանան. ձեր երիտասարդները տեսիլներ պիտի տեսնեն, և ձեր ծերերը երազներ երազեն. և իմ ծառաների ու իմ աղախիկների վրա այն օրերին իմ Հոգուց պիտի թափվեն, և նրանք պիտի մարգարեանան: Եվ վերը, երկնքում զարմանալի գործեր պիտի ցույց տան, իսկ երրբևում, երկրի վրա՝ նշաններ. արյուն և

հուր և ծխի մրրիկ. արեգակը խավար պիտի դառնա, և լուսինը՝ արյուն, մինչդեռ չի եկել Տիրոջ մեծ և երևելի օրը: Եվ պիտի լինի այնպես, որ ամեն ոք, որ Տիրոջ առունը կանչի, պիտի փրկվի»:

Ո՛վ իսրայելացիներ, լսեցե՛ք այս խոսքերը. Հիսուս Նազովրեցուն՝ այն մարդուն, որին Աստված ձեզ ներկայացրեց գործությամբ, նշաններով և զարմանալի գործերով, որ Աստված նրա միջոցով արեց ձեր մեջ, ինչպես դուք իսկ գիտեք, նրան, Աստուծո սահմանած խորհրդով և կանխագիտությամբ անօրենների ձեռքը մատնելով՝ փախտի վրա գամեցիք և սպանեցիք. նրան Աստված հարություն տվեց՝ քանդելով մահվան կապանքները, քանի որ հնարավոր չէր, որ նա բռնվեր դրանով: Ինքը Դավիթը նրա մասին ասում է. «Նախապես Տիրոջը ամեն ժամ տեսնում էի իմ առաջ, որովհետև իմ աջում է, որպեսզի չտատանվեմ. դրա համար իմ սիրտը ուրախ եղավ, և իմ լեզուն ցնձաց, և իմ մարմինն էլ պիտի ապրի հույսով, որովհետև իմ հոգին մահվան վայրում չես թողնի և ոչ էլ թույլ կտաս, որ քո սուրբը ապականություն տեսնի. ինձ ճանաչեցիր կյանքի ճանապարհները, քաղցորեն լցրեցիր ինձ քո ներկայության ուրախությամբ»: Ո՛վ եղբայրներ, պետք է համարձակությամբ ասել Դավիթ ճահապետի մասին, որ և՛ մեռավ, և՛ թաղվեց, ու նրա գերեզմանը կա մեր մեջ մինչև այսօր. բայց որովհետև նա մարգարե էր և գիտեր, որ Աստված նրան երդվելով երդվեց նրա որովայնի պտղից մեկին ճատեցնել իր այտուի վրա, ուստի կանխօրոք իմանալով՝ խոսեց Քրիստոսի հարության մասին, թե նրա հոգին դժոխքում չթողնվեց, և ոչ էլ նրա մարմինը ապականություն տեսավ: Այս Հիսուսին է, որ Աստված հարություն տվեց, որին մենք ամենքս վկա ենք. Աստուծո աջով բարձրանալով, սուրբ Հոգու ավետիսը ընդունելով Հորից՝ սփռեց այս, որ դուք այժմ տեսնում եք ու լսում. որովհետև Դավիթը, որ երկինք չէր ելել, ինքն իսկ ասում է. «Տերն ասաց իմ Տիրոջը՝ նստի՛ր իմ աջ

կողմը, մինչև որ քո թշնամիներին ոտքերիդ իբրև պատվանդան դնեմ»: Արդ, Իսրայելի ամբողջ տունը վստահորեն թող իմանա, որ նրան և՛ Տեր, և՛ օծյալ՝ Աստված է, որ արեց. այն Հիսուսին, որին դուք խաչեցիք»:

ԱՌԱՋԻՆ ՆՈՐԱԴԱՐՁՆԵՐԸ

Այս լսելով՝ զղջացին իրենց սրտում և ասացին Պետրոսին և մյուս առաքյալներին. «Ի՞նչ պիտի անենք, եղբայրներ»։ Պետրոսը նրանց ասաց. «Ապաշխարեցե՛ք, և ձեզնից յուրաքանչյուրը թող մկրտվի Տեր Հիսուս Քրիստոսի անունով՝ մեղքերի թողության համար, և պիտի ընդունեք սուրբ Հոգու պարգևը. որովհետև ավետիսը ձեզ համար է, ձեր որդիների և բոլոր հեռավորների համար, որոնց կկանչի մեր Տեր Աստվածը»։ Եվ ուրիշ շատ խոսքերով վկայություն էր քերում, մխիթարում նրանց ու ասում. «Ազատվեցե՛ք այն խոտորյալ սեբբերից»։ Ոմանք հոժարությամբ ընդունելով նրա խոսքը՝ մկրտվեցին. և այն օրը նրանք մոտ երեք հազար հոգով ավելացան:

ՔՐԻՍՏՈՆԵԱԿԱՆ ԱՌԱՋԻՆ ՀԱՄԱՅՆՔԸ

Եվ նրանք հարատևում էին առաքյալների ուսուցման, հաղորդության, հացի բեկման և աղոթքների մեջ: Յուրաքանչյուրի անձի վրա ընկել էր ահ և երկյուղ, և առաքյալների ձեռքով բազում նշաններ և զարմանալի գործեր էին կատարվում: Հավատացյալներն ամենքը միասին էին, և ամեն ինչ, որ ունեին, ընդհանուր էր. նրանք վաճառում էին իրենց կալվածքներն ու ինչքերը և բաժանում էին բոլորին՝ ում ինչ որ պետք լիներ: Ամեն օր միասիրտ՝ վաղ հաճախում էին տաճար, տներում էին հացը կտրում և ուրախությամբ ու սրտի պարգույթամբ էին կերակուր ուտում: Օրհնում էին Աստծուն և ամբողջ ժողովրդի մեջ հարգանք էին վայելում: Եվ Տերը օրեցօր փրկվածներից նրանց վրա ավելացնում էր:

(Նոր Կտակարան, Մայր Աթոռ ս. Էջմիածին, 1975 թ., էջ 318, 319—323)





ԵՂԻՇԵ ԱՐՔԵՂԻՍԿՈՊՈՍ ՏԵՐՏԵՐՅԱՆ

(ԵՂԻՎԱՐԴ)

ԲԱՐԻ ԼՈՒՐԸ

ՅՈԹ ԾԱԲԱԹՆԵՐ անցեր էին հավիտենական վարդապետի խաչելութենէն և հարութենէն ի վեր, սակայն մեծ զոհին հիշատակը դեռ կմնար թարմ հոգիներուն խորը: Աշակերտներն ու հետևորդները ցավէն ընկնւած և հալածուելէ զգուշալոր, կմնային ծածկւած աչքերէ:

Հիտաի հարութենէն հիսուն օրեր հետո, Երուսաղեմի մեջ կհանդիսավորվեր հունձքերու երախայրիքի տոնը, որուն կլծորդվեր նաև օրենքի տվչության հիշատակը:

Հրեաստանի բոլոր անկյուններէն եկող ուխտավորները տաճարին ընծա քերեր էին իրենց հունձքերու առաջին պտուղները, բեռցած սալերու և գրաստներու, իսկ զոհվելիք կենդանիներու եղջյուրները զարդարեր էին ցույցագույն նարոտներով և ձիթենիի ոստերով: Նվիրաբեր յորաքանչյուր խումբը ներս կմտներ պարիսպի արևելյան դուռէն, սրինգներու և ծննդաներու նվագով և սաղմոսներու երգեցողությամբ:

Տաճարին հրապարակը կծփար ուխտավորներու երանգավոր բազմութենէն, որոնք երկյուղածորեն կխոնարհէին սրբաբանէն հոտող լույսին՝ և խունկերու ծուխին՝ ճենճերագոհերու բույրով հագեցած, լսելով ար-

ծաթ փողերու ձայնը և սաղմոսներու երգեցողությունը բոկոտ Ղևտացիներուն:

Պենտեկոստի ադ հանդեսին, զավթին մեկ անկյունը, իրենց զգուշալոր կերպարանքներով կկենային խումբ մը մարդեր ևս, ուխտավորներու հետաքրքրության առարկա: Իրենց ինքնությունը չէր որ կտալալորքեր դիտողները, որովհետև Գալիլիացիներ էին և ընտանի բոլորին: Ուշագրավը իրենց կեցվածքն էր, որոնք գերագույն զգացումի մը մեջ ըղձակաթ ու սրկված՝ պատգամն մը լուսավորված հոն էին եկեր, հազնելու երկնքի զորությունը, համաձայն իրենց եղած խոստումին: Բոլորը վերացած երկրնքին կնայէին, անհուն դողն մը բռնված: Բոլորի աչքերուն մեջ՝ լույսեր և դեմքերուն վրա՝ անսովոր անձկություն մը կար: Անոնք աստղերուն հաանելու ճիգին մեջ էին կարծես, անջատված ամբողջովին այս աշխարհէն:

Հետո հանկարծ ուժգին՝ հով մը, քարձուկքէ մը իջած՝ կլեցներ տաճարին հրապարակը, խիտ՝ քայց զովաշունչ ալիքներով: Ամենքը քարացած՝ երկնքի խոնարհող կամարին կնայէին, ուրկն կայծակներ կտեղային վար, լեզուներու ձևով: Տաճարին

ներս լուծ էին սաղմոսները և բազմությունը զարհուրած, Գալիլիացիներուն կնայեր, որոնք բոցերով շրջապատված կաղոթեին բարձրաձայն: Բոլորի մտքին մեջ անգամ մը ևս կշիմվեր հնոց նետովող մանուկներուն պատկերը, Դանիելի գրքին մեջ նկարագրված:

Բազմությունը երկյուղալից ակնածանքով տակավ կշատնար Գալիլիացիներու այս խմբակին շուրջը: Գլխավոր խոսողը միջին տարիքով, բարձրահասակ, խիտ ու գորշ մորուքով և մազերով մեկն էր: Ջերմեռանդ իր դեմքը և մանկունակ իր նայվածքը խորապես անկեղծ մարդու մը տպավորությունը կթողոր աճեցուն վրա: Խոսողին ձայնը հակառակ իր մեղմ և անարվեստ շեշտին, կհնչեր ներշնչումով և տիրակալան, տարբեր աշխարհե եկող պատգամավորի մման, որ մոռցած էր ինքզինքը կարծես սրբազան իր պատգամին մեջ: Կգրուցեր դժվար հավատալի բաներու մասին, խստությամբ ու հավատքով, գրավելով ուշադրությունը խմբված ունկնդիրներուն:

«Հիսուս որ խաչվեցավ Պիղատոսի հրամանով, Պասեքի նախօրյակին, ուրիշ մեկը չէր՝ բայց խոստացված Մեսիան: Խաչվողը հարություն առավ մեռելներեն և հայտնվեցավ մեզի բոլորիս, իր աշակերտներուն և հետևորդներուն: Անոր դեմքը նման էր մարդու մը՝ որ անցած էր մահեն, բայց կմնար կենդանի: Անմարմին մտածում մը կամ տեսիլք մը չէր ան, ծնունդ մեր երևակայության, որպեսզի անոր տալ ուզեինք մարմին ու ձայն, վերածելու գիներ սեփական գոյացության մը: Երեք տարիներ իրեն հետ եղանք, լսեցինք իր խոսքերը և վկաներ եղանք իր հրաշալի գործերուն: Ան գերագույն իրողությունն է բոլոր ժամանակներուն, բոցավառ լեռը գիշերվան մեջ, գարունը մեր օրերու խոստումին, երջանկության ավետաբերը, որ մարդոց հանդիպեցավ անոց վշտի ճամբաներուն վրա՝ իր տառապանքի բարձունքեն, խաչեն, բանալով ճամբան մեր փրկության: Սիրեց բոլոր մարդերը անխտիր և հրավիրեց զանոնք խմելու իր հոգիի հնձանեն երկնքի գմայլեցուցիչ գինին: Անկա մեզի հետ էր, բայց նաև մեզմե անդին, երկրի վրա և երկնքի մեջ»: Ի զարմանա բոլորին, իր ըսածները հաստատելու համար մեջքերումներ կըներ սաղմոսներեն և մարգարեներեն, որոնք կնախաձայնեին Մեսիային գալուստը: Ունկնդիրներուն մեջ կային Երուսաղեմացիներ և արտասահմանեն եկողներ, որոնցմե շատեր տակավին կհիշեին Գալիլացի Վարդապետին ողբերգությունը, որ Պասեքի տոնը վերածեր էր արյունոտ հանդեսի մը:

— Բնավ լավա՞ծ է որ մարդ մը մեռելներեն

րեն հարություն առած ըլլա», հեզանխառն կրթմնեցեին Սաղուկեցիները, արհամարհանքով դիտելե վերջ խոսողն ու իր շուրջիները: «Այս անմիտները պետք է վտարվին տաճարի հրապարակեն, չպղտորելու համար ժողովուրդին մաքուր հավատքը»:

— Իրենց հարության հավատքին համար չէ որ պետք է քշվին այս սրբազան վայրեն», կհարեին Փարիսեցիները, «այլ անոր համար որ խաչված մը իբրև Մեսիա կոչվանին. որովհետև գրված է, անիծյալ ըլլա ան՝ որ փայտեն կկախվի»:

Ամբոխին մեջ կեցած էր նաև երիտասարդ մը, արծվեքիթ, շողարձակ նայվածքով, կարճահասակ բայց հաստապինդ, որ կեռար իր գայրության: «Հրեաներ», կոտար ան, «այս մարդերը մոլորեցուցիչներ են, և հայհոյող ճշմարտության, որովհետև Աստուծո՞ն օծյալ կոչվանին մեկը որ խաչին վրա մեռած է»: Բոլորը այս վերջինին կնայեին: «Սողոս Տարսնացին է», կըսեր քովի Փարիսեցին իր ընկերոջը, «հոս աշակերտելու եկած է նշանավոր Ռաբի Գամաղիէին»:

Տպավորությունը սակայն սահմոկեցուցիչ էր, ունկնդիրներու մտքի և հոգիի ածուխներուն վրա կթափեին կայծեր, կրակե լեզուներու ձևով: Խոսողն ու իր շուրջիները կթվեին ըլլալ կարծես խորհրդավոր էակներ, որոնց վրա հանգչած էր Աստուծո հոգին: Դուրսեն եկող Հրեաները մանավանդ, ճնշումի տակն էին եղած հայտնության: Ուրիշներ, երագուն և մտախոհ, կզգային թե երկինքը նորեն կբացվեր իրենց գլուխներուն վերև, և Մեսիան, որուն մասին կխոսեր Գալիլացի ձկնորսը, կեցած երկրնքի մոտքին՝ կհրավիրեր բոլորը իր նոր արքայության:

— Մեսիա մը որ խաչվել և թաղվել հետո, հարություն առեր է մեռելներեն» կըքրթմնեցեր Սողոս: «Ո՛ր սորված են ասոնք այս բոլորը. հավանաբար հեթանոսներեն, որովհետև Քանանացիներուն Ատոմիսը և Բաբելացիներուն Բել Մարդուկը մեռնելեն վերջ կյանքի վերադարձած կնկատվին զիրենք պաշտողներեն: Մյուս կողմե սակայն այս եղկելիները իրենց ըսածը կհաստատեին մարգարեներու նախաձայնություններով: Եսայիին բառերը կարծես իրենց մեռած Մեսիային համար գրված ըլլային: Իսրայելի հույսը, Օծյալ Մեսիան, ան որ պիտի գա ամպերու վրայեն, շրջապատված երկնային ուժերով, որ պիտի հնձե բոլոր ազգերը և որսներու մման պիտի սփռե իր ոտքերուն առջև, ընտրյալը, որ Աստուծո հետ էր ստեղծագործութենեն առաջ, խաչվի՞ հեթանոսներեն, առանց իրեն օգնության կանչելու երկնային գորքերը: Սակայն որ-

ըրստության, հաճույքի և մտքի կեդրոն մը ըլլալէն զատ, Տարսոն կվայելէր պաշտպանությունը Հոռմի, և իր առանձնաշնորհիւ պնակիչները, Պոմպեոսի և Կեսարի օրերէն սկսյալ, ունէին քաղաքացիության իրավունքը: Սակայն անկվածելի ցոփությունը Արեւիկէի, լուծված հույն նուրբ ապականության, կվերածէին Տարսոնը անբարոյության մեծ կեդրոնի մը:

Հելլեններ, որոնց արյունը խառնված էր տեղացի ժողովուրդներու արյունին, կտիրապետէին: Անոնցմէ վերջ իրենց թիվովն ու ազդեցությամբ կուգային Հրեաները, բերված հոն, մեծաւ մասամբ, Անտիոքոս Եւայիվանի օրերէն: Սողոսի ազգատոհմը վերջէն եկածներէն էր, ըստ ավանդության՝ Գալիլիայէն: Ան ինքզինքը կնկատէր Բեհիամիի ցեղէն և իր Սողոս անունը կածանցէր Իսրայէլի առաջին թագավոր Սաւլոտի անունէն, որ Բեհիամիի ցեղէն էր: Սողոսի հայրը ծանոթ անձնավորություն մըն էր Տարսոնի մեջ և ուներ քաղաքացիության առանձնաշնորհումը, որ կտրվէր միայն անոնց, որոնք ազդեցիկ էին կամ հարուստ: Սողոս իր ծնունդէն ուներ այդ իրավունքը, որ շատ օգտակար պիտի ըլլար իրեն իր առաքելության ընթացքին: Հունարէնը իր երկրորդ լեզուն էր, որուն շնորհիւ հաղորդ եղաւ Հելլեն գրականության և ժամանակի տիրող գաղափարներուն:

Մեծ իղձ մը ուներ Երուսաղեմ երթալու, խմելու հրեական մշակույթը իր մաքուր աղբյուրէն, առ ոտս Հիլէի դպրոցին պէտ՝ մեծանուն Ռաբի Գամաղիէի: Իր այդ փափաքը շուտով իրականացաւ: Իրեն համար Երուսաղեմ ապրիլը դժվար չէր որովհետեւ հոն ուներ ամուսնացած քույր մը և ազգականներ:


Աստուծո սերը և Իսրայէլի փրկության հավատքը զույգ խարուկներու միմէն կալ-

րեին իր ներսը: Հավատքը ամեն օր ապրող իրականություն մըն էր իրեն համար: Ապառողջ էր ֆիզիքապէս, ենթակա քանի մը հիվանդություններու. հակառակ այս իրողության խտակյաց էր: «Աստված սիրածները կտառապեցնէ», կըսէր, «նեղությունները Տիրոջ պարգևներն են սուրբերու տրված»: Կուգէր իր գոյության բուրգին հիմերը երկնքին մեջ հաստատել, զայն բարձրացնելու բաղձանքը կոչնչացնէր իր մեջ աշխարհիկ բոլոր տենչերը: «Սուրբերը կատարյալ են», կըսէր, «որովհետեւ ճիգ ըրած են մեռնելու երկրավոր ամեն բաղձանքի համար, կեդրոնացնելով իրենց բովանդակ էությունը Աստուծո մեջ»: Հիլէի դպրոցը կհրահանգէր հոգ տանիլ առողջության, և ծանր ուխտերով չխաղալ սուրբերուն միմէն խաղը, որ կրնար առաջնորդել ենթական հպարտության. իսկ հպարտությունը սուրբին համար միմէն էր խնձորին մեջ ինկող որդին: Գամաղիէի խրատն էր իր աշակերտներուն, երիտասարդ ամուսնանալ և ունենալ արհեստ մը, որպէսզի ծերությանը կողովին մեջ հաց ունենային: Սողոս ուներ իր գբաղումը, իսկ իր կինը հավիտենական կույսն էր՝ Աստուծո Օրէնքը:

Իր արհեստին բերումով, իբրեւ վրանագործ, հարաբերության մեջ էր հասարակ ժողովուրդին հետ: Կյանքը կճանչնար ոչ թէ տեսություններէն, այլ մարդոց հետ ունեցած շփումներէն: Իր աչքին առջև էին ամեն օր խեղճ մարդեր և կիներ, նույնիսկ երեխաներ, որոնք կբաշխէին իրենց ժամանակը, անձը և ուժը՝ կտոր մը հացի փոխարէն, և շատ հաճախ չէին գտներ զայն: Այդ խեղճներուն միակ հույսը Մեսիան էր, որ օր մը պիտի կանչէր զիրենք հատուցման:

(«Հեթանոսաց Առաքյալը», Երուսաղեմ, Խապարան ս. Հակոբյանց, 1975 թ., էջ 7—18)





ԵԿԵՂԵՑԱԿԱՆ ԲԵՄ. ԼՈՒՐԵՐ

Մայիսի 1-ին, կիրակի.— Կարմիր կիրակի.

Այսօր Մայր տաճարում ս. պատարագ է մատուցում տ. Ամանիա վրդ. Արաքսյանը: «Հայր մեր»-ից առաջ քարոզում է «Եկալք առ իս ամենայն վաստակեալք և բեռնաւորք, և ես հանգուցից զձեզ. առէք զլուծ իմ ի ձեզ և ուսարուք յինէն՝ զի հեզ եմ և խոնարհ սրտի, և գտջիք հանգիստ անձանց ձերոց. զի լուծ իմ քաղցր է, և բեռն իմ փոքրոգի» (Մատթ. ԺԱ 29—30) բնաբանով:

Ս. պատարագին ներկա էր Վեհափառ Հայրապետը:

Հավարտ ս. պատարագի Նորին Ս. Օծության նախագահությամբ կատարվում է հնգեհանգստյան մասնավոր պաշտոն՝ վերջերս Նյու Յորքում 103 տարեկան հասակում վախճանված Մայր Աթոռի հարազատ զավակ և ազգային քարերար Հայկ Գավուրճյանի մահվան աղիթով:

Արարողությունից առաջ Վեհափառ Հայրապետը խոսք է առնում իր և Մայր Աթոռի ցավակցությունը հայտնելու հանգուցյալի ընտանիքին՝ կնոջը՝ տիկին Ալիս Գավուրճյանին, բոլոր հարազատներին և ապա «Մեծանալ գործովք բարութեան» (Ա Տի-

մոթ. Զ 18) բնաբանով հանգամանորեն խոսում հանգուցյալի եկեղեցաշեն և կրթանվեր քարի ծառայությունների մասին, ծառայություններ, որոնք կատարվել էին ԱՄՆ-ի հայոց թեմում և ապա՝ Մայր Աթոռում: Նորին Սրբությունն իր խոսքի ավարտին հավիտենական խաղաղություն է ցանկանում հանգուցյալին և «Հոգոց» արտասանում Գավուրճյան գերդաստանի հին ու նոր ննջեցյալների հիշատակին:

* *

Մայիսի 8-ին, կիրակի.— Տօն երեման ս. Խաչի.

Այսօր Մայր տաճարում ս. պատարագ է մատուցում ուխտավորաբար Մայր Աթոռում գտնվող Ռումիկիայի հայոց թեմի առաջնորդական փոխանորդ տ. Զարեհ ծ. վրդ. Պարոնյանը և «Հայր մեր»-ից առաջ քարոզում «Խաչն կենարար որ եղև մեզ փրկութիւն, սովաւ ամենեքեան զքեզ քարերանք» (Ծարական) բնաբանով:

Հավարտ ս. պատարագի Վեհափառ Հայրապետը քարոզում է «Թագաւոր երկնաւոր, զեկեղեցի քո անշարժ պահեաւ և զերկրայազուս անուանդ քում պահեաւ ի խաղաղու-

թեան» (Ծարական) բնաբանով: Վեհափառ Հայրապետը ջերմ սիրով ողջունում է Երուսաղեմի հայոց Նորին Ամենապատվություն: Եղիշե պատրիարքի, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե և Երուսաղեմի հայոց ս. Հակոբյանց վանքի դիվանապետ տ. Ծաֆե արքեպիսկոպոսների ներկայությունը ս. պատարագին:

Նույն օրը, ժամը 15-ին, Վեհաբանի սեղանատանը, ի պատիվ մեծահարգ հյուրերի, տրվում է ողջերթի ճաշկերույթ, որին ներկա էին նաև տ. Կոմիտաս, տ. Հումիկ, տ. Արսեն արքագանները, Գերագույն հոգեվոր խորհրդի անդամները, մայրավանքի պատասխանատու ղեկավար աշխատողները, տ. Զարեհ ծ. վրդ. Պարոնյանը, տ. Անանիա, տ. Եզնիկ տ. Մոմիկ վարդապետները, տ. Հակոբ արքեպիսկոպոսը, հոգևոր ճեմարանի տեսուչ տ. Հովհաննես ավ. քհն. Մարությանը:

Հրավիրյալների թվում էին սիրված բանաստեղծուհի Սիլվա Կապուտիկյանը, Մայր Աթոռին առընթեր ճարտարապետների հանձնաժողովի նախագահ, պրոֆ. Վարազդատ Հարությունյանը, նույն հանձնաժողովի անդամ, ժողովրդական նկարիչ Գրիգոր Խանջյանը:

Ճաշկերույթին ներկա էր նաև ՀՍՍՀ Միհստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը:

Ընդունելության ժամանակ գեղեցիկ և հուզումնալից ճառեր են փոխանակում Վեհափառ Հայրապետը և արքագան պատրիարք հայրը: Ընդունելության ժամանակ Վեհափառ Հայրապետը հայրական Իր բարձր ուշադրությանն է արժանացնում Ռումինիայի հայոց առաջնորդական փոխանորդ տ. Զարեհ ծ. վարդապետի հոգևոր, քարոզչական ու վարչական գործունեությունը Բուխարեստի հայոց համայնքի ծոցում և նրա կործրը զարդարում վարդապետական ականակոտ լանջախաչով:

Տ. Զարեհ ծ. վրդ. Պարոնյանը Հայոց Հայրապետին ուղղյալ որդիական իր երախտագիտության և շնորհակալության ջերմ խոսքն է ասում հայրապետական այս բարձր ուշադրությանն արժանանալու համար:

*

* *

Մայիսի 9-ին, երկուշաբթի.—Այսօր, երկուշաբթի ժամը 17-ին, Երևանի հայրապետական վիլլայում, Վեհափառ Հայրապետի նախագահությամբ, գումարվում է Գերագույն հոգևոր խորհրդի լիազումար հերթական նիստը: Սույն նիստին հրավիրված էր նաև

Երուսաղեմի հայոց տ. Եղիշե արքագան պատրիարքը: Ժողովին մասնակցեցին նաև տ. Սերովբե և տ. Ծաֆե արքեպիսկոպոսները՝ որպես Գերագույն հոգևոր խորհրդի անդամներ:

Ժողովի բացումից անմիջապես հետո Վեհափառ Հայրապետը ջերմորեն ողջունում է ներկայությունը Մայր Աթոռի թանկահին հյուրերի և Իր գոհունակությունը հայտնում, որ սույն լիազումար նիստին ներկա են տ. Եղիշե արքագան պատրիարքը, տ. Սերովբե և տ. Ծաֆե արքեպիսկոպոսները:

Այնուհետև ժողովը զբաղվում է օրակարգում դրված մի շարք կարևոր հարցերի քննությամբ և ընդունում համապատասխան որոշումներ:

* *

Մայիսի 11-ին, չորեքշաբթի.—Այսօր, երկուշաբթի ժամը 20-ին, Վեհաբանում տեղի է ունենում միաբանական հերթական հավաք, որի ընթացքում Վեհափառ Հայրապետը ողջերթի հայրական խոսք է ասում Ռումինիայի հայոց թեմի առաջնորդական փոխանորդ տ. Զարեհ ծ. վրդ. Պարոնյանին, որը շուրջ երեք շաբաթ ուխտավորաբար գտնվում էր Մայր Աթոռում, և տ. Եզնիկ վրդ. Պետրոսյանին, որ մեկնելու է Աթենք՝ շարունակելու իր համալսարանական ուսումը:

Այա «Փիլիսոփայության զարգացումը հեղինակատական շրջանից սկսած մինչև Թովմա Ագվինացի և ապա մինչև 18-րդ դարի իմաստասիրությունը» թեմայով գեկուցում է կարդում ուխտավորաբար Մայր Աթոռում գտնվող արքեպիսկոպոս Ստեփան Զաթալյանը: Դասախոսությունն ունկնդրվում է հետաքրքրությամբ:

Դասախոսությանը ներկա էր Վեհափառ Հայրապետը:

* *

Մայիսի 15-ին, կիրակի.—Այսօր Մայր տաճարում ս. պատարագ է մատուցում տ. Հակոբ արք. Գրիգորյանը:

Ս. պատարագին ներկա էր Վեհափառ Հայրապետը:

«Հայր մեր»-ից առաջ պատարագիչ հայր սուրբը քարոզում է «Լոյս տուր Տէր աչաց իմոց, զի մի երբեք ճնջեցից ի մահ» (Մադնոս ԺԲ 4) բնաբանով:

Ս. պատարագին ներկա էին նաև ուխտավորաբար Մայր Աթոռում գտնվող «Նոր Հաճըն» ամսագրի տնօրեն Կարապետ Թուր Սարգիսյանը, Հաճընի Մերձավոր Արևելքի



կենտրոնական վարչության անդամ տեր և տիկին Կարապետ Բարսեղյանները, Լիբանանի հայ հասարակական գործիչ տեր և տիկին Փանոս Թիթիզյանները:

Այնուհետև Վեհափառ Հայրապետի նախագահությամբ հոգեհանգստյան պաշտոն է կատարվում լիբանանահայ հասարակական գործիչ Հարություն Զերեջյանի մահվան տարելիցի առիթով:

Մայիսի 18-ին, չորեքշաբթի.—Այսօր Բյուրականի հայրապետական վիճարում տեղի է ունենում միաբանական հերթական հավաք: Վեհափառ Հայրապետը այս առթիվ բարի ճանապարհ է մաղթում Միքայել սարկավազ Չևյանին, որը շուրջ մեկ տարի սովորում էր հոգևոր ճեմարանում և մի քանի ամսով արձակուրդ էր մեկնում Ամերիկա՝ ծնողների մոտ, և Մայր Աթոռի միաբան տ. Հակոբ արք. Գրլլանդյանին, որը շուտով մեկնելու է Գերմանիա, Մայիի Ֆրանկֆուրտ, հետևելու աստվածաբանական դասընթացներին:

Մայիսի 19-ին, հինգշաբթի.—Համբարձումն Քրիստոսի. Յիշատակ փոխադրություն Հայրապետական Աթոռոյն հայոց ի Սույ ի ա. Էջմիածին, յամի Տեառն 1441: Տօն ազգային. հանդես և մաղթանք լեկեղեցիս Հայաստանեայց:

Այսօր Մայր տաճարում ա. պատարագ է մատուցում տ. Անանիա վրդ. Արաբաջյանը: Ա. պատարագին ներկա էր Վեհափառ Հայրապետը:

Հավարտ ա. պատարագի իջման ա. սեղանի առաջ կատարվում է Հայրապետական մաղթանք: Այս առթիվ քարոզում է պատարագիչ հայր սուրբը. «Եւ եղև յօրհնելն ճորա զնոսա՝ մեկնեցաւ ի ճոցանէ և վերանայր յերկինս» (Ղուկ. ԻԴ 51) բնաբանով:

Համբարձման տոնը միաժամանակ Հայրապետական Աթոռի Սսից դեպի ա. Էջմիածին փոխադրության տարելուարձի հիշատակի օրն է: Քարոզիչ վարդապետը իր խոսքի մեջ վեր է հանում հոգևոր, եկեղեցական և հայրենասիրական նշանակությունը այդ մեծ իրադարձության մեր եկեղեցու և ժողովրդի կյանքի պատմության մեջ:

Այնուհետև Հայոց Հայրապետի հանդիսադրությամբ կատարվում է Հայրապետական մաղթանք:

Մայիսի 22-ին, կիրակի.—Երկրորդ Մաղ-կազարդ.

Այսօր Մայր տաճարում ա. պատարագ է մատուցում տ. Հակոբ քհն. Հակոբյանը: «Հայր մեր»-ի ժամանակ քարոզում է տ. Արսեն եպս. Բերբերյանը՝ «Խաղաղությանը քով Քրիստոս Փրկիչ մեր, որ ի վեր է քան զամենայն միտս և զբանս, ամրացո զմեզ և աներկիւղ պահեալ յամենայն չարէ» ա. պատարագի Խորհրդատետրի պատարագիչ բաժանակի «Ի ձայն» աղոթքի բնաբանով:

Այսօր նաև է «Յիշատակ աշխարհագորաց և զօրավարացն հայոց, որք կատարեցան ի հերոսամարտին Սարգսրապատի 1918 ամի, վասն հաւատոյ և հայրենեաց»: Քարոզիչ արքագան իր հայրենաշունչ քարոզում ոգեկոչում է նաև հիշատակը Սարգսրապատի հերոսամարտի և զոհված հերոսների, որոնք ընկան անձնուրացորեն, մարտի դաշտում, անհավասար մարտում, «վասն Յիսուսի և վասն հայրենեաց»:

Հավարտ ա. պատարագի տ. Արսեն եպիսկոպոսի նախագահությամբ կատարվում է հոգեհանգիստ՝ Սարգսրապատի նահատակների հիշատակին:

Մայիսի 25-ին, չորեքշաբթի.—Այսօր, երեկոյան ժամը 20-ին, Վեհաբանում տեղի ունեցավ միաբանական հերթական հավաք՝ Վեհափառ Հայրապետի նախագահությամբ, որից հետո նաև՝ դասախոսություն, որին ներկա եղան հոգևոր ճեմարանի տեսչությունը, դասախոսական կազմը և լսարանների ուսանողությունը:

Օրվա դասախոսն էր ֆրանսիացի երիտասարդ հայագետ, Երևանի պետական համալսարանի ֆրանսերեն լեզվի և քաղաքակրթության ու մշակույթի դասախոս Ժան-Պիեռ Մահեն:

Դասախոսը ներկաներին խոսեց այն հիմնական ազդակների մասին, որոնք նրան մղել էին զբաղվելու հայոց լեզվի և մշակույթի ուսումնասիրությամբ, ծանոթացրեց հայագիտության բնագավառում ցարդ իր կատարած հետազոտություններին, իր աշխատանքի արդյունքներին և ապագա ծրագրերին:

Դասախոսությունը լավեց մեծ հետաքրքրությամբ: Հարգելի դասախոսը պատասխանեց նաև ներկաներից ոմանց հարցերին:

Վեհափառ Հայրապետը գոհունակություն հայտնեց հարգելի դասախոսին, Իր և բոլոր ներկաների կողմից, նրա շահեկան և բովանդակալից դասախոսության համար:

*
*
*


Նույն օրը Մայր Աթոռ ժամանեցին Պրո-Օրիենտե կաթոլիկական կազմակերպության ներկայացուցիչները՝ դոկտոր Թեոդոր Պիֆլ-Պերչևիչը՝ Ավստրիայի հասարակական և մշակութային գործերի նախկին մինիստր, և Պրո-Օրիենտեի նախագահ Ալֆրեդ Շտիրման՝ նույն կազմակերպության վարիչ քարտուղարը:


Մայր տաճար այցելելուց հետո, Վեհափառ Հայրապետը ընդունեց հարգարժան հյուրերին Վեհարանում, որոնք և Հայոց Հայրապետին հանձնեցին Վիեննայի կարդինալ արքեպիսկոպոս Ֆրանց Կյոնիգի նամակը:

Հայոց Հայրապետի և Պրո-Օրիենտե կաթոլիկական կազմակերպության հարգելի ներկայացուցիչների միջև տեղի ունեցավ ջերմ գրույց՝ Էկումենիկ ոգով, միջեկեղեցական մի շարք կարևոր հարցերի շուրջ:

Հարգելի հյուրերը Մայր Աթոռում գտնված օրերին այցելեցին ս. Մեսրոպ Մաշտոցի անվան ձեռագրաց Մատենադարան, Ծիծեռնակաբերդի Հայ նահատակաց հուշարձան և ուխտագնացության մեկնեցին ս. Գեղարդ վանք:

Մայիսի 27-ին Պրո-Օրիենտե կազմակերպության ներկայացուցիչները հրաժեշտ տվեցին Վեհափառ Հայրապետին և մեկնեցին լավագույն տպավորություններով:





ՀԱՅ ԳՐԱԿԱՆՈՒԹՅԱՆ ՄԵԾ ԵՐԱԽՏԱՎՈՐԸ (Դերենիկ Դեմիրճյանի ծննդյան հարյուրամյակի առթիվ)

Լրացավ հայ գրականության մեծ դասականներից մեկի՝ Դերենիկ Դեմիրճյանի ծննդյան հարյուրամյակը։ Ողջ հայ ժողովուրդը, թե՛ մայր հայրենիքում և թե՛ ափյուրքում, արժանավայել շուքով և հանդիսավորությամբ նշեց այդ տարեդարձը։ Մեր հանրապետությունում այդ առթիվ կազմակերպվեցին գիտաժողովներ, մեծ գրողի կյանքին ու գրական վաստակին նվիրված հոբելյանական հանդեսներ, հավաքույթներ, զեկուցումներ և գեղարվեստական բազմաթիվ այլ միջոցառումներ, որոնք պանծացրին հայ ժողովրդի երախտաշատ զավակի հիշատակը՝ նրա ծննդյան հարյուրամյակը վերածելով հայ մշակույթի իսկական տոնի։

Մայիսի 18-ին Երևանի օպերայի և բալետի պետական ակադեմիական թատրոնում տեղի ունեցավ Դերենիկ Դեմիրճյանի ծննդյան հարյուրամյակին նվիրված կառավարական հոբելյանական հանդիսավոր նիստ, որին մասնակցեցին ականավոր գրողներ, գրականագետներ, գրաքննադատներ, մշակույթի գործիչներ, ինչպես նաև եղբայրական հանրապետություններից ժամանած պատվիրակություններ։

Հիշարժան տարեդարձի առթիվ մեծաբանքի հանդիսավոր երեկոներ տեղի ունեցան նաև Սովետական Միության մայրաքաղաք Մոսկվայում և միութենական մյուս հանրապետություններում։

Հայ գրականության պատմության մեջ իր պատվավոր և հաստատուն տեղն ունի Դերենիկ Դեմիրճյանը։ Նա գրական ասպարեզ

իջավ քաղաքական բարդ իրադարձություններով, ազգային ու սոցիալական տագնապ-



ներով հղի մի ժամանակաշրջանում: Այդ իրադարձությունների ծանր պայմաններում հասակ առած գրողի՝ դառնություններով և վերիվայրումներով լի կյանքը, երիտասարդ տարիքում նրա ցուցաբերած բազմազան հետաքրքրությունները գրականության, փիլիսոփայության, երաժշտության, մանկավարժության նկատմամբ, կանխահասորեն ձևավորեցին նրա խուզարկու միտքը, ընդարձակեցին նրա մտահորիզոնը:

Դեմիրճյանը կրտսեր սերնդակից էր Ա. ղայանի, Թումանյանի, Իսահակյանի, որոնց հետ նրա ունեցած սերտ բարեկամությունը, հաստատված մտավոր կապերը, խառնըվածքների փոխներգործությունը հենց ըսկըզբից նպաստավոր նախադրյալներ հանդիսացան երիտասարդ գրողի նախասիրությունների, նրա գրական ճաշակի հասունացման համար:

Դեմիրճյանը հայ գրականության մեջ մուտք գործեց բանաստեղծություններով: Նրա առաջին բանաստեղծությունները լույս տեսան «Տարագ» և «Մուրճ» ամսագրերում: Այնուհետև, 1899 թվականին, հրատարակվեց բանաստեղծությունների նրա անդրանիկ ժողովածուն: Այդ նույն շրջանում տպագրվեցին նաև նրա մի քանի պոեմները: Դեմիրճյանի ստեղծագործական կյանքի առաջին տասնամյակում գրված այդ բանաստեղծությունների և պոեմների մեջ արտահայտված են կյանքի կարոտի, անհաս սիրո քնքուշ զգացումներ՝ խառնված անձնական վշտի ու տառապանքի գրավիչ շեշտերով, մարդկային կյանքի և բնության երևույթների մասին փիլիսոփայական մտորումներով: Սակայն այդ բանաստեղծություններն ինքնուրույն խառնվածքի տեղ մի գրողի անհատականության կնիքն ունենալով հանդերձ իրենց վրա՝ հեղինակի գրական տաղանդի վավերական արտահայտությունները չէղան: Դեմիրճյանի ստեղծագործական տարերքը զուտ բանաստեղծությունն ու բանաստեղծականը չէր: Նա զգաց, որ հարուստ հույզերով ու խոհերով փոթորկվող իր ներքնաշխարհը չի կարող սպառել բանաստեղծություններով, և անցավ արձակի: Դեռևս իր ուսումնառության տարիներին Թիֆլիսում, Մոսկվայում և ապա Ժնևում Դեմիրճյանը հաղորդակից լինելով մարդկային մշակույթի բարձր արժեքներին և ստեղծագործաբար յուրացնելով համաշխարհային մեծ դասականների երկերը՝ արդեն ձեռք էր բերել մտավոր լուրջ պատրաստություն և սեփական աշխարհայացք: 1900-ական թվականների առաջին տասնամյակից սկսած հաջորդաբար լույս տեսան նրա արձակ և դրամատիկական գործերը՝ «Ավելորդը», «Տերտերը», «Ժպիտը»,

«Միայն մեկը» պատմվածքները, «Վասակ», «Դատաստան» պատմական ու փիլիսոփայական դրամաները և այլ ստեղծագործությունները, որտեղ կյանքի առավել լայն ու համապարփակ ֆոնի վրա, գեղարվեստական ավելի հղկված ձևերի մեջ թրթռացին և արձագանքեցին մարդկային աշխարհի, բնության, սիրո, գեղեցիկի ու տգեղի, բարու ու չարի մասին գրողի ունեցած մտքերն ու զգացումները: Դեմիրճյանի այս շրջանի ստեղծագործությունների հերոսները կյանքի լուսանցքի վրա նետված, անշուք, դժբախտ, բարձր մղումներից զուրկ մարդիկ են, հասարակական անարդար կարգերի, դժբախտ պայմանների զոհեր: Կյանքի խոր ու համակողմանի իմացությամբ օժտված գրողին հատուկ էր փոքրի մեջ տեսնել մեծը, առանձին փաստի մեջ՝ ընդհանրականը, մարդու նակատագրի մեջ՝ ժողովրդի ճակատագիրը: Այս տեսակետից բնորոշ են հատկապես Դեմիրճյանի «Ավելորդը», «Տերտերը» և մի քանի այլ պատմվածքներ, որոնք հեղինակի նախասովետական շրջանի ստեղծագործությունների մեջ առանձնանում են որպես հոգեբանական լայն ընդգրկում ունեցող միջազգային չափանիշով մեծարժեք գործեր: Այս պատմվածքների մեջ նորը հոգեբանի նրա քննախույզ հայացքն ավելի ու ավելի է իջնում մարդու բարդ ներաշխարհի անհատակ փիհերը, ի խնդիր մարդկային հոգու այն թաքուն, շարժիչ ուժերի բացահայտմանը, որոնցով պայմանավորված են լինում հաճախ մարդու ամենասահմանափակ, ստեղծվածային արարքները:

Դեմիրճյանի գրական տաղանդն առավել մեծ ու ներգործուն ուժով դրսևորվեց Հայաստանում սովետական կարգերի հաստատումից հետո: Որպես արդեն կազմավորված և մեծ կենսափորձ ունեցող գրող, որպես իր ժողովրդի բախտով ու ապագայով տևապես մտահոգված մարդ և զգաստ ու արթուն քաղաքացի նա խորապես ըմբռնեց իր հայրենիքում տեղի ունեցող քաղաքական, սոցիալական և բարոյական վերափոխությունների նշանակությունը իր ժողովրդի ճակատագրի համար և ստեղծագործական նոր ավյունով ու ոգևորությամբ լծվեց նոր կյանք կառուցող, նոր պատմություն կերտող իր ժողովրդի հավաքական ապրումներին, հույզերին, տեղեկերին, նրա կենցաղի ու հոգեբանության էական գծերի ճշմարտացի պատկերմանը: Այդ տեսակետից նշանակալից ստեղծագործություններ են Դեմիրճյանի «Հանգստի տանը», «Սաթուն», «Մերկե», «Կայարանի Ակորդը», «Նարգիզ» և այլ պատմվածքներն ու վիպակները, որոնց զբլիսավոր հերոսներն ազնիվ ձգտումներով այրվող, նոր հասարակարգի կառուցման


գեղությունը, հղկվածությունն ու զսպությունը: Թարմ մակդիրների, տպավորիչ համեմատությունների, ճոխ աֆորիզմների ճարտար կիրառումով նա կարողացել է ստեղծել գեղարվեստական խոսքի փայլուն մի հանդերձանք, որն իր վրա կրում է գրողի անհատականության, նրա նկարագրի ուժեղ դրոշմը:

Դեմիրճյանի ծննդյան հարյուրամյակը երջանիկ մի առիթ հանդիսացավ ողջ հայ ժողովրդի համար՝ մի անգամ ևս արտահայտելու իր երախտագիտությունը, իր անվերապա հիացումն ու սերը մեծ գրողի հանդեպ, մի գրող, որը միշտ կենդանի, արթուն հետաքրքրությամբ հետևեց և արձագանքեց իր ժողովրդի ցավերին և ուրախություններին, պարզ ու հասարակ մարդկանց ձրգտումներին ու ապրումներին, և որի թողած

գրական ժառանգությանը բնորոշ եղան բարությունը, մարդասիրությունը, հայրենասիրությունը և հաստատումը բարոյական մեայուն արժեքների:

Համաժողովրդական հարգանքի այս սրբոտաբուխ արտահայտություններին միանում է նաև Մայր Աթոռ ս. Էջմիածինը՝ իր գրագետ և հայրենասեր Հայրապետի օրհնությամբ բերելով իր ջերմ երախտագիտությունը մեծավաստակ գրողի գրական մեծարժեք ժառանգությանը և նրա անմահ հիշատակին, գրող, որը մեր սքանչելի մայրենին և հայոց հերոսական պատմությունը սովորեց ս. Էջմիածնի ներշնչող մթնոլորտում, Գևորգյան ճեմարանի հովանու ներքո:

ՊԱՐԳԵՎ ՇԱՀԲԱԶՅԱՆ





ԴԵՐԵՆԻԿ ԴԵՄԻՐՃՅԱՆ

Վ Ա Ր Դ Ա Ն Ա Ն Ք (Հատված)

Հայոց ժողովուրդը գործում էր իր գերագույն ճիգը—փրկում էր իրեն... Դաժան էր այդ ճիգը, անգույթ, և դրա մեջ էլ էր նրա գերագույն իմաստությունը: — Փրկությունը: Վարդանի և Վարդանանց արյունը տվեց նրան այդ նվերը:—Հնարք: Հնարավոր էր, ուրեմն և պետք է փրկվել: «Գազանը խոցված էր կարկեր»:

Ատոմը, Արշավիրը, Համազասպը երբեմն ետ էին նայում անցած ճանապարհին և տխրությամբ հիշում այն քաջերին, որ այս ճանապարհով եկան այս հաղթությունը ձեռք բերելու:

Գյուղացիական զանգվածներն սկսեցին ազդել իրենց թվով: Զորքն սկսեց սեղմվել նրան, ջերմանալ նրանով:

Սրտապնդիչ էր երկիրը: Ռամկական, ժողովրդական դիմադրությունը ծավալվեց, սկսեց ամեն կողմից հարվածել պարսից զորաքանակին, ցերեկային հարվածներին հաջորդեցին գիշերայինները: Այս սկսեցին զգգգել թշնամուն, բաժան-բաժան արին, զցեցին իրենց հետևը լեռներն ու կիրճերը, սկսեցին մաշել ամեն ժամ անդադար:

Գնում էին հայոց ժողովրդի հետևից Նուսալավուրտը, Դողվընը, հետևից Միհրներսեհը, Պերոզը, Վախթանգը, մոգպետները: Նաև Վասակը իր դավաճանակիցներով:

«Վիրավոր գազանը» սակայն համառ էր ընկել հայոց ժողովրդի հետևից, մոռնում էր, խորդում էր իր փղերով, խրխնջում էր իր բազմաթիվ ճծույզներով, զրնգում, որոտում էր, թեև գնում էր հաղթանակի

երթով, քայց չէր կարողանում հաղթահարել: Պատրասն էր այդ հաղթությունը: Բանակը ձեռքից գնացել էր, մաշվում էր:

Հեռու հորիզոնում, հյուսիսային կողմը մի փոշու հրաշեկ սյուն ծայր առավ և սկսեց վեր ոլորվել թաթառի նման: Նա քանի գրնում աճում էր:

Մրաժայր սևինքներ քաժանվեցին նրանից և սլացան դեպի Վարդանանց կուլող քանակը:

— Վրացիներն են, աղվանները,—գոչեցին զինվորները:

Մրատեսները ջոկել էին երկու խառն զորաքանակի դրոշները:

Աննկարագրելի ցնծությունը համակեց երեք եղբայր ժողովուրդների զորքերին: Ցնծություն, որ ծանոթ է նեղ օրերին, երբ վրա է հասնում հույսը:

— Վաշա՛ա՛ա՛... Կեցցե՛ն,—գոչումները խառնվեցին իրար, ինչպես և քանակները և իսկույն կեթ գործի անցան ազատության զենքերը:

Օգնական ուժերը ժամանակին հասան: Սկսվում էր թշնամու մաշման երկարատև, ծանր շրջանը:

Արյունոտող հայ զորքը իր մեծ զոհերի գնով հիմք էր դրել հաղթության, զոհեր, որ եղան սև դավաճանության շնորհիվ: Անդրկովկասյան երեք ժողովուրդների միացյալ ուժերը հաղթանակով պսակեցին բրոնակալության դեմ ուղղած պայքարը, մի հերոսական պայքար, որ ավելի ամրապրկեց անկեղծ եղբայրության մեծ գաղափարը:

րը, որ հնուց անտի կար այս ժողովուրդների մեջ:

...Կատարվեց կատարվելիքը: Արհավիրքը, որ այնպես դրդալից եկել էր՝ հիմա փոփում էր իր հետապնդած ճանապարհին և սկսում անցնել: Կոփում էր Արտակը և շուտ-շուտ ինքն իրեն հարցնում. «ո՞ր է Անահիտը, Աստղիկը, ո՞ր են Մամիկոնյան տիկիները, Մեծ Տիկիներ, Խանդութը, ո՞ր են Պողոսը, արտաշատցի երիտասարդները... Արծվի՜ն»,—բարձր ձայնում նա, և նրա սիրտը մղկտում էր:

Վերջացավ անձնական ամեն տենչ ու երազ, վերջացան անձերը, եկավ Մեծ Ընդհանրականը՝ Աշխարհն հայոց: Նա սկսեց սալել: Հաղթում էր նա: Այս բոլոր կոլիդների հոգու խորքում արդեն կայծում էր փրկության կրակիկը: Նա պլավում էր մի փոքրիկ աստղիկի չափ, բայց լուսավորում էր ողջ Աշխարհն հայոց:

Կայծակի պես զարկում էին այստեղ այստեղ վրաց, հայոց և աղվանից զորամասերը. բռնակալը գալարվում էր հուսահատության մեջ:

Նայում էր Արտակը հեռուն, մոտիկ և նրա աչքովն էին ընկնում նրանք, որոնց համար բախտը գրել էր՝ վերապրել և պատմել թե ինչպես եղավ բանը: Մերթ կոլիդ զորագնդերի մեջ երևում էր Ներշապուհը՝ համառ ու դիմադրող, մերթ Համազասպը՝ ներքուստ ներհակ ու դիմացկուն, երբեմն վշտահար Հազարապետը՝ հիմար ու ռիսկոս, վերակոչած, երբեմն Արշավիրը՝ հուսադիր, լավատես... Ահա՛ եզնիկը, Ղևոնդ Երեցը, Եղիշեն՝ իմաստուն ու ոգելից: Արտակ Մուկացին լսում էր Եղիշենին: Եղիշեն պատմաբանում էր.

—...Ցազգէն Մամիկոնէից՝ քաջն Վարդան, յազգէն Խոռխոռունեաց՝ Խորէնն Կոլովի, յազգէն Պալունեաց՝ արին Արտակ, յազգէն Գնթունեաց՝ զարմանալին Տաճատ, յազգէն Դիմաքսեանից՝ իմաստունն Հմայակ, յազգէն Քաջբերունեաց՝ հրաշակետուն Ներսէս, յազգէն Գնունեաց՝ մանուկն Վահան, յազգէն Ընծայանց՝ արդարն Արսէն, յազգէն Սրվանձտեայ՝ յառաջադէմն Գարեգին...

—...Ե՛վ տիկնայք փափկասունք Հայոց աշխարհին, և՛ գեղջկուհիք քաջակորովք և ...առհասարակ ժողովուրդն հայոց զինվորյալ...


Լսում էր Արտակ Մուկացին, հիշում անձկալիներին, սիրելիներին ծանոթ անծանոթ բյուրավորներին, որ ընկան, և իբրև երագում կոփում էր մնացողների շարքում, որ սիրտը ամոքի:

Հայոց աշխարհի ձորերից ու դաշտերից խումբ-խումբ, մենակ, երբեմն և սովար զանգվածներով գալիս էին գյուղացիներ զինված ամեն ինչով որ կարելի էր, գալիս էին անվերջ, սպառնալիորեն անվերջ, համարում և զորացնում էին կոլիդ զորամասերը: Քանի գնում, կոփվում էին մարտիկները, դառնում կատաղի, խոցող, հանդուգն:

Կոփում էին հայ, վրացի, աղվան շինականները և զինվորները, կոփում էին բրոնզակալության դեմ ցատկում և տոկունությամբ, կոփում էին խաղաղության և արդարության երագով:

Այսպես անցան օրեր, տարիներ, անցան դարեր...

(«Վարդանանք», Երևան, 1951, էջ 717—720)





Ա. ՀԱՏԻՏՅԱՆ

ՍՈՒՐԲ ԲԱՐՍԵՂ ՀԱՅՐԱՊԵՏ ԿԵՍԱՐԱՑԻ (329—379)

ԺԱՄԱՆԱԿԱԾՐՋԱՆԸ, ԿՅԱՆՔՆ ՈՒ ԳՈՐԾՈՒՆԵՈՒԹՅՈՒՆԸ

Դ դարի երկրորդ հիսնամյակում ընդհանրական եկեղեցու պատմության մեջ իրենց եկեղեցական գործունեությամբ և մատենագրական հարուստ ու բազմաժանր վաստակով քաջաձանոթ են երեք մեծ կապադովկիացիներ՝ որպես աստվածաբան, մատենագիր և սուրբ. Բարսեղ Կեսարացի (329—379), նրա բարեկամ և գործակից Գրիգոր Նազիազանցի (330—390) և Բարսեղի եղբայր Գրիգոր Նյուսացի (335—394):

Ընդհանրական եկեղեցու այս եռամեծ վարդապետների ուսանելի կյանքն ու սուրբ գրական գործունեությունը սերտորեն կապվում են Փոքր Ասիայում արիոսականության դեմ ուղղափառ եկեղեցու մղած աստվածաբանական հակաճառությունների, եկեղեցու ամրապնդման և ներքին խաղաղության ապահովման աշխատանքների հետ, աշխատանքներ, որոնք հատակորեն ցույց են տալիս, թե ինչպիսի՜ վտանգ էր ներկայացնում արիոսականությունը Փոքր Ասիայում եկեղեցիների համար, և ինչքա՜ն էր տարածվել այդ մոլորությունն հոռոմեական արքունիքի և տեղական իշխանությունների ակնհայտ պաշտպանության ներքո. «Այս սքանչելի

տղայի մեջ Աթանասի աստվածաբանական գործը գտավ իր շարունակությունը և հասավ իր գագաթնակետին: Երբ մահացան Կապադովկիացի այս երեք մեծ Հայրապետները, արիոսականության ջախջախումը և Նիկիական հավատքի փառավոր հաղթանակը ապահովված էր»: «Ա. Բարսեղի, ս. Գրիգոր Նազիազանցու և ս. Գրիգոր Նյուսացու բերած նպաստը ուղղափառ աստվածաբանության հաղթանակին, «հեղեհականության և քրիստոնեության» հարցի լուծմանը, եկեղեցու ծոցում խաղաղության վերահաստատմանը, վանականության տարածման և կազմակերպման գործում եղել է շատ մեծ, այն աստիճան, որ այդ նպաստը տևական ազդեցություն է գործել ընդհանրական եկեղեցու ողջ կյանքի վրա»¹:

Այս սքանչելի տղայը «թեև իրար հետ կապված են մտքի և հոգու ընդհանուր գծերով, ինչպես նաև սերո բարեկամության անքակտելի կապերով, այնուամենայնիվ նրանցից յուրաքանչյուրը ներկայացնում է

¹ Արիոսականության ... մասին տե՛ս «Էջմիածին» ամսագիր, 1977, № Բ, էջ 26—27:

² Johannes Quasten, Patrology, vol. III, էջ 203

անհատականության տարբեր տիպեր: Այսպես, Բարսեղ Կեսարացին համարվում է որպես գործնական ուղղության տեր մարդ, «գործել և դրական հոգի»: Գրիգոր Նազիազանցին՝ որպես հռետորության վարպետ, իսկ Գրիգոր Նյուսացին՝ որպես մտածող³:

Կապադովկիայի այս երեք մեծ Հայրապետներից յուրաքանչյուրի աստվածաբանական մտածողությունն ու գործունեությունը նույնպես ներկայացնում են «ինքնուրույն առանձնահատկություններ, ինչպես ընդհանուր բնավորության, այնպես էլ մանրամասնությունների մեջ. սակայն դրանք իսկապես նույն աստվածաբանության այլաձևություններն են: Այդ աստվածաբանությունը յուր հիմնական սկզբունքներով և էական տարրերով խիստ բարդ ձևով է ներկայացնում: Նախ և առաջ նրա վրա ազդեցություն է ունեցել Որոգինեալ... Բարսեղ Մեծը և Գրիգոր Աստվածաբանը, նույնիսկ Որոգինեայի երկերի ամենաընտիր հատվածների ժողովածուն՝ «Ֆիլոկալիա» կազմեցին: Որոգինեայի մեկնաբանական աշխատությունների ուսումնասիրությունը ներառեց համար նախապատրաստություն էր արիտականության դեմ պայքարելու համար...: Կապադովկիացի Հայրապետների աստվածաբանության «ընդհանուր բնավորությունը և ոգին և էական եզրակացությունները» իրենց հիմք ունեին Նիկիական դավանանքը: Այստեղից բնականաբար ծագում է նրանց կախումը ս. Աթանասի աստվածաբանությունից: Նրանք ս. Աթանասի աշակերտներն էին և դրանով ամրացրին կապը Նոր Ալեքսանդրիայի աստվածաբանության հետ»⁴:

Ս. Բարսեղի, ս. Գրիգոր Նազիազանցու և ս. Գրիգոր Նյուսացու աստվածաբանական վարդապետությունը շատ մեծ կարևորություն և նշանակություն է ունեցել հետագա դարերի աստվածաբանական-քրիստոնաբանական մտքի զարգացման համար, ընդհանուր եկեղեցու պատմության մեջ:

Կապադովկիայի հայրերի «աստվածաբանական երկասիրությունների մեջ ս. Երրորդության հարցը յուր վերջնական որոշումը ստացավ և նրանց հաստատած եկեղեցական հասկացողությունը, նրանց ստեղծած բանաձևերը դարձան թանկագին սեփականություն ուղղափառ աստվածաբանական

դավանության: Բայց Կապադովկիայի հայրերը միայն բացատրեցին և բացեցին եկեղեցվո վարդապետությունը, ինչպես որ այդ արտահայտված էր Նիկիական ժողովում, չփոխելով նրա էությունը... Ս. Գրիգոր Աստվածաբանը Նիկիայի հավատի հանգանակը ներկայացրեց յուր ամբողջ պարզությամբ և նրան կատարյալ արտահայտություն տվեց, հավատի ամենաբարձր գաղտնիքները հանրամատչելի դարձնելով: Բարսեղ Մեծը այդ հավատը կյանքի մեջ ներմուծեց, իսկ Գրիգոր Նյուսացին նրան գիտական-փիլիսոփայական հաստատություն տվեց»⁵:

Ընդհանուր եկեղեցու պատմության մեջ Բարսեղ Կեսարացին կոչվել է Մեծն Բարսեղ և երկրորդ Աթանաս: Կեսարացին «ս. Աթանասից հետո ամենագործել ջատագովն է հանդիսացել Նիկիական դավանության և ս. Ամտոնից հետո գլխավոր հիմնադիրն ու կանոնագիրը՝ արևելյան վանականություն»⁶:

Բարսեղ Կեսարացին ծնվել է 329 թվականին Կապադովկիա գավառի Կեսարիա քաղաքում, քրիստոնեական բարեպաշտությամբ, կենցաղավարությամբ և առաքինությամբ հռչակված մեծահարուստ և ազնվական ընտանիքում. «Ի հօրէ պոնդացի, ի մօրէ կապադովկացի, ոչ լաննշանից ոմանց, ալ ի մեծաց և յերեւելաց և ճշմարտութեան հաւատովն պայծառ»⁷:

«Սերեցավ սուրբերու ընտանիքէ մը: Սուրբեր էին հայրն ու մայրը, մայրենի պապըն ու մամը, եղբայրը՝ ս. Գրիգոր Նյուսացին, քույրը՝ սուրբ Մարրիկան»⁸: Բարսեղ Կեսարացու «ընտանիքը ծագմամբ Հայաստանէն, երկրին ամենէն ծանոթ ընտանիքներէն մին էր, միևնույն ատեն եկեղեցվո մեջ ամենէն հռչակավորներէն: Իր հայրը, իր մայրը, իր մորենական մեծ հայրը, սրբոց դասը անցած են»⁹: «Կեսարացու հայրական պապը և նրա կինը շերտեաւոր քրիստոնյաներ են եղել: Բրիստոնեության դեմ տարված հալածանքներից ազատվելու համար նրանք յոթ տարի անթոխան թափառել են

³ Պրոֆ. Ն. Մազարդա, նույնը, էջ 40:

⁴ «Կնիք հաւատոյ», ս. Էջմիածին, 1914, նախաբան Կարապետ եպս. (Տեր-Մկրտչյանի), էջ XLV:

⁷ Կիմ Մ. Մորադյան, Բարսեղ Կեսարացին և Նրա «Վեցօրեան» հայ մատենագրության մեջ, Երևան, 1976, էջ 270: Նույնի առաջին գլուխը՝ ունի «Բարսեղ Կեսարացու կյանքը» վերնագիրը, էջ 27—54:

⁸ Թորգոմ արքեպ. Գուշակյան, Սուրբք և տոմք, Երուսաղեմ, 1939, էջ 68:

⁹ Արշակ Ալադյան, Պատմություն հայ Կեսարիո, Ա. հատոր, Գաֆիլե, 1937, էջ 258:

³ Նույնը, էջ 208—204: Տե՛ս նաև պրոֆ. Ն. Մազարդա, Հույն-արևելքի հին եկեղեցական աստվածաբանական գիտությունը, յուր ծաղկման շրջանում (Դ—Ե դդ.), Վաղարշապատ, 1910, էջ 36—37:

⁴ Պրոֆ. Ն. Մազարդա, նույնը, էջ 37—38: Ս. Աթանասի աստվածաբանության մասին տե՛ս «Էջմիածին» ամսագիր, 1977, № Բ, էջ 26—27:

Պոնտոսի անտառներում, գրկվելով իրենց կալվածքներից և զանազան նյութական միջոցներից»¹⁰:

Ս. Բարսեղ Կեսարացու կյանքի և գործունեության ու նրա վարքագրության մասին մեզ հասել են մի շարք ձեռագիր պատմական, մատենագրական սկզբնաղբյուր վկայաբանություններ, ինչպես օրինակ նրա «Վարք»-ը, թղթերը, նրա մահվան առթիվ նրա բարեկամ և Գրիգոր Նազիազանցու խոսած «Դամբանական»-ը և նույնի թղթերն ու նրա՝ իր իսկ ձեռքով գրած «Վարք»-ը: Հայ բանասիրության մեջ ևս կան տպագիր բազում արժեքավոր վարքագրություններ և ուսումնասիրություններ Բարսեղ Կեսարացու կյանքի, գործունեության և մատենագրական վաստակի մասին¹¹:

Ի դեպ, այստեղ ամենայն կարևորությանը պետք է արձանագրել, որ Կ. Մ. Մուրադյանի վերոհիշյալ աշխատությունը խղճամիտ, լուրջ ու արժեքավոր ուսումնասիրություն է և գիտական ներդրում «Բարսեղագիտության» մեջ ոչ միայն և. Բարսեղ Կեսարացու «մատենագրության հայերեն թարգմանության ուսումնասիրության ուղղությամբ», այլ նաև «հայ բանասիրության մեջ տասնամյակների ընթացքում Բարսեղ Կեսարացու շուրջ ստեղծված գրականության» և նրա կյանքի ու գործունեության մասին, գործ, «որն արդյունք է երկար տարիների տքնաջան աշխատանքի»¹²:

Բարսեղ Կեսարացին իր նախնական կրթությունն ստանում է իր հորից՝ Բարսեղից, որը ոչ պակաս հռչակված հոեւոր էր Պոնտոսի Նեո-Կեսարիա քաղաքում և իր ողորմ վարժեցումը էր «ոչ նապաստակ խիելու, ոչ այժմ խրոմեցեղելու և ոչ էլ եղնիկ որսալու... այլ ուսուցանում էր գիտության սկզբնական ոլորտները և աստվածասիրություն էր սերմանում... ամենասուաչին դասերով իսկ մղում հետագա կատարելության», ինչպես վկայում է Գրիգոր Նազիազանցին: Բարսեղի հայրը որդին էր սուրբ Մարքիան Երեցի: Վերջինս աշակերտել էր Գրիգոր Նազիազանցու հորը՝ Գրիգոր Աքանեղազոր՝ եպիսկոպոսին, և տիպար ու կրթված հավատավոր կին էր:

Ըստ վարքագիրների վկայության Բարսեղ

¹⁰ Կ. Մ. Մուրադյան, նույնը, էջ 23:

¹¹ Տե՛ս Հ. Ս. Անադյան, Հայկական մատենագիտություն, Ե-ժԸ դդ., հատոր Բ, Երևան, 1976, էջ 1343-1346, 1399-1405: Կ. Մ. Մուրադյան, նույնը, «Ներածություն», էջ 5-26: Նաև Բարսեղ Կեսարացու կյանքը, էջ 26-54:

¹² Վազգեն Հակոբյան, Պատմա-բանասիրական հանդես, № 1, Երևան, 1977, էջ 251: (Գրախոսություն Կ. Մ. Մուրադյանի գրքի մասին):

Կեսարացու դաստիարակության և ուսումնառության գործում վճռական դեր է կատարել նաև նրա «տառ Մարքիան», «որը շատ հակամետ էր ճգնախորական կյանք վարելու և յուր այս աշխարհայացքին վարժեցրեց Բարսեղին դեռևս վերջինս մանուկ հասակում»¹³:

Կեսարացու մայրը՝ Էմիլիան, աղջիկը նույնպես մի մարտիրոսի, բնիկ կապադովկիացի էր: Նրա ծնողներն էլ ծանր չարաչարանքներ և զրկանքներ էին կրել ու նահատակվել՝ հանուն իրենց քրիստոնեական հավատի: Էմիլիան ծնունդ էր տվել 10 երեխաների, որոնցից 4-ը տղա, 6-ը՝ աղջիկ: Տղաներից երեքը հետագայում դարձան եկեղեցու նշանավոր հայրեր և եպիսկոպոսներ, և. Բարսեղը, և. Գրիգոր Նյուսացին և Սեբաստիայի ա. Պետրոս եպիսկոպոսը, իսկ նրանց Նավկրատիոս եղբայրը եղել է անտասնական արտակարգ տաղանդով օժտված մեկը, բայց մահացել է վաղ հասակում: Բարսեղի մեծ քույրը ծանոթ է եղել իր բարեպաշտությամբ, ճգնախորական խիստ կենցաղով և կոչվել է Կույս Մարքիան Կրտսեր:

Բարսեղը ծնունդով եղել է թույլ և վատառույց: Նրա մերձ ի մասն հիվանդանալուց հետո հայրը ընտանիքով թողնում է Կապադովկիան և հաստատվում Պոնտոսում: Այստեղ Բարսեղի կրթությամբ զբաղվում է նրա հայրը, իսկ նրա քրիստոնեական դաստիարակությամբ՝ նրա քույրը՝ Մարքիան:

Բարսեղ Կեսարացու օրով Կապադովկիայում նշանավոր քաղաք էր Կեսարիան, որը հայտնի էր որպես քրիստոնեության և «լուսավորության կենտրոն և կարող էր հպարտանալ գիտնականների շատությամբ»¹⁴:

Բարսեղ Կեսարացին այնուհետև իր ուսմը 7 տարի շարունակում է հոր թեղադրությամբ Կեսարիայում, մինչև 344 թվականը, և ապա Անտիոքում, որը «այն ատեն ավելի նշանավոր էր իբր քրիստոնեական գիտության կեդրոն»¹⁵: Այնուհետև ուսման մեջ կատարելագործվելու համար նա անցնում է Կ. Պոլիս, «ի թագաւորական քաղաքն Կոստանդնուպոլիս»՝ աշակերտելու նշանավոր հոեւոր Լիբիանոսին (314-393), երբ ինքն արդեն այդ թվականներին (344-351) «նարտասան էր նարտասանների մեջ»՝ մինչև նրանց ունկնդրելը, փիլիսոփա էր փիլիսոփաների մեջ՝ մինչև փիլիսոփա

¹³ Երվանդ վրդ. Տեր-Մինասյան, Ընդհանուր և կենդանական պատմություն, հատոր Ա, և. Էջմիածին, 1908, էջ 270:

¹⁴ Կ. Մ. Մուրադյան, նույնը, էջ 31:

¹⁵ Թորգոմ արքեպ. Գուշակյան, նույնը, էջ 68:

փայտության դասընթացքն անցնելը», ինչպես վկայում է Բարսեղի մասին և Գրիգոր Նազիազանցին:

Իր ուսումնառության տարիներին իսկ Բարսեղը «իր բարք ու վարքին ծանրությամբ կմրցեր նույնիսկ քահանաներուն հետ»¹⁶:

Բարսեղ Կեսարացին այնուհետև իր ուսումնառության մեջ խորանալու և էլ ավելի հմտանալու համար «ցանկալի հմուտ լինել փիլիսոփայական արուեստիցն», երբ արդեն «ԺԵ (15) ամեայ եղեալ», 352 թվականին գնում է Աթենք: «Ատտիկեի մայրաքաղաքը այն ատեն ամեն բանե առաջ համալսարանական քաղաք մըն էր: Իր դրպրոցներու հին փառքն էր որ օտարները իրեն քով կքաշեր: Դեպի անոր բեմերը կվազեին աշակերտները», «ի մայրն իմաստութեանց»: «Ի դարում անհմար էր պատկերացնել ավարտուն ուսումնառություն ստանց Աթենքի համալսարանի»¹⁷:

Աթենքում էր դարձյալ, որ Բարսեղ Կեսարացին հանգամանորեն ուսումնասիրում է քրիստոնեական վարդապետությունը և «Աթենքի համալսարանում ուսանելիս միայն հնարավորություն ունեցավ պատկերացնելու քրիստոնեության բացահայտ առավելություններն ու առանձնահատկությունները, առանց որոնց անհնար կլինեք կողմնորոշվել այն պայքարում, որ այնուհետև տարիներ շարունակ վարեց նա հոգուտ քրիստոնեական տարածման և վերջնական հաղթանակի»¹⁸:

Աթենքում Բարսեղ Կեսարացին 352—356 թվականներին, ի թիվս այլ նշանավոր դասախոսների, «աշակերտեցավ հայագի Պրոյերեսիոսին՝ կամ Պարույր Հայկազնին, իրեն դառնակեր ունենալով կայսերազուն Հուլիանոսը, որ ապագային Ուրացողը պիտի ըլլար»: Աթենքի մեջ և Բարսեղ հանդիպեցավ իր բարեկամին՝ Գրիգոր Նազիազանցին, որուն կյանքը և գործը իրենիցն անբաժան պիտի ըլլար»: Կեսարացու և Նազիազանցու «գոստումնակցութիւն և զսիրոյն կապ, որ առ միմեանս, ի մանկութենէ» էր¹⁹:

¹⁶ «Լոյս» շաբաթաթերթ, 1905, Կ. Պոլիս, հատոր Ա, էջ 708: Հոդվածաշարք P. Allard-ի, «Սուրբ Բարսեղ» ֆրանսերեն գրքից, ազատ թարգմանությամբ Տիրայր վարդապետ Մարգարյանի:

¹⁷ Նույնը և Կ. Մ. Մուրադյան, էջ 35:

¹⁸ Նույնը:

* «Տեսնե՞ք,—ասում էր Բարսեղ Կեսարացին Հովհանոսի մասին,—ինչպիսի՜ խարազան է պատրաստում իրեն կայսրությունը»:

¹⁹ Արշակ Ապույանյան, նույնը, էջ 258:

Quasten, նույնը, էջ 204: «Լոյս» շաբաթաթերթ, նույնը, էջ 780: Հուսիկ եպս. (Տեր-Մովսիսյան),

Աթենքում Կեսարացին ծանոթանում է արտաքին գիտություններին, ուսումնասիրում քերականություն, ճարտասանություն, փիլիսոփայություն և մանավանդ ճշգրիտ ու բնական գիտություններ՝ աստղագիտություն, երկրաչափություն, բժշկություն:

Աթենքի ուսումնառության տարիներին Բարսեղ Կեսարացին խորը հիասթափություններ է ապրում «Աթենքի մեջ չգտնելուն համար հաստատուն վայելքներ, զոր երազած էր, այլ անոնց մեջ գտած էր «խաբեպատիր երջանկություն մը, երանության ստվեր մը»... Բարսեղ և Նազիազանցին խնջույքներու, տեսարաններու և աղմկահույզ տոներու տեսարաններեն հեռանալով եկեղեցվո և դպրոցի ճամբաները միայն ճանչցան»²⁰: Աթենքում Բարսեղ Կեսարացին սովորում է 352—356 թվականներին: Ապա իր ուսումն ավարտելուց հետո նա թողնում է Աթենքը «ոչ այնքան ուսումնառության ավարտի պատճառով, որքան միջավայրից հակադրված» (Կ. Մ. Մուրադյան) և վերադառնում իր ծննդավայրը, «ուր իրեններն իրեն կապառնեին անհամբեր, մինչ Նազիազանցին Բարսեղի խորհուրդին վրա Աթենքի մեջ իր բնակությունն երկարածեց»²¹:

Կեսարիայում Բարսեղը որպես բազմակողմանիորեն պատրաստված և հմուտ անձնավորություն, որպես «գիտությամբ ծանրաբեռնված մարդ» (Գրիգոր Նազիազանցի), զբաղվում է մի որոշ ժամանակ հոե-տորական արվեստի դասավանդությամբ և փաստաբանությամբ:

Այդ տարիներին է, որ Բարսեղ Կեսարացին ապրում է հոգեկան տագնապ և ապա՝ հոգևոր վերածնունդ և իր ողջ կյանքը նվիրում՝ Աստուծո և եկեղեցու անմեացորդ ծառայության նվիրական գործին:

Աթենական ուսումնառության տարիների հեթանոս բարքերն ու իմաստազուրկ կենցաղը խորապես ազդել էին Բարսեղ Կեսարացու հոգեկանին, նրա ներաշխարհի վրա. «Բազմաթիվ քրիստոնյաներու կողմե Աթենք առաջին տեղը կգրավեր այն քաղաքներուն մեջ ուր բնակիլը վտանգավոր էր հավատքի տեսակետե: Բայց կոապաշտության տեսարանը Աթենքի մեջ, ավելի ամրացուց նաև Բարսեղի հավատքը: Անկիս կհրճվեր քրիստոնյա ըլլալուն համար»²²:

Բարսեղ Կեսարացին հետագայում նկարագրում է իր հոգևոր վերածնունդը այս բա-

Անապատականներ և վանականություն, Վաղարշապատ, 1906, էջ 44:

²⁰ «Լոյս» շաբաթաթերթ, էջ 780—781:

²¹ Նույնը, էջ 781:

²² «Լոյս» շաբաթաթերթ, էջ 780:

ներով. «Շատ ժամանակ փնացրի ես հիմարությունների վրա և համարյա իմ ամբողջ երիտասարդությունը վատնեցի ավելորդ աշխատանքների մեջ, մի իմաստության մեջ խորանալու և նրան նվիրվելու համար, իմաստություն, որը հիմարություն է ըստ Աստուծու (Ա. Կորնթ. Ա. 20): Հանկարծ ես զարթնեցի որպես թե մի խորունկ քնից: Ես ըմբռնեցի Ավետարանի ճշմարտության զարմանալի լույսը և ճանաչեցի այս աշխարհի իշխանների իմաստության ոչնչությունը, իմաստություն, որը խափանվելու է (Ա. Կորնթ. Բ. 6): Ես արցունքի հեղեղներ թափեցի իմ դժբախտ կյանքի վրա և աղոթեցի մի առաջնորդության համար, որը կառողանար իմ մեջ ստեղծել բարեպաշտության սկզբունքները»²³:

Հոգևոր այս վերածննդից անմիջապես հետո Բարսեղի տառչին ու վճռական քայլն է հանդիսանում 357 թվականին քրիստոնեական մկրտություն ընդունել Կեսարիայի Դիանիոս եպիսկոպոսից, «հրաժարվի հեթանոս գրականությունը մշակելն և նվիրվի ամբողջությամբ Աստուծո»²⁴:

Այնուհետև Կեսարացին նվիրվում է վաճառական-անապատական կյանքի խոլումների և ուսումնասիրության. «Քրիստոնեական մկրտությունն ընդունելուն պես նա իրեն նվիրեց ճգնափորական կյանքի: Նրա այս հայացքին ավելի ույժ էր տալիս այն հանգամանքը, որ հոր մահից հետո նրա մայրն ու քույրն ևս բարեկամութենների հետ միասին սկսել էին անապատական կյանք վարել»²⁵:

358 թվականին Բարսեղը այցելում է Եգիպտոսի, Պաղեստինի, Ասորիքի, Միջագետքի մենաստանները՝ ուսումնասիրելու վաճառական կյանքը և անձամբ ծանոթանալու անվանի վաճառական-անապատականների հետ: Այս ճանապարհորդությունը և վաճառական կյանքի հետ մոտիկից նրա ծանոթությունը խոր տպավորություն են թողնում նրա վրա: Կեսարացին հետագայում մեծ հիացումով և հափշտակությամբ էր խոսում իր այցելած մենաստանների և վաճառականների մասին. «Ես երկյուղածությամբ եմ հիշում վաճառականների չափավորությունը ուտելիքի մեջ. աշխատանքի մեջ նրանց տոկունության վրա եմ հիացել էի. սքանչացել էի աղոթքի մեջ նրանց ջերմեռանդության և ջանասիրության վրա. զարմացել էի թե նրանք ինչպե՞ս հաղթում են քնին. չէին ընկնում ոչ մի մարմնական կարիքի առաջ. միշտ հոգու արիություն էին պահում

քաղցի, ծարավի, ցրտի և մեղկության մեջ... Նրանք, հիբավի, ցույց էին տալիս թե ի՞նչ է ճանաչվում ապրել որպես երկնաքաղաքացի, արհամարհելով աղցալոր աշխարհը: Այս բոլորը իմ մեջ հիացմունք էր առաջացնում: Այս մարդկանց կյանքը օրհնված կյանք էր և նրանք իրենց մարմնի մեջ ապրում էին Հիսուսի մահը: Իմ աղոթքն այն էր, որ ես էլ նրանց նմանվեմ»²⁶:

Երբ այս ճանապարհորդությունից հետո, 360-ին, նա վերադառնում է Կեսարիա, Բարսեղն իր ողջ հարստությունը, որը ժառանգել էր իր հորից, բաժանում է աղքատներին և ստանձնանում «անուսուսիս և լեռնոտ» Պոնտոս, Իրիս գետի ափին, Անիսայում, ոչ շատ հեռու Նեո-Կեսարիա քաղաքից, ապրելու համար վաճառական-միաբանական կյանքով, վաճառքի և վաճառական հաստատությունների միջոցով ամրապնդելու եկեղեցին և պաշարելու արիությանների դեմ: Այստեղ Կեսարացու շուրջ հավաքվում է վաճառական-կրոնական նույն կյանքին նվիրված բարեպաշտ մարդկանց մի հոծ բազմություն: Դրանց մեջ էր նաև Բարսեղի մայրը: Նա հաջորդ տարիներին Պոնտոսում մենաստաններ ու եղբայրանոցներ է հաստատում և նրանց ղեկավարության և գործունեության համար կազմում վաճառական կանոնադրություններ՝ արդարորեն համարվելով մեծ օրենսդիր և կանոնագիր օրոշողը վաճառականության:

Պոնտոսի այս ստանձնության մեջ Բարսեղ Կեսարացին 358 թվականին ընդունում էր այցելությունը իր երբեմնի դասընկեր և բարեկամ Գրիգոր Նազիազանցու, որը եկել էր «բաժանելու իր բարեկամի գրկանքները» և որի հետ կազմում է Որոգիմեսի աշխատությունների անթոլոգիան՝ «Ֆիդոկալիա» անունով և թվով 55 վաճառական կանոնադրություններ:

Բարսեղի և Նազիազանցու կյանքը վեհանիստ այս ստանձնության մեջ շրջապատված էր սակայն ծանր դժվարություններով. «Նրանց խրճիթը ստանց տանիքի էր և ստանց դրան. վատարանը՝ ստանց կրակի, պատերը խորշակից այնքան էին չորացել և ճաքճաքել, որ նրա մեջ բնակողները կաթիլքի և անձրևի ժամանակ չէին կարողանում ցեխտու կաթիլներից պատռույթովել: Նրանք այնտեղ կենում էին տանալուսին դատապարտվածների պես՝ ջրի մեջ՝ ծարավից տանջվելով», վկայում են վարքագիծները: Բայց նրանք հոգով կայտառ էին և ուժեղ: Բարսեղ Կեսարացին վաճառական չարքաշ այդ կյանքը ուրախու-

²³ Quasten, նույնը, էջ 205:

²⁴ Արշակ Արղայանյան, նույնը, էջ 259:

²⁵ Երվանդ վրդ. Տեր-Մինասյան, նույնը, էջ 270:

²⁶ Հուսիկ եպս. (Տեր-Մովսիսյան), նույնը, էջ 45: Նաև Quasten, նույնը, էջ 205:

թյամբ և հպարտությամբ անվանում է «Մամբրեի կաղնի, դեպի երկինք բարձրացող սանդուղ, Մաքանայիմի կայարան, Եդիա մարգարեի Կարմեղոս, Հովհաննես Մկրտչի անապատ և Զիթենյաց լեռ»:

358—364 թվականները Բարսեղ Կեսարացին Պոնտոսի վանական առանձնության մեջ է անցկացնում իր կյանքը, ստեղծագործական, հոգեշեն մեծ իրագործումներով: Նրա գիտնականության և հոգևորական օրինակելի կյանքի «պայծառ իմաստութեան և հրեշտակական» համբավը հռչակվում էր ողջ Կապադովկիայում:

Այդ թվականներին Կապադովկիայի Եվսեբիոս միտրոպոլիտը աշխատում է օգտագործել «սարկավագապետ» Կեսարացու մեծ տաղանդը իր թեմում, մանավանդ արիտականների դեմ պայքարելու համար, և նրան հրավիրում Կեսարիա, իր մոտ, որպես «ամենայն ինչ՝ լամենայնի», որպես ուղղափառության ամենաջերմ պաշտպան, որպես բարի և ազնիվ խորհրդական, խելացի օգնական և հմուտ կազմակերպիչ, ս. Գրոց քաջաձանթ մեկնիչ, իր ծերության անցում և զավագան, ավելի վստահելի և արժանավոր անձ, քան իր ողջ հոգևորականությունը, ինչպես վկայում է այս մասին Նազիազանցին²⁷:

364 թվականին Բարսեղ Կեսարացին Եվսեբիոս միտրոպոլիտից քահանա է ձեռնադրվում: Ավելի առաջ սարկավագ էր ձեռնադրվել Անտիոքում Մելիտոս եպիսկոպոսից:

Կեսարացին իր քահանայական ձեռնադրությունից հետո էլ 3—4 տարի դարձյալ առանձնանում է Պոնտոս՝ իր հիմնած մեղադրանքների մեջ, և նվիրվում իր սիրած վանական կյանքի է՛լ ավելի կազմակերպությանը:

Բարսեղ Կեսարացին որպես օրթոդոքս եկեղեցու վանականության հիմնադիր և կանոնագիր համոզված էր, որ վանականները «չպետք է անպայման միայնության մեջ ապրեն և ճգնավորական կյանքի անձնորացության և անձնաշարժար լինելու չափազանցություններին վերջ դնելու համար կանոններ են պետք: Նա շատ էլ չէր քաջալերում միանձնական ճգնավորությունը: Նա մտածում էր, որ ճգնավորները չափազանց անձնատուր լինելով վերացականության, էլ միջոց չեն ունենում քրիստոնեական սերը վերակենդանացնելու, ուստի վանական և միաբանական կյանքի հիմնադիրը դարձավ Պոնտոսում և Կապադովկիայում: Որքան գորանում էր վանական-միաբանական կյանքը, այնքան թուլանում էր ճգնավորա-

կան միայնակեցականը, և վանքերը քրիստոնեական եկեղեցու կարևոր հաստատությունները հանդիսանալով տարածվեցին ամենուրեք, իսկ վանականությունը դառնում էր եկեղեցու նյութական և բարոյական զարգացման համար հոգևոր զինվորություն²⁸:

Բարսեղ Կեսարացին այսպիսով հիմնադիրն է հանդիսանում նոր տիպի վանականության. «Իր հորինած կանոններում ազդեցությունը գերիշխող եղավ հետագա ժամանակի կրոնական կենաց կազմության համար, այնպես որ Փոքր Ասիոյ մեջ «վանական» կյանքը հաղթեց հնագույն «ճգնավորական» (միայնավորական) կենցաղին²⁹:

Վանքերը այնուհետև դադարեցին ճգնաբաններ լինելուց և հանդիսացան քրիստոնեական դաստիարակության և արվեստի օջախներ:

370-ական թվականներին մոլեգնում էր արիոսական մոլորությունը, հատկապես Փոքր Ասիայում: Եկեղեցու ներքին խաղաղությունը դարձյալ վրդովվել էր: Վաղես կայսրը (364—378) քաջալերում էր արիոսականներին:

370-ին վախճանվում է Կապադովկիայի Եվսեբիոս միտրոպոլիտը: Այդ փառավոր ու պատմական Աթոռի վրա նրան հաջորդում էր արժանավորապես Բարսեղ Կեսարացին. «Կատարյալ վանականը դարձավ միանգամից մի եռանդուն եկեղեցական», որովհետև նա «սկզբից նեղ կազմակերպված և հաստատուն քնավորության տեղ էր և նրա համար պարզ էր յուր անելիքն ու չանելիքը»³⁰:

Կեսարացու միտրոպոլիտության տարիներին նրա իմաստուն, շրջահայաց և հետեւողական պայքարի շնորհիվ հիմնովին ջախջախվում է արիոսականությունը Կապադովկիայում: Նրա մեծագույն մտահոգությունը եկեղեցու միության վերահաստատումն էր և ներքին խաղաղության ամրապնդումը: Նրա ջանքերով Կապադովկիայի պատմական Աթոռը փառավորվում է եկեղեցանվեր, հոգևոր, վանական, մշակութային, մարդասիրական հաստատությունների ցանցով և շքեղ ու մնացուն գործերով³¹:

Հայ եկեղեցին միշտ սերտ հարաբերու-

²⁸ Հուսիկ եպս. (Տեր-Մովսիսյան), նույնը, էջ 44: Այս հաստատումները Հուսիկ եպիսկոպոսը քաղել է իր աշխատության մեջ Ֆ. Ֆարրարի «Ս. Հարց վարքն ու գործերը» ուսերեն գրքից:

²⁹ Արշակ Ալադյանյան, նույնը, էջ 262:

³⁰ Երվանդ վրդ. Տեր-Մինասյան, նույնը, էջ 270:

³¹ «Լոյս» շաբաթաթերթ, էջ 1104—1107: Տես նաև Quasten, նույնը, էջ 205—206:

²⁷ Quasten, նույնը, էջ 205:

թյան մեջ է եղել Կապադովկիայի Աթոռի հետ, մանավանդ ա. Գրիգոր Լուսավորչի օրերից³²։ Պատմական փաստ է, որ Կեսարիայում, Փոքր Հայքի այդ նշանավոր քաղաքում, ապրում էր հոծ հայություն։ Կեսարիան հայաքաղաք էր։

Կեսարիայի դպրոցներում գիտություն և ունում էին առանում ման քաղում հայ ուսանողներ, որոնցից ոմանք աշակերտել են նույնիսկ Բարսեղի հորը և իրեն՝ Կեսարացուն։

Մեծն Ներսեսի օրով Հայաստանում քաղված մեծապատիվներն ու դպրոցները, հիվանդանոցներն ու անկեղանոցները դեկավարվում էին ման մասամբ Բարսեղ Կեսարացու հաստատած կանոններով, «նիշտ այն թվականներում երբ Բարսեղը նույնը կկատարեր Կապադովկիայի մեջ»³³։

Փախտոս Բուզանդը «Ա. Բարսղի վարույց և գործունեության վերաբերությունը պատկերացրել է հանձին նրա մեծ ժամանակակից Մեծն Ներսեսի»³⁴։

Հայ եկեղեցու և Կապադովկիայի Աթոռների միջև է՛լ ավելի սերտ հարաբերություններ են եղել Բարսեղ Կեսարացու և Մեծն Ներսեսի օրոք։

Այս երկու պատմական Աթոռների եկեղեցական հարաբերությունների մեջ, սակայն, «անհնար է գործ մը կամ պարագա մը ցուցնել, որով Կեսարիո արքեպիսկոպոսներ Մեծ կամ քուն Հայաստանի վրա իրավասություն կամ հսկողություն կատարած ըլլան։ Այնտեղ ստացված ձեռնադրություններն ալ պատվադիր նպատակն անտին չեն անցնիր և երբեք իրավասական նշանակություն չեն կրնար ունենալ»³⁵։

Բարսեղ Կեսարացին մահանում է հազիվ հիսուն տարին լրացած, 379 թվականի

հունվարի 1-ին, երեքշաբթի օրը³⁶, «վասնզի էր ծերացեալ և ցաւագար՝ մարմնով»։

Կեսարացին, ինչպես նշվեց, իր ծնունդից սկսած եղել է վատատոյջ և թուլակազմ. հետագայում «նա իրեն ճգնախորությամբ թուլացրել էր և հիվանդությունների տեղ դարձել»³⁷։

«Հիվանդությունը անբաժան է ինձանից, սկսած վաղ հասակից մինչև ծերություն», վկայում է իր մասին Կեսարացին։ Այդ իսկ պատճառով «քաղում էակամ գործեր կիսակատար են մնում»³⁸։

Բարսեղ Կեսարացու վաղաժամ մահը մեծ կորուստ էր և՛ Կապադովկիայի, և՛ ընդհանրական եկեղեցու համար։ Նրա մահվան առթիվ Գրիգոր Նազիազանցին իր արտասանած «դամբանական»-ի մեջ վկայում է. «Ծանր էր կորուստը. նրա համար ամբողջ քաղաքն էր անհանգստացած... Մտածում էին փրկել նրա հոգին. թվում էր, հնարավոր կլիներ բռնել և բռնությամբ պահել նրան ձեռքերով կամ աղոթքներով. (վիշտը նրանց անմիտ էր դարձրել) և բոլոր դեպքերում եթե միայն հնարավոր էր, պատրաստ էին անգամ իրենց կյանքը տալու»³⁹։

Մեր եկեղեցին տարին երկու անգամ ոգեկոչում է հիշատակը ա. Բարսեղ Կեսարացու։ Առաջինը նրա մահվան օրը, հունվարի 1-ին, իսկ երկրորդը՝ հոկտեմբերին, եկեղեցու նշանավոր «երկոտասան վարդապետների» տոնին⁴⁰։

Բարսեղ Կեսարացու հիշատակին նվիրված Մանկունք մասնավոր շարականը նրան բնութագրում է այսպես. «Լուսապայծառ իմաստիք... լուսաորեաց գեկեղեցի աստուածային բանին... Սին հաւատոյ հաստատութեան... ըստ անմարմնոցն ի մարմնի քաղաքավարեալ առաքինութեամբ ի մանկութենէ»⁴¹։

(Ծարմանակի)

³² Արշակ Ալադյան, նույնը, էջ 271—289։

³³ Եղիշե արքեպիսկոպոս Դուրյան, Ազգային պատմություն, Երուսաղեմ, 1934, էջ 247։ Տե՛ս նաև «Լոյս», նույնը, «Ծագումն հայ վանականության», էջ 360, 468, 538։

³⁴ «Կնիք հաւատոյ», նույնը, էջ XLV։

³⁵ Մաղաքիա արքեպիսկոպոս Օրմանյան, Ազգապատում, Ա հատոր, Ա մաս, Բեյրութ, 1959, էջ 227։ Նաև Օրմանյանի «Աթոռ Հայաստանեայց», 1972, Սայր Աթոռ, էջ 44—45։

³⁶ Վազգեն Հակոբյան, Պատմա-բանասիրական հանդես, 1977, № 1, էջ 252։

³⁷ Երվանդ վրդ. Տեր-Մինասյան, նույնը, էջ 270։

³⁸ Կ. Մ. Մուրադյան, նույնը, էջ 54։

³⁹ Նույնը։

⁴⁰ Օրացույց Մայր Աթոռի, 1977, էջ 14 և 132։

⁴¹ «Զայնքաղ շարական», Վաղարշապատ, 1888, էջ 422։

ՆՈՐԱՀԻՐԱԾ

ԳՐԻԳՈՐ ՓԻՏԵՃԵԱՆ

Largo

Soprani
Alti
Tenori
Bassi

Misterioso *p*

Նորահրա.....

Adagio maestoso *ff*

Պը - սա... կա .. Լոր Եւ զօ ... րա .. գլուխ

Adagio maestoso *ff*

Պը - սա... կա .. Լոր Եւ զօ ... րա .. գլուխ

Adagio maestoso *ff*

Պը - սա... կա .. Լոր Եւ զօ ... րա .. գլուխ

Adagio maestoso *ff*

Պը - սա... կա .. Լոր Եւ զօ ... րա .. գլուխ

2

ա - ռա ... քի ... ցեա ... ց. վա ... ռե.. ցար զի...նու հոգ .. Լոյճ ա ... րի ... ա ... բար

ա - ռա ... քի ... ցեա ... ց. վա ... ռե.. ցար զի...նու հոգ .. Լոյճ ա ... րի ... ա ... բար

ա - ռա ... քի ... ցեա ... ց. վա ... ռե.. ցար զի...նու հոգ .. Լոյճ ա ... րի ... ա ... բար

ա - ռա ... քի ... ցեա ... ց. վա ... ռե.. ցար զի...նու հոգ .. Լոյճ ա ... րի ... ա ... բար

ff a tempo

ըն - դիւմ մա - հու. քաջ նա ... հա .. տակ որ վա ... նե - ցեր

con fuoco *ff* **Solo ad libitum** *ff a tempo*

ըն - դիւմ մա - հու. քաջ նա ... հա .. տակ որ վա ... նե - ցեր

ff **a tempo**

ըն - դիւմ մա - հու. քաջ նա ... հա .. տակ որ վա ... նե - ցեր

ff **a tempo**

ըն - դիւմ մա - հու. քաջ նա ... հա .. տակ որ վա ... նե - ցեր

ff **a tempo**

ըն - դիւմ մա - հու. քաջ նա ... հա .. տակ որ վա ... նե - ցեր

Ըգ... ըԸ... Եա... մի... Ե. վա... դ- դա... գոյն ա... ռեա... մ... բոյ... թո պը... սա... կե... ցեր

Ըգ... ըԸ... Եա... մի... Ե. վա... դ- դա... գոյն ա... ռեա... մ... բոյ... թո պը... սա... կե... ցեր

Ըգ... ըԸ... Եա... մի... Ե. վա... դ- դա... գոյն ա... ռեա... մ... բոյ... թո պը... սա... կե... ցեր

Ըգ... ըԸ... Եա... մի... Ե. վա... դ- դա... գոյն ա... ռեա... մ... բոյ... թո պը... սա... կե... ցեր

Largo

գե - կե - դե - ցի

գե - կե - դե - ցի

գե - կե - դե - ցի

գե - կե - դե - ցի երկնաւո.....

adagio maestoso **ff**

Թա - գա... ւո... ըի-ն գի... նու... յաղ... ըեալ

adagio maestoso **ff**

գի... նու... յաղ... ըեալ

adagio maestoso **ff**

Թա - գա... ւո... ըի-ն գի... նու... յաղ... ըեալ

adagio maestoso **ff**

Թա - գա... ւո... ըի-ն գի... նու... յաղ... ըեալ

Largo misterioso **p**

Թա - գա... ւո... ըի-ն գի... նու... յաղ... ըեալ

պա... տե... - ըա - գ... մի... Ե. խո... հա... կան ի... մաս... տու... ըեաւթ խո... հե... մա - ցեալ

պա... տե... - ըա - գ... մի... Ե. խո... հա... կան ի... մաս... տու... ըեաւթ խո... հե... մա - ցեալ

պա... տե... - ըա - գ... մի... Ե. խո... հա... կան ի... մաս... տու... ըեաւթ խո... հե... մա - ցեալ

պա... տե... - ըա - գ... մի... Ե. խո... հա... կան ի... մաս... տու... ըեաւթ խո... հե... մա - ցեալ

ff a tempo

ա-ճ- ճա - ռա պէս. խոր . հըր - դա . կաճ եւ ծա ... մու -- ցեալ

ff a tempo

ա-ճ- ճա - ռա - պէս. խոր . հըր - դա . կաճ եւ ծա ... մու - ցեալ

Solo ad libitum con fuoco

ff խո րէ..... ճ *ff a tempo*

ա-ճ- ճա - ռա - պէս. խոր . հըր - դա . կաճ եւ! ծա ... մու - ցեալ

ff a tempo

ա-ճ- ճա - ռա - պէս. խոր . հըր - դա . կաճ եւ ծա ... մու - ցեալ

dim.

ա .. մուճ բա ... ռի. խա - չե - լոյճ վը ... կայ ե ... ղեալ: հեղ .. մամբ ա ... ռեան

dim.

ա .. մուճ բա ... ռի. խա - չե - լոյճ վը ... կայ ե ... ղեալ: հեղ .. մամբ ա ... ռեան

dim.

ա .. մուճ բա ... ռի. խա - չե - լոյճ վը ... կայ ե ... ղեալ: հեղ .. մամբ ա ... ռեան

dim.

ա .. մուճ բա ... ռի. խա - չե - լոյճ վը ... կայ ե ... ղեալ: հեղ .. մամբ ա ... ռեան

Allegro

պը .. սա ... կէ ... ցաւ:

Allegro

պը .. սա ... կէ ... ցաւ:

f Allegro accentuato

պը .. սա ... կէ ... ցաւ: ըս ... տա .. ցեալ ըզ ... հա .. ւա .. տոյ վա ... հան, յու . տոյճ զրա...

f Allegro accentuato

պը .. սա ... կէ ... ցաւ: ըս ... տա .. ցեալ ըզ ... հա .. ւա .. տոյ վա ... հան: յու . տոյճ զրա...

Ռիւք ծած ... կեալ. զփըր - կա ... կա ... նըն սա ... դա ... ալտի ի գլուխ ե ... դեալ զնը...
 Ռիւք ծած ... կեալ. զփըր - կա ... կա ... նըն սա ... դա ... ալտի ի գլուխ ե ... դեալ զնը...

Legato mp

վա - հան վե ... հ ե ... ռեւեալ որ ման - կու - թյամբ նա
 վա - հան վե ... հ ե ... ռեւեալ որ ման - կու - թյամբ նա
 շան խա ... չից. մմ
 շան խա ... չից. . մմ

հա .. տա .. կեալ. խա .. չե ... լոյն վը ... կայ ե ... դեալ պը... ..սա .. կե ... ցաւ ա ...
 հա .. տա .. կեալ. խա .. չե ... լոյն վը ... կայ ե ... դեալ պը... ..սա .. կե ... ցաւ ա ...

rit. *a tempo*

րեամբն իւ - թով:

rit. *a tempo*

րեամբն իւ - թով:

rit. *f* *accentuato*

եր - կո - թում հա ... թա ... զա - տօք ընտ ... ին ... լա ... գոյն ճա ...

rit.

հա ... տա - կօք. յա ... ռա ... ջեալ յա ... մե ... ճե ... ցունց գլուխ եւ ա ... աթոս մար...

Lagato

ճա - խա - շա - փղ գո... լով բա ... ին ց յա ... ռա ... ջա ... դե ... մըն

mp

տի ... թո ... սաց.

mf

մմ

Գա... թե... գիճ ըն... կա... լեալ ըզ... բրա... թի... ո... ճըն յաղ... րա... ճալկ ճա...

rit. *Largo* *Adagio maestoso*
 Դա... տա... կացն: Ա... մե... ճե... ճուճ
Adagio maestoso
 Ա... մե... ճե... ճուճ
Adagio maestoso
 Ա... մե... ճե... ճուճ
Adagio maestoso
 Ա... մե... ճե... ճուճ
 rit. *Largo misterioso* *p*
 ու - սու - ցի... ց Ա... մե... ճե... ճուճ

եր... կըր... պա... գեւ թում տե... թու... թեա նդ... չար... չա... թեալք ա... թի... ա... թար.
 եր... կըր... պա... գեւ թում տե... թու... թեա նդ... չար... չա... թեալք ա... թի... ա... թար.
 եր... կըր... պա... գեւ թում տե... թու... թեա նդ... չար... չա... թեալք ա... թի... ա... թար.
 եր... կըր... պա... գեւ թում տե... թու... թեա նդ... չար... չա... թեալք ա... թի... ա... թար.

ընդ...դէմ մա...հու չար իշ - խա - Յի՛ր
 ընդ...դէմ մա...հու չար իշ - խա - Յի՛ն
 ընդ...դէմ մա...հու չար իշ - խա - Յի՛ն
 ընդ...դէմ մա...հու չար իշ - խա - Յի՛ն

ի պա - տե - րազմ զպատ-րանս չա ..րի՛ն
 ի պա - տե - րազմ զպատ-րանս չա ..րի՛ն
 ի պա - տե - րազմ զպատ-րանս չա ..րի՛ն
 ի պա - տե - րազմ զպատ-րանս չա ..րի՛ն


Solo ad libitum
 Գաւտ րաստեա L P

ff a tempo
 ff a tempo
 ff a tempo
 ff a tempo

խա - բա... Յե...ցի Ե. ջուր կե...նաց մեզ ա ր .. բու .. ցի՛ն
 խա - բա... Յե...ցի Ե. ջուր կե...նաց մեզ ա ր .. բու .. ցի՛ն
 խա - բա... Յե...ցի Ե. ջուր կե...նաց մեզ ա ր .. բու .. ցի՛ն
 խա - բա... Յե...ցի Ե. ջուր կե...նաց մեզ ա ր .. բու .. ցի՛ն

ըզ...հուր մե...ղա ցը - Ե շի...ջու...ցի՛ն
 ըզ...հուր մե...ղա ցը Ե շի...ջու...ցի՛ն
 ըզ...հուր մե...ղա ցը Ե շի...ջու...ցի՛ն
 ըզ...հուր մե...ղա ցը Ե շի...ջու...ցի՛ն

rit.
 rit.
 rit.
 rit.



ՅՈՒ. Ա. ԹԱՄԱՆՅԱՆ

(Ճարտարապետ)

ՎԱՅՈՑ ԶՈՐԻ Ս. ԿԱՐԱՊԵՏ ԵԿԵՂԵՑՈՒ ՎԵՐԱՆՈՐՈԳՈՒՄԸ

Պատմական կառուցումներով հարուստ Վայոց ձորը վաղուց ի վեր գրավել է և շարունակում է գրավել թե՛ գիտնականների և թե՛ զբոսաշրջիկների ուշադրությունը:

Այդ հանգամանքը նպաստեց վերանորոգման աշխատանքների ընդլայնմանը հատկապես Եղեգնաձորի շրջանում, ուր Սեյիմի քարավանատնից և Ամաղուի Նորավանքից հետո մասնակի աշխատանքներ էին կազմակերպվել Հարատեսի վանքի գավթի վրա, Արենիի, Սպիտակավորի եկեղեցիների և, վերջապես, Ալալազի Զորաց տաճարի և ս. Կարապետ եկեղեցու վերանորոգման ուղղությամբ:

Ալալազ գյուղը¹ (պատմական Եղեգիս), չափազանց հարուստ լինելով հուշարձաններով, միջնադարի արվեստի և ճարտարապետության պատմության համար քաջանիկ նշանակություն է ունեցել և իր կոթողներով ներկայացնում է մի փոքր թանգարան քաջ երկրի տակ:

Այստեղ ամեն քաղափոխին կարող էս

հանդիպել կառուցումների մնացորդների, խաչքարերի և տապանաքարերի պահպանված և կիսավեր պատատիկների և այլ քեկորների: Այդ կառուցումներից շատ-շատերը մեզ էին հասել կիսավեր, քայքայված վիճակում, ուստի նրանց կյանքի հարատևման հարցը դարձել էր օրակարգի հարց և պահանջում էր անհապաղ միջամտություն: Մոտ ժամանակներս վերականգնման աշխատանքների շնորհիվ վերջնական կործանումից փրկվեց Զորաց տաճարը: Ապա աշխատանքներն ընթացան ս. Կարապետ եկեղեցու վերականգնման ուղղությամբ և 1976 թվականին ավարտվեցին: Ս. Կարապետ եկեղեցին գտնվում է գյուղի արևելյան մասում, Զորաց տաճարից արևմուտք, մոտ 250—300 մետր հեռավորության վրա:

Եկեղեցին իր չափերով մեծ չէ: Ուղղանկյուն հատակագծի մեջ տեղավորված է սրահը՝ արևելյան արսիդով: Գմբեթակիր կամարները հենվում են արսիդան եզրող պատերի և երկայնական պատերին կից մույթերի վրա, որոնց վրա վեր է խոյանում կլոր թմբուկով և սրածայր վեղարով գմբեթը: Այսպիսով ստացվում է գմբեթային մի


¹ Հ. Ս. Եղիազարյան, Ազիզբեկովի շրջանի կուլտուրայի հուշարձանները, Երևան, 1955, էջ 59:

փոքր կառուցվածք: Արևմտյան պատի և մույթերի միջև ստացվում են փոքր տարածություններ, ուր տեղադրված է մկրտարանը, հյուսիսային պատի մեջ և մի փոքր խորշ հարավային պատում:


Անցումը գմբեթատակ քառակուսուց դեպի կլոր թմբուկն իրականացված է առագաստների միջոցով: Ներսի հարդարանքը, վերից վար ձգվող կիսաայունները, աքսիդան բոլորող գոտին, ճակատների լուծումը հատ-

քանդակված են երկու օձանման գլուխներ: Արեգակի ժամացույցի վրա փորագրված տառանշանները փաստորեն միակ տառանշաններն են, որոնք պահպանվել են եկեղեցու պատերին:

Մեզ հասած կառուցվածքը հիմնականում կանգուն էր, սակայն նրա ճակատների զգալի մասի քարերը տեղաշարժվել էին և մի մասն էլ բացակայում էր: Թմբուկը ուժեղ ստորգետնյա հարվածի հետևանքով



Նկ. № 1. Ս. Կարապետ եկեղեցին վերանորոգումից առաջ



Նկ. № 2. Ս. Կարապետ եկեղեցին վերանորոգումից առաջ

կապես արևմտյան պատուհանի երեսկալի հետ միասին հաստատում են կառուցվածքի պատկանելությունը Եղեգիսի ծաղկման երկրորդ շրջանին, հատկապես 13-րդ դարի վերջին քառորդին:

Հատակագծային չափերը մեծ չեն, 5,3 և 6,8-ի վրա, սակայն կառուցվածքների վերապացիկ համաչափությունները (բարձրությունը շուրջ 13 մետր) մույնպես թույլ են տալիս դասելու նրան 13-րդ դարի վերջին կառուցված հուշարձանների շարքը: Հարավային ճակատի պատուհանի պսակի հիմքում տեղադրված է արեգակի ժամացույց՝ թվերի փոխարեն փորագրված տառանշաններով: Իսկ պսակի վերևի մասում

որոշ չափով ոլորվել էր և պատուհաններին մոտ գտնվող երեսապատերը անջատվել էին շաղախից և դուրս փքվել (Նկ. № 1 և № 2):

Վեղարի ծածկի ստորին մասերը բավականին լավ էին պահպանվել, և միայն տուժել էր նրա վերին մասը: Ծակտոնների քիվերի և մասամբ երեսապատերի բացակայության պատճառով թափվել էին տանիքների սալերը, և չէին պահպանում կառուցվածքը մթնոլորտային տեղումներից:

Վայր ընկած բոլոր քարերը հեռացվել էին հուշարձանից և օգտագործվել այլ նպատակների համար: Նման երևույթ տեղի էր ունեցել նաև Զորաց եկեղեցում:

Արևմտյան ճակատի վրա նշմարվում էին կրաշաղախի մնացորդների հետքեր, որոնք կարող էին մնացած լինել կից կառուցված սրահից կամ զանգակատնից: Սակայն արտաքինից ոչ մի հետք չէր նշմարվում:

Վերանորոգման նախագիծ կազմելիս մենք օգտագործեցինք ճարտարապետներ Ա. Հարությունյանի, Ն. Պապուշյանի և Գ. Տոնոյանի՝ 1957 թվականին կատարած չափագրությունները և մեր՝ տեղում կատարած ճշտումներն ու մասնակի չափումները:

Ծակատներում արտահայտված բոլոր հորիզոնական քիվերը և ուղղաձիգ միջերը վերականգնված են ըստ հուշարձանի վրա պահպանված տվյալների: Արևելյան ճակատի վրա պահպանված մի կտոր քիվի շնորհիվ հնարավոր դարձավ վերականգնել ամբողջ ճակատների քիվերը և ոչ միայն ըստ տրամառի, այլ որոշել նրանց միջերը: Ծակտոնների թեքությունները որոշվում էին նույնպես ըստ պահպանված հետքերի հյուսիսային և հարավային ճակատների վրա: Գմբեթային քառակուսիների (տուրքաների) վերականգնումն անհրաժեշտություն էր հուշարձանի համար: Բարդ էր որոշել ցածր լանջերի հորիզոնական քիվերի տեղադրման բարձրությունը և նրանց արևելյան ու արևմտյան ճակատներում արտահայտվող թեքությունները: Այդ հարցի լուծմանը շատ նպաստեց հյուսիսային ճակատի վրա պահպանված երեսապատի մնացորդը, որը հանդիսանում էր անմիջապես քիվի տեղադրման հենարանը: Այսպիսով լուծվեց ցածր լանջերի հորիզոնական քիվերի տեղադրման միջի հարցը: Նրանց թեքության որոշման հարցն արդեն մեծ դժարություն չէր ներկայացնում, որովհետև այն սովորաբար զուգահեռ է լինում ճակտոնների քիվերի ուղղությամբ:

Նախագծում ընտրված ուղղությունն իսկ և իսկ համընկավ տեղում երեսապատերի վրա պահպանված կրաշաղախի հետքին: Այսպիսով մեր կռահումները միանգամայն արդարացվեցին:

Թմբուկի երեսապատերի հետ տեղի էր ունեցել հետևյալը՝ նրանք մաս-մաս խարխուլվել էին և, անջատվելով շաղախից, դուրս փքվել: Նախագծում այդ հարցերը լուծվեցին մասնակի վերաշարումներով:

Թմբուկի պսակող քիվը և նրա տակ երկու շարք երեսապատերը համարյա չէին ենթարկվել դեֆորմացիայի, ուստի այդ մասը մնաց նախագծում առանց փոփոխության, և դրա հետ կապված վեղարի տակի քիվի սակերի ստորին քարերը նույնպես մնացին իրենց տեղում, առանց փոփոխության:

Նախագիծը նախատեսում էր միայն

լրացնել վեղարի ծածկապատերի վերին մասը՝ տեղադրելով խնձորակի քարը:

Արևմտյան ճակատի պատուհանի երեսակալի հարցը լուծվում էր առանց դժվարությունների, սակայն պատուհանի բացվածքին անմիջապես հպվող մասում տեղադրվում էին ձևավոր քարեր, որոնցից տեղում պահպանվել էր ընդամենը մեկը, իսկ մնացածների հարցը պահանջում էր լրացուցիչ ուսումնասիրություններ:

Ներսում խիստ քանդվել էին թմբուկի պատուհանների մոտի երեսապատերը, որոնք նախատեսվում էին վերաշարել և նոր քարերով լրացնել պակասող մասերը: Արևելյան կոնխայի և արևմտյան թաղի մեջ առաջացած քանդված մասերը լրացվում էին նոր քարով: Բեմի ձևավոր մասի քարերից պահպանվել էին մի քանի կտոր քար, և անհրաժեշտ էր վերականգնել այն՝ լրացնելով գոյություն ունեցող շրջանակը, և բեմ բարձրանալու համար տեղադրել աստիճաններ, որոնց տեղը գծագրվում էր:

Նախագծով նախատեսվում էր կատարել ներսի սալահատակումը նոր տաշված բազալտե սալերից, որովհետև հինից ոչ մի նմուշ չէր պահպանվել: Մաքրման աշխատանքների շնորհիվ, որոնք շատ քիչ նյութ տվեցին, այնուամենայնիվ պարզվեց արևմտյան կից կառուցվածքի հատակագիծը, որը մի փոքր սրահ էր ներկայացնում կառուցված անմշակ քարերից և, հավանաբար, շատ ուշ շրջանի գործ էր: Այդ սրահի ճարտարապետական արժեքը բարձր չէ, և նա մնաց հենց այն վիճակում, ինչ վիճակում հայտնաբերվել էր: Սակայն այդ սրահի պատի մեջ, արևմտյան մուտքի մոտ, գտնվեց մի քարե քանդակ, բավական ուժավորված առյուծի կերպարանքով:

Այդ քանդակի բուն նշանակությունը մեզ չհաջողվեց պարզել, սակայն դա արվեստի անկիճեղի գործ է, և սխալված չենք լինի, եթե առաջարկենք այն տեղափոխել և պահել թանգարանում: Եկեղեցու արևմտյան շքամուտքի մոտ հայտնաբերվել է իրար կողք-կողքի դրված փոքր խաչքարերից պատ, որը տեղադրված է եղել մուտքի շեմից ցած:

Մաքրման աշխատանքների շնորհիվ հայտնաբերվեց ծածկի սալի մի քեկոր, հատկապես քիվի վրա հենվող սալի, որի վրա արված քառորդ շրջան գոգավորությունը միաձուլվում էր քիվին, և չնայած աճում էր վերջինիս ընդհանուր բարձրությունը, սակայն ալելի թեթև էր դիտվում այն:

Այս բոլոր տվյալները եկան լրացնելու մեր կողմից կազմած վերանորոգման նախագիծը, որից հետո հաջորդեցին արդեն

շինարարական - վերականգնման աշխատանքները: Աշխատանքների կազմակերպման տեսակետից այստեղ միակ հնարավոր ուղին առաջին հերթին թմբուկի ամրացումն էր, որից հետո միայն հնարավոր կլիներ վերականգնել վեղարի ծածկասալերը և ապա մնացած բոլոր նախատեսված մասերը: Թմբուկը վերաշարվեց մաս-մաս, որը հնարավորություն տվեց անաղարտ մասերին ձեռք չտալ և վերականգնել միայն վնաս-

Նույնը վերաբերվում է հատակի սալերին, որոնք լիովին բացակայում էին:

Հուշարձանի վերանորոգումից հետո կատարվեց պատերի մաքրում ծորած շաղախներից և իրականացվեց ջրհեռացումը (նկ. № 3 և № 4):

Հողին արտաքին թեքություն հաղորդվեց, որը և հանդիսացավ ջրհեռացման միջոցառումը:

Վերանորոգման աշխատանքները կատա-



Նկ. № 3. Ս. Կարապետ եկեղեցին վերանորոգումից հետո



Նկ. № 4. Ս. Կարապետ եկեղեցին վերանորոգումից հետո

ված մասերը՝ հիմնականում վերաշարելով և պահանջվող տեղերում լրացնելով նոր քարով:


Նշված աշխատանքներն ավարտելուց հետո հնարավոր էր ամրացնել արսիդայի կոնիսայի և արևմտյան թաղի քարերը և անցնել ճակտոնների երեսապատերի քիվերի և, վերջապես, ծածկասալերի իրականացմանը:

Վերաշարվող երեսապատերի քանակը շատ չէր: Այդ բացատրվում է նրանով, որ քիչ թե շատ թույլ վիճակում գտնվող քարերը ծամանակի ընթացքում պոկվել և օգտագործվել են այլ նպատակների համար: Ուստի հիմնականում կատարվում էր նոր քարերի տաշի և շարի աշխատանքները:

Իրոք էր Պ. Մարաքյանի քարտաշ-որմնադիրների քրիզադը՝ ճարտարապետ Ա. Արահամյանի մասնագիտական ղեկավարությամբ: Հեղինակային հսկողությունը կատարում էին դոկտ.-պրոֆ. Վ. Հարությունյանը և տողերիս հեղինակը: Տաշելու և շարելու բազալտ քարը հիմնականում տեղափոխվում էր Սիսիանից:

Ջորաց տաճարից և ս. Կարապետ եկեղեցուց հարավ, ձորի մեջ, թեք լանջի ստորոտի մոտ, հայտնաբերված ճակատակալ քարը, ծածկված բարձրաքանդակներով, իրենից ներկայացնում է որմնափակ խաչքարերից մի մոնումենտալ կառուցվածքի մնացորդ (նկ. № 5):

Ս. Բարխուդարյանն այսպես է բնորոշում



Նկ. № 5. Որմնափակ զույգ խաչքարեր

այդ կառուցվածքը. «Որմնափակ զույգ խաչ-քարեր, մեծ և գեղաքանդակ, շրջափակող բոլոր մասերը քանդված են: Կանգուն խաչ-քարերը կիսով չափ ծածկված են լանջից սահող հող ու քարով: Տեղում է գտնվում նաև կիսակամար ճակատաքարը. արձանագրության պահպանված մասերից կարելի է շարահարել»²:

Արձանագրությունից պարզվում է, որ այն կառուցվել է 1273 թվականին, Սմբատի իշխանության օրոք:

Այս որմնափակ խաչքարի վերականգնման համար նախատեսվում է կառուցել հենապատ, որը կարգելակի լանջով հոսող ջրերի ողողումը, ապա հնարավորին չափով եղած քարերով վերականգնել կառուց-


վածքը: Այս աշխատանքներն արդեն ձեռնարկված են: Ծակառակալ քարն ընկած է իր քանդակազարդ երեսով դեպի վեր և ենթարկվում է բնության ուժերի քայքայմանը, որի հետևանքով եղծված են թե՛ արձանագրության տառերը և թե՛ քանդակազարդերը:

Պատմական հուշարձանների պահպանման Հայկական ընկերության միջոցներով, սկսած 1964 թվականից, վերականգնվել են մեկ տասնչակից ավելի հուշարձաններ:

Այդ փաստը ինքնին խոշոր նշանակություն է ձեռք բերում, հատկապես մեր օրերում, երբ դեռ շատ և շատ փոքր ու մեծ պատմական կառուցումներ անհամբեր սպասում են իրենց վերականգնմանը:

Ահա այդպիսի ժողովրդական միջոցներով վերանորոգվել է նաև ս. Կարապետ եկեղեցին:

² Ս. Բարխուդարյան, Դիվան հայ վիմագրության, հատոր 3, Երևան, 1967, էջ 116:



ԾՈՌՈԹԻ ԵՎ ԳԱՂԻ ԵԿԵՂԵՑԱԿԱՆ ԾԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ

Պատմական Երևելակ գավառի (այժմ՝ Նախիջևանի ԻՍՍՀ Զուլֆայի շրջան) միջնադարյան պատմա-ճարտարապետական հուշարձանների վերաբերյալ պատմական աղբյուրներում պահպանվել են շատ սակավ տեղեկություններ: Միջնադարյան Հայաստանի այս նշանավոր գավառի հուշարձաններից շատերը մասնագիտական գրականության մեջ և առհասարակ ծանոթ են միայն մատենագրական, ազգագրական-կրոնական ընդհանուր բնույթի աշխատությունների մեջ պատահականորեն հիշատակված տարեթվերով և կցկտոր նկարագրություններով:

Հոդվածում ներկայացվող հուշարձանները բացառիկ նշանակություն ունեն 17—18-րդ դդ. հայ ճարտարապետության ամբողջական պատմության ուսումնասիրման համար, ինչպես նաև արժեքավոր պատկերացում են ապահովում 17—18-րդ դդ. Երևելակ գավառի շինարվեստի զարգացման նոր աստիճանի վերաբերյալ:

Երևելակ գավառի միջնադարյան նշանավոր ավանների թվին է դասվում Ծոռոթը (Ծոռոտ), որը նշանավոր է նաև իր ճարտարապետական հուշարձաններով: Ծոռոթ ավանը, գյուղաքաղաքը (այժմ՝ Զուլֆայի շրջանի Ծոռոթ գյուղ) պատմական սկզբնաղբյուրներում հիշատակվում է 10-րդ դարի Տաթևի վանքի հին վարչական բաժանման հիման վրա Ստ. Օրբելյանի 13-րդ դարի հարկացուցակում¹ և միջնադարյան Հա-

յաստանի մշակութային կյանքում հայտնի է որպես զարգացած, նշանավոր օջախ: Պատմա-հնագիտական մի շարք հուշարձանների, ճարտարապետական աչլայլ շինությունների ավերակները խոսում են տեղի ճարտարապետական բարձր մտահղացումների, միջնադարյան զարգացած վաճառականության ու առևտրի մասին: Ծոռոթեցի վաճառականները միջնադարում (14—18-րդ դդ.) լայն գործարքների մեջ էին ոչ միայն Հայաստանի կարևոր նահանգների ու գավառների առևտրական կենտրոնների, այլև Հնդկաստանի, Իտալիայի, Ռուսաստանի, Հոլանդիայի և այլ երկրների հետ: Պատմական աղբյուրների վկայությամբ հայտնի է, որ Ծոռոթում հնուց ի վեր ձևավորվել և 15—18-րդ դդ. զարգացման բարձր աստիճանի էր հասել բազմատեսակ արհեստները՝ կավագործությունը, ջուլհակությունը, ներկարարությունը, մետաղագործությունը, քարկոփությունը, ինչպես նաև գրչարվեստը, որմնակաարչությունը և այլն:

Ծոռոթն իր բնական դիրքով հովտաձև և ընդարձակ մի գեղեցիկ դաշտի է մտնում, որի շուրջը երիզում են տաանյակ բլուրներ ու բլրակներ: Ծոռոթի դաշտերի մեծ մասը սպիտակագույն են. դա աղանյութի գերակշռող քաղադրությունից է, որի բարակ շերտերը պատել են ամենուր, հողը գրկել

Հարկացուցակը 10-րդ դարում կազմված լինելու մասին տե՛ս Ս. Հակոբյան, Հայ գյուղացիության պատմություն, Եր., 1957, հատ. 1, էջ 323: Հ. Ութմազյան, Սյունիքը IX—X դարերում, Եր., 1958, էջ 234:

¹ «Մտեփանոսի Մինեաց եպիսկոպոսի Պատմության մասին տանգ Սիսական», Մոսկվա, 1861, էջ 225:

բնական գույնից: «Ծոռ ձոր» կամ «Հաղլա-դուզ» անվանվող վայրի կավանդությամբ դարեր ի վեր շոտթեցիների համար ծառայել է որպես հրաշալի շինանյութ, որի հունցվածքը դիմացկուն է և ունի ամուր շաղախ՝ քարաշեն տների, ջրատար խողովակների համար: Ըստ տարեց շոտթեցիների բացատրության, գյուղի դաշտերի երեսին պատած աղագույն կավանդությի համար էլ գյուղը կոչվել է Ծոռոթ-Ծոռոտ: Այժմյան Ծոռոթի շրջակայքում գտնվող մի քանի գերեզմանատների, վանքերի ու եկեղեցիների, հնձանների ու ամրոցների, աղբյուրների և այլ շինությունների ավերակներն ապացույցներ են հանդիսանում այս ավանի միջնադարյան բուռն կյանքի մասին, որտեղ բնակվել է մի քանի տասնյակ հազարի հասնող հայ ազգաբնակչություն³: Դեռևս մինչև 19-րդ դարի կեսերը կիսականգուն վիճակում էին գտնվում Ծոռոթի պատմա-ճարտարապետական հուշարձանների մեծ մասը², որոնք ժամանակին զարդարել են գեղեցկատես ավանի համայնապատկերը:

Ծոռոթի պատմա-ճարտարապետական հուշարձանների շարքում նշանավոր համալիրներ են հանդիսացել նրա հանրահայտ վեց եկեղեցիներն ու վանքերը, որոնցից այժմ կանգուն են միայն **Ս. Լուսավորիչ վանքը** և **ավանի գլխավոր կամ Մայր եկեղեցին**⁴ **Ս. Հակոբը**: **Ս. Հակոբ եկեղեցին**, **Ս. Գրիգոր Լուսավորիչ վանքը**, ինչպես նաև **Ս. Աստվածածին** կուսանաց անապատը միջնադարում նշանավոր գրչակենտրոններ էին նաև: Միայն 17-րդ դարում այդ եկեղեցիների գրչատներում գրչագրվել է ավելի քան 100 ձեռագրեր, որից մոտ 40-ը պահպանվում է Երևանի Մ. Մաշտոցի անվան Մատենադարանում: Ծոռոթի **Ս. Հակոբ** գրքեթավոր բազիլիկան, որը կարևոր ճարտարապետական կառույց է հանդիսանում հատկապես 17-րդ դարի հայկական ճարտարապետության համար, կառուցված է ավանի կենտրոնը հանդիսացող բարձրադիր հարթությունում: Ի տարբերություն Նախիջևանի մի շարք հուշարձանների, **Ս. Հակոբ եկեղեցին** մինչև խորհրդային շրջանում որոշ չափով հայտնի է գրականության

մեջ⁵, որի ուսումնասիրման հարցը վերջին 70—75 տարիների ընթացքում անուշադրության է մատնված: **Ս. Հակոբ եկեղեցին** իր արտաքին կերպարով, վեհասլաց և հոյակերտ գմբեթով դեռևս շատ հեռվից է ուրվագծվում որպես գեղեցիկ ճարտարապետական կառույց: Այս եկեղեցին (նկ. 1, 2) կառուցված է «...համակ կոփածոյ քարերով ներքուստ և արտաքուստ... սագալանջ տանիք եկեղեցուն և աղիսակերտ վայել-



Նկ. 1. Ծոռոթի **Ս. Հակոբ** եկեղեցու արևմտյան և հարավային ճակատների ընդհանուր տեսքը

չաձև կաթողիկէն հաստատուած են չորս մեծամեծ չքնադաշէն սեւանց վերայ, ունի ընդարձակ բեմ և սեղան, և երկու առանդատուն...»⁴: Ըստ եկեղեցու արձանագրությունների⁶, այժմյան տաճարը վերստին վերակառուցվել է 17-րդ դարի կեսերին: Այս հուշարձանը հիմնականում կառուցված է բազալտից, գորշա-կապտավուն քարերից և աղյուսից (գմբեթը), որի արտաքին տեսքը խոսում է, արտահայտիչ: Եկեղեցու պատկերավոր կերպարը ավելի է ընդգրծվում արևմտյան ճակատով: Եկեղեցու գլխավոր մուտքը երիզված է երեք շարք գեղեցիկ քանդակազարդ գոտիներով: Մուտքի բարավորը զարդարված է քառանկյունի գեղեցիկ խաչքարի քանդակով: Մեր ուսումնասիրությունների ժամանակ գլխավոր

* Ծոռոթի հայ ազգաբնակչությունը 17-րդ դարից սկսած գաղթել է պատմական Հայաստանի տարբեր գավառներ: Ծոռոթեցի վերջին հայ ընտանիքները Երևան և նրա շրջակայք են տեղափոխվել մինչև 1960 թ., որից հետո այդտեղ բնակություն են հաստատել Սիսիանի շրջանից եկած 20—25 տուն աղբյուրեջանցիներ:

² **И. Шопен**, Исторические памятники Армянской области, СПб., 1852, էջ 325:

³ **Ա. Սեդրակյան**, Հնութիւնք հայրենեաց ի գաւառին Երմեակու, Վաղարշապատ, 1872, էջ 122—124: **Ղ. Ալիշան**, Սիսական, Վեներիկ, 1893, էջ 355—356: **Ս. Հակոբի** լուսանկարը հրապարակված է նաև **Մ. Փափազյանի** «Գողթան գավառ» ալբոմում, Վաղարշապատ, 1890:

⁴ **Ա. Սեդրակյան**, նշվ. աշխ., էջ 122:

⁵ **Ս. Հակոբ եկեղեցու** արձանագրությունները հրապարակել է **Ա. Սեդրակյանը**, որոնք հիմնականում ճիշտ են (տե՛ս նշվ. աշխ., էջ 122—125):

մուտքի մոտ գտնվող ավերակներում 1974 թ. արձանագրել և լուսանկարել ենք մի հարթեցված բարի վրա (0,85×1,105 չափ-սի) կատարված քանդակագործական աշխատանք՝ Աստվածամոր պատկերումը՝ մանուկ Հիսուսը գրկին: Այս բարձրաքանդակը, որի վերին հատվածը վնասված էր, ունի արտահայտիչ դիմագծեր, կոմպոզիցիոն ասելիք և քանդակագործական կատարելություն, որը կարելի է թվագրել 17-րդ դարի առաջին կեսով:



Նկ. 2. Ծոռոթի ա. Հակոբ եկեղեցու գմբեթը
հյուսիսից

Լուսավոր և բարձր է նաև ա. Հակոբ եկեղեցու ներքին ինտերյերը, որի բազալտե որմերը հիմնականում քիչ են հարդարված: Գեղեցիկ արսիդը և ավանդատները լուսավորվում են արևելյան որմերում քացված մեկական բավականին լայն լուսամուտներով, իսկ սրահը՝ հյուսիսային և հարավային որմերում քացված երեքական, ինչպես նաև արևմտյան ճակատում, մուտքի կամարից վերև քացված մեկ լուսամուտներով: Սրահին առանձնակի շքեղություն և լուսավորվածություն է հաղորդում կառույցի ընդհանուր ծավալի մեջտեղում, խաչաձև ծածկի վրա, կառուցված աղյուսաշար բարձր գմբեթի (նկ. 2) ութ լուսամուտները (գմբեթի լուսամուտներն այժմ շարված են): Ընդ որում սրահի հյուսիսային և հարավային որմերի մեջտեղի լուսամուտները մյուս լուսամուտների համեմատությամբ ավելի մեծ քացվածքներ ունեն և տեղադրված են ավելի բարձր գծի վրա՝ կառույցի միջին նավին ուղղահայաց երկթեք կտուրներով տրանս-

պենտերի բարձունքում, և ունեն ուղղանկյուն քացվածքներ:

Ծոռոթի ա. Հակոբ եկեղեցում առանձնակի ուշադրության է արժանի նաև նրա աղյուսաշար թմբուկի և ութանիստ գմբեթի ճարտարապետական լուծումը, որն իր բարձրությամբ գրեթե համահասկալի է դահլիճի բարձրությանը: Այս հուշարձանի գմբեթի (որն ըստ արձանագրության կառուցվել է 1664 թ.⁵) համաչափությունները և ճարտարապետական լուծումները, ինչպես իրավացիորեն նշել է ճարտարապետ Մ. Հասրաթյանը, հար և նման են Մեղրու Մեծ Թաղի ա. Աստվածածին եկեղեցու աղյուսաշար գմբեթի ճարտարապետությանը⁶: Ա. Հակոբ եկեղեցու այժմյան շինությունում պարզորոշ նկատելի են տարբեր ժամանակներում կառուրված վերանորոգումների հետքեր: 1643 թ. Ծոռոթում գրչագրված մի ձեռագրի գրչի՝ Հովհաննեսի հիշատակարանի տվյալներով Երեմյայի սբ. Կարապետ վանքի վանահայր Եսայի վարդապետը նորոգել է նաև «եկեղեցիս Ծոռոթու, որ կոչի սուրբ Յակոբ նորոգեալ եղև...»⁷: Վերջին (հավանաբար 20-րդ դարի սկզբներին կառուրված) նորոգման ժամանակ գմբեթից դեպի արևմուտք կառուցված է նաև մի փոքրիկ զանգակատուն: 1890 թ. Մ. Փափազյանի առաջին անգամ հրապարակված ա. Հակոբ եկեղեցու լուսանկարում, ինչպես նաև Ա. Սեդրակյանի, Ղ. Ալիշանի նկարագրություններում այս զանգակատունը չի արտացոլված, որը և թույլ է տալիս նրա կառուցումը վերագրելու հետագա շրջանին: Այս փոքրիկ զանգակատունը քառանկյունի, աղյուսաշեն և քառանիստ վեղարով պսակված ուտունդա է:

Եկեղեցու արևմտյան ճակատին կցված է եղել ուղղանկյուն հատակագծով քառամույթ գավիթը, որը եկեղեցու ընդլայնական երկարությունից քիչ փոքր է եղել: Գավիթի չորս մույթերի կամարները նստել են եկեղեցու արևմտյան ճակատի որմնամույթերի վրա: Գավիթի մուտքերի և այլ դետալների մասին այժմ ճիշտ եզրահանգումներ անելը դժվար է, որի կառուցման մասին տեղեկություններ չեն պահպանվել: Միայն գավիթի մեջ եղած տասից ավելի խաչքար-տապա-նաքարերի արձանագրություններից կարելի է եզրակացնել, որ այն կառուցված է եղել


⁵ Ա. Սեդրակյան, նշվ. աշխ., էջ 124:

⁶ Մ. Մ. Հասրաթյան, Այունիքի XVII—XVIII դարերի ճարտարապետական համալիրները, Եր., 1973, էջ 90:

⁷ Ա. Սմբաթյան, Նկարագիր սուրբ Կարապետի վանքի Երեմյայի ու շրջակայից նորա, Տիֆլիս, 1904, էջ 177:

15-րդ դարում, որը կործանվել է 1841 թ. երկրաշարժից⁸:

Ի տարբերությունս. Հակոբ եկեղեցու, որը որոշ չափով հայտնի է գրականության մեջ, Օռոտի մյուս հուշարձանը՝ ս. Լուսավորիչ վանքը, դուրս է մնացել ուշադրությունից և չափազանց քիչ է հայտնի: Ցավոք, ժամանակի ընթացքում փլատակների է վերածվել այս համալիրի բնակելի ու արտադրական շինությունները, դպրատունը, աղբյուրը, ընդարձակ պարիսպները: Խարխըլվել է եկեղեցու տանիքը, հարավային որմը և այլն, որի պատճառով մեր ուսումնասիրության ժամանակ հնարավոր եղավ չափագրել միայն եկեղեցին ու գավիթ-սրահը, իսկ մյուս շինությունների մասին՝ պատկերացում կազմել ավերակներից:



Նկ. 8. Օռոտի ս. Գրիգոր Լուսավորիչ վանքի ընդհանուր տեսքը հարավից

Ս. Լուսավորիչ վանքը, որը Օռոտի մշակութային կյանքի վաղագույն օջախներից մեկն է հանդիսացել, կառուցված է այժմյան գյուղից մոտ մեկ կիլոմետր դեպի հյուսիս-արևելք՝ փոքր ձորակի աջ կողմում գտնվող բարձր և ընդարձակ սարավանդում, որը դեպի հարավ-արևմուտք ունի թեթևակի թեքություն: Ս. Լուսավորիչ վանքի համալիրի առջև, որը գրավում է ավելի քան 4 հա տարածություն, փոված է պատմական Օռոտը իր ավերակներով և վաղեմի բերքառատ այգիներով: Ս. Լուսավորիչ վանքի ներկա համալիրը հավանաբար կառուցվել է դեռևս վաղ միջնադարում այդ տեղ գոյություն ունեցող մենաստանի տեղում: Այս վանքը 16—18-րդ դդ. Երևանի գավառի խոշոր կրթա-կրոնական կենտրոններից մեկն է հանդիսացել: Այդ եմ ապացուցում նաև նրա մեծաքանակ արտադրական, օժանդակ շինությունները, ունեցած հա-

րուստ կալվածքները: Ըստ վանքի շրջակայքում հայտնաբերված վիմագրական տեղեկության, 17—18-րդ դդ. այդ վանքը ունեցել է ԾԱ (51) խալվար (ընդեղենի չափ է, մեկ խալվարը հավասար է 480 կգ) մուլք⁹:

Եկեղեցու զանգակատան վրա պահպանված արձանագրության տվյալներով այն վերանորոգվել է 1708 թ. Օռոտի ժողովրդի և Գրիգոր վարդապետի կողմից¹⁰: Ուսումնասիրությունը ցույց է տալիս, որ այս վանքը վերանորոգվել է նաև 18-րդ դարի վերջերին և 19-րդ դարի կեսերին: Ս. Լուսավորիչ վանքի գլխավոր հատակագիծը նման է միջնադարյան Հայաստանի 17—18-րդ դդ. վանքերի համալիրներին. ընդարձակ ուղղանկյուն պարսպի համարյա կենտրոնում կառուցված է եկեղեցին և արևմուտքից կից գավիթ-սրահը: Պարիսպներից ներս, ինչպես նաև դրսի հատվածներում և եկեղեցուն հարևան կառուցված են եղել մոտ 25—30 բնակելի, կոմունալ և այլ շինություններ, որոնցից այժմ միայն ավերակ հետքերն են տեսանելի: Ս. Լուսավորիչ եկեղեցին (նկ. 3, 5) կառուցված է սրբատաշ մուգ կապտավուն բազալտից, որի դրսի շարվածքում օգտագործված է նաև դեղնավարմերանգ ֆելզիտանման քարեր: Այն ուղղանկյուն հատակագծով (նկ. 4, գծ. 1) կառուցվածք է՝ երկթե ծածկով բազիլիկա, որը կազմված է դահլիճից, զույգ ավանդատներից և արսիդից: Բազալտյա կամարները և ծածկը հանգչում են մեկ զույգ խաչաձև կտրվածքով մույթերի և որմնամույթերի իմպոստների վրա: Մույթերի ընդերկայանակա կամարների լայնությունը 97 սմ է, իսկ ընդլայնական կամարներիը՝ 77 սմ: Կառույցի միջին մասը լայն է, իսկ կողքի երկուսը՝ նեղ են: Ինչպես ս. Հակոբ եկեղեցուն, այնպես էլ այս եկեղեցուն արևմտյան ճակատում լայն և բարձր կամարով բացված երեք բացվածքներից կենտրոնականում գտնվում է եկեղեցու միակ մուտքը, որը բացվում է գավիթ-սրահի մեջ:


Ս. Լուսավորիչ վանքի եկեղեցու արսիդը կիսաշրջանաձև է և պատի մեջ ունի հինգ որմնախորշեր: Արսիդի բեմը սրահի հատակից բարձր է և ունի չորս աստիճաններ: Երկու ավանդատներն իրենց հատակագծով ուղղանկյուն են և ծածկված են կիսաշրջանաձև թաղով, որմերի մեջ ունեն որմնախորշեր: Ներքին ինտերյերը լուսավորվում է դեպի ներս բավականին լայն բացվածքով լուսամուտներով: Ընդ որում սրահը լուսավորվում է հյուսիսային, հարավային որմերում բացված երկուական և արևմտյան որ-

⁸ Ս. Սեդրակյան, Աշխ., էջ 124—125:

⁹ Նույն տեղ, էջ 181:

¹⁰ Ղ. Ալիշան, Աշխ., էջ 354—355:

մում, մուտքի կամարից վերև, մեկ լուսամուտներով: Նման լուսամուտներ են բացված նաև արսիդում և ավանդատներում (արևելյան որսերում, մեկական): Սրահը լրացուցիչ կերպով լուսավորվում է նաև



Նկ. 4, գծ. 1. Շոտթի ա. Գրիգոր Լուսավորիչ վանքի եկեղեցու հատակագիծը (չափագրությունը՝ Ա. Աշվազյանի)


երկթեք ծածկում կառուցված քառակուսաձև զանգակատան չորս մեծ պատուհաններով: Տաճարի ինտերյերի բազալտյա հարթ պատերը, որոնք զուրկ են դեկորատիվ էլեմենտներից, սխալված են եղել: 1708 թ. եկեղեցու վերանորոգման ժամանակ հայտնաբերվել է ինտերյերում կատարված նախկին շրջանի որմնակարները¹¹: Այժմ էլ արսիդում աննշան կերպով նկատելի են որմնակարների աղավաղված հետքերը:

¹¹ Ղ. Ալիշան, Աշվ. աշխ., էջ 355:

Ա. Լուսավորիչ վանքի եկեղեցու երկթեք ծածկում կանգնեցված զանգակատունը կառուցված է մույթերից դեպի արդարասրահի արևմտյան որսը ձգվող կամարների վրա: Ի տարբերություն Նախիջևանի գավառների ճարտարապետական շինությունների աւանդական ծավալա-տարածական հորինվածքի, որտեղ կաթողիկեները և գմբեթները տեղադրված են համարյա կառույցների կենտրոնական հատվածներում, Շոտթի ա. Լուսավորիչ վանքի եկեղեցում աղյուսաշար զանգակատունը կառուցված է նկատելի տեղաշարժումով դեպի արևմուտք: Այս հուշարձանում նրա հատաստելույս բազալտյա խաչաձև կտրվածքով երկու մույթերը քառակուսի հատակագծի հավասար (9,5×10,45 մ) սրահի հորինվածքում զգալի չափով տեղաշարժ են արվել դեպի արևելք՝ արսիդը: Եթե արսիդից մինչև մույթերը ընկած տարածքը կազմում է 3,77 մ, ապա մույթերից մինչև եկեղեցու արևմտյան որսը ընկած տարածքը կազմում է 5,22 մ: Այս եկեղեցու հորինվածքով մեկ զույգ մույթերով են կառուցված նաև Գողթն գավառի Բիստի ա. Նշան, Նախիջևանի ա. Ստեփանոս անապատների եկեղեցիները, որոնց ճարտարապետական ստանձնահատկություններին կանոնադաշտնաձև մեկ այլ առիթով: Միայն նշենք, որ այդ հուշարձանները հայ ճարտարապետության 17-րդ դարի հետաքրքիր նմուշներից են:

Շոտթի ա. Լուսավորիչ վանքի գավառ-սրահը կցված է եկեղեցուն արևմտյան կողմից և գրավում է եկեղեցու ամբողջ ճակատը: Ըստ հատակագծի այն ուղղանկյուն կառուցվածք է և ունի քառամույթ հորինվածք: Գավառ-սրահը, որը հավանաբար կառուցվել է 16-րդ դարի սկիզբներին, այժմ պահպանվում է (նկ. 5) և եկեղեցու երկթեք ծածկից ցածր է: Այն կառուցված է սրբատաշ բազալտից: Մույթերը բավականին զանգվածեղ են են (1,1×1,3 մ): Միջին երկու մույթերն ունեն T-աձև կտրվածքներ, իսկ անկյունային երկու մույթերը՝ Γ-աձև: Գավառի արևմտյան ճակատը ներկայացնում է չորս կամարակապ մույթերով կառուցված երեք լայն և քարձր բացվածքներ: Գավառ-սրահի հյուսիսային և հարավային ճակատները ևս կամարակապ ձևով բաց են: Չորս մույթերի դիմաց, եկեղեցու արևմտյան ճակատին կից, կառուցված են համապատասխան որմնամույթեր, որոնց վրա հենվում են կամարները և գավառ-սրահի ծածկը:

Մեր ուսումնասիրությունների ժամանակ, 1974 թ., արձանագրել և լուսանկարել ենք եկեղեցու ներսում ընկած երկու փոքրիկ գեղաքանդակ խաչքարեր, որոնք ունեն նաև



Նկ. 5. Շողոթի ա. Գրիգոր Լուսավորիչ վանքի եկեղեցու գավիթ-սրահը և զանգակատունը հարավից

արձանագրություններ: Խաչքարերից մեկի ներքևի մասում արձանագրված է (փոքրատառերով) այս չորս տողանոց վիմագրությունը՝

1. Խաչս լշատ(ա)կ է
 2. համաճարսին
 3. և որդոյ տօմշուն
 4. թվ (իմ) Ռ. (1551 թ.)
- (Հրապարակվում է առաջին անգամ):

Երկրորդ խաչքարի վրա (փոքրատառերով)՝ երեք տող՝

1. Ս(ու)րբ խաչս կանկնեց ար(քն) ի-(մոց) հոգ(ո)յ իսնին:
 2. Մուքիին Ա.
 3. թինիս թվն Ռ ... ծա: է
- (Հրապարակվում է առաջին անգամ):

Ս. Լուսավորիչ վանքի մյուս շինություններից գրեթե ոչինչ չի պահպանվել: Պարիսպների շարվածքը հյուսիսային և արևելյան հատվածներում տեղ-տեղ պահպանվել է 0,5—0,8 մ չափով: Ըստ որի պարիսպների շարվածքը իրականացվել է հիմնականում քարով, ունեցել է երկու դարբաս արևմտյան և հարավային կողմերից: Բնակելի և այլ շինությունների որոշ հետքեր պահպանվել են եկեղեցու հյուսիսային և հարավային կողմերում, որոնք կառուցվել են քարով, աղյուսով և կրաշաղախով: Երկու-

երեք սենյակների հետքեր են նկատելի նաև եկեղեցու գավիթ-սրահի արևմտյան ճակատի դիմաց: Հարավային կողմում պահպանված մի շինություն կառուցված է արևելք-արևմուտք ուղղությամբ, լուսամուտները լայն և ուղղանկյուն են եղել և բացվել են դեպի հարավ, մուտքը՝ արևմուտք: Պարիսպներից ներս, եկեղեցու դիմաց և նրա հարավային մասում, գոյություն է ունեցել նաև ընդարձակ ալգի, ծառերի պուրակ, որոնց մոտերերը մինչև օրս էլ կան: Պարբայից դուրս, դեպի հյուսիս, տարածված է եղել վանքի գերեզմանատունը, որի այծքմյան տապանաքարերը վերաբերվում են 15—17-րդ դարերին: Ս. Լուսավորիչ վանքի մյուս կոմունալ, արտադրական կառուցվածքների հորինվածքն այժմ անհնար է վերականգնել:

Երևալ գավառի գեղեցկատես և բարձրաբերձ լեռներից մեկի՝ Օձասարի փեշերին հնուց ի վեր ծվարել են գավառի հայտնի գյուղերից մի քանիսը: Այդ հնահիմք գյուղերի թվին է պատկանում նաև գավառի պատմական Գաղ գյուղը, որը փոխված է Օձասարի արևելյան քարքարոտ փեշին: Գաղ ավանը, գյուղը (այժմյան Զրուֆայի շրջանի Գաղ գյուղ) պատմական սկզբնաղբյուրներում հիշատակվում է 10-րդ դարի վարչական բաժանման հիման վրա կազմված Ստ. Օրբելյանի 13-րդ դարի Երևալ գավառի հարկացուցակում¹²: Դարեր շարունակ բազմած լինելով բարձրադիր և անմատչելի վայրում, այս գյուղը Երևալ գավառի անցյալում էական դեր է խաղացել և առհասարակ հայտնի է մի շարք ավանդություններով, նշանավոր՝ իր հնություններով: Սակայն Գաղի պատմական անցյալի, ինչպես նաև նրա մեկ տասնյակի հասնող պատմա-ճարտարապետական հուշարձանների մասին, որոնցից այժմ կանգուն է միայն ա. Գրիգոր Լուսավորիչ եկեղեցին, պատմական աղբյուրներում տեղեկություններ չեն պահպանվել: Գաղը և նրա հուշարձանները պոսկ հիշատակվել և մի քանի տողով նկարագրվել է միայն 19-րդ դարի վերջերում լույս տեսած որոշ աշխատություններում¹³, որից հետո առ այսօր Գաղը և նրա հուշարձանները դուրս են մնացել ուսումնասիրողների ուշադրությունից:

Դատելով պատմական Գաղի գրաված տարածքից, շինությունների ավերակներից և շրջակայքի ուսումնասիրությունից, կարե-

¹² «Ստեփանոսի Սիւնեաց եպիսկոպոսի Պատմութիւն տանն Սիսական», Մոսկվա, 1861, էջ 377:

¹³ Ա. Մեղրակյան, Հնութիւն հայրենեաց ի գաւառին Երևալու, Վաղ-պատ, 1872, էջ 144—146: Ղ. Ալիշան, Աշխ. աշխ., էջ 859:

լի է վատահորեն ասել, որ այդտեղ մարդիկ բնակություն են հաստատել շատ վաղուց: Իսկ վաղ միջնադարից սկսած այստեղ մշակություն կյանքը հարստնել է մինչև ուշ միջնադար, որտեղ բնակություն է հաստատել ավելի քան 700 տուն հայ ազգաբնակչություն: Պատմական Գաղի հայ ազգաբնակչությունը Նադիր Շահի, Շահ Աբբասի անպատակումներից հետո մասնաշարքաբաժանվել է հիմնականում Իզմիր, Կ. Պոլիս և այլուր: 1960—1964 թթ. գաղեցի վերջին ընտանիքները տեղափոխվել են Երևան և նրա շրջակայք (Ենգիջա, Չարբախ, Ջանգիբասար): 1965—66 թթ. Սիսիանի շրջանի Ջումարթու գյուղից 17—18 աղքեղների ընտանիքներ տեղափոխվել և բնակվում են այժմյան Գաղում:

Դեռևս 19-րդ դարի սկզբներին պատմական Գաղի ավերակներում պարզորոշ տեսանելի էին ճարտարապետորեն կառուցված ավելի քան 700 տների և այլևայլ շինությունների հետքեր¹⁴: Այսօր էլ ամրակուռ լեռնաշղթայի պարանոցի երկարությամբ (ավելի քան 2,5 կմ) պարզորոշ երևում են բիրտ լեռնաշղթայի կրծքում հին գաղեցիների կերտած-կառուցած երկհարկանի տների, հուշարձանների ավերակները: Հին գյուղի այգիներում կան 3—4 հարյուր տարվա թռեմու, ընկուզենու, տանձենու ծառեր: Գյուղի ավերակներում կան նաև մի քանի հնձանների, ջրաղացների ավերակներ: Առանձնակի ուշադրության է արժանի նաև Գաղի գերեզմանատունը, որն այժմյան վիճակով ունի 1000-ից ավելի տապանաքարեր՝ 14—18-րդ դդ. արձանագրություններով: Ծառ տապանաքարեր ունեն ուշագրավ և հետաքրքիր կենցաղային բարձրաքանդակներ և խորաքանդակներ:

Գաղի հյուսիս-արևմտյան կողմում գտնվող ձորի երկարությամբ՝ մինչև Օձաասրի կուրծքը, որն անվանվում է «Քարհեզների ձոր», գտնվում են Գաղի հուշարձանների մի մասը, որտեղ կան նաև մի քանի ջրհորների հետքեր: Ձորի երկարությամբ գտնվում է ու. Գալանե մատուռը, ու. Հոփսիսմե, ու. Նահատակ եկեղեցիների, ու. Անապատ վանքի ավերակները: Գյուղի շրջակայքում հայտնի են նաև ու. Եղիա, ու. Սարգիս և այլ մատուռների, Գաղի բերդ-ամրոցի ավերակները: Գաղի հուշարձաններից հանրահայտ է ու. Հոփսիսմե եկեղեցու աղբյուրը, որի առջև բազալտե սրբատաշ քարերով կառուցված է (4,5×3 մ) մի գեղեցիկ ջրավազան, որն ունի 1,45 մ խորություն և ժամանակին ունեցել է թաղակապ բարձր ծածկ: Ս.

Հոփսիսմե եկեղեցու այս աղբյուրն ունի բուժիչ հատկություններ, որը ժամանակին Նախիջևանի ամբողջ հայության համար ամենասիրելի այցելակայրերից մեկն է հանդիսացել: Հայկական ավանդությունների շարքում ու. Հոփսիսմե եկեղեցու այս աղբյուրը հայտնի է Գաղի Գյալ-Ջարաջուր անունով, որը կապված է Կոստանդնուպոլսից Հայաստան եկած և Գաղում ապաստանած կույս Հոփսիսմեի անվան հետ¹⁵: Ըստ հին գաղեցիների ավանդության, Գաղ անվանումը ծագել է Հոփսիսմե կույսը այդտեղ իր հետ բերած սուրբ մասունքները պահելուց, գաղելուց¹⁶: Ականատեսների վկայությամբ ու. Հոփսիսմե եկեղեցու այժմյան ավերակներում մինչև 1975 թ. կար մի գեղեցիկ քանդակազարդ արձանագիր (մոտ 1×1,1 մ չափի), որն ունեցել է 10—12 տող վիմագրություն: 1976 թ. մեր ուսումնասիրությունների ժամանակ երկար որոնումներից հետո ավերակներից հայտնաբերել ենք այդ գեղաքանդակ արձանագրի մի կտորը միայն, որը բարակտորի ամբողջության վերևի բեկորն էր և իր վրա կրում էր վիմագրության առաջին երեք տողերի վերջին բառերը (գլխատառերով)՝



Նկ. 6. Գաղի ու. Գրիգոր Լուսավորիչ վանքի ընդհանուր տեսքը հարավ-արևելքից

1. Սուրբ
2. Ս. Հոփսիսմե
3. Գաղ գիւղի

Դատելով վիմագրության և գեղեցիկ զարդագոտու տվյալներով, կարելի է են-

¹⁵ Ս. Ղանալանյան, Ավանդապատում, Եր., 1969, էջ 101:

¹⁶ Материалы для описания местностей и племень Кавказа, Тифлис, 1882, вып. 2, II отд., էջ 46:

¹⁴ «Статистическое описание Нахичеванской провинции», СПб., 1833, էջ 75:


թաղրել, որ այս բեկորը 17-րդ դարի սկզբների քանդակագործական աշխատանք է:

Դժբախտաբար դարերի ընթացքում քանդվել և արդեն իսպառ ավերակների են վերածվել Գաղի մեկ տասնայկի հասնող պատմա-ճարտարապետական հուշարձանները, որոնց համալիրների մասին այժմ ճիշտ պատկերացումներ տալն անհնար է: Միմիայն տարեց գաղեցիների հիշողությունների հիման վրա կարելի է ասել, որ Գաղի ա. Հոփսիսմե, ա. Նահատակ եկեղեցիներն ունեցել են սրահավոր, իսկ ա. Անապատ վանքի եկեղեցին՝ քառամույթ բազիլիկայի հորինվածքներ:

Գաղի ճարտարապետական հուշարձանների շարքում նշանավոր կառույց և հոգևոր կենտրոն է հանդիսանում ա. Գրիգոր Լուսավորիչ վանքը, որն այժմ բարեբախտաբար դեռևս կանգուն է և արժեքավոր

Երևցակի մի շարք վանքերի ու եկեղեցիների հետ միասին այս վանքը ևս վերանորոգվել է Մովսես և Փիլիպոս կաթողիկոսների կողմից՝ «...և Ծափերտ գեղջ և Գաղ գեղջ, որք շինեցան յաւորս տեսուն Յակովբ կաթողիկոսի...»¹⁷: Ա. Գրիգորին գաղեցի Ավալջանի կողմից նվիրված մի Ավետարանի հիշատակարանից տեղեկանում ենք, որ «ի հիմանէ սկիզբն եղեւ ա. Գրիգոր եկեղեցոյս Գաղայ, եւ ի գալ միւս ամին աւարտումն եղեւ ի թվին ՌԾ եւ ութին, ի փառս Քի Այ մերոյ»¹⁸: Ըստ Ա. Սեդրակյանի տվյալների տեղեկանում ենք, որ այս վանքը տուժել է նաև 1841 թ. երկրաշարժից¹⁹:

Գաղի ա. Գրիգոր Լուսավորիչ վանքի եկեղեցին իր հատակագծով (նկ. 4, գծ. 2) կառուցված է Գողթնի և Երևցակի հուշարձանների ավանդական քառամույթ գմբե-



Նկ. 4, գծ. 2. Գաղի ա. Գրիգոր Լուսավորիչ վանքի եկեղեցու և գաղթի հատակագիծը (չափագրությունը՝ Ա. Սյվալյանի)

տեղեկություններ է տալիս Գաղի ճարտարապետության մասին: Գաղի ա. Գրիգոր Լուսավորիչ վանքը (նկ. 6, 7) կառուցված է վաղեմի գյուղի կենտրոնական թաղամասի բարձրադիր վայրում, ապառաժ լեռնալանջի փեշին, թեքադիր վայրում: Այս վանքը հավանաբար հիմնադրվել է 12—13-րդ դարերում, որի հնագույն ձևի, ժամանակի, ինչպես նաև վերանորոգումների մասին գրավոր աղբյուրներում և վանքի արձանագրություններում բավարար տեղեկություններ չի պահպանվել: Ժամանակի և հատկապես Նադիր Շահի, Ծափ Արքայի սպառնալուծների ժամանակ այս վանքը ևս ավերվել է և հետագայում վերակառուցվել մի քանի անգամ: Հայտնի է, որ Գողթնի և

թավոր բազիլիկայի հորինվածքով, որի խաչաձև ծածկը նստած է չորս մույթերի և արտաքին պատերի վրա: Այս գեղեցիկ հուշարձանը կառուցված է հիմնականում մաքուր տաշած բաց-կապտավուն բազալտից, բաց-դեղին ֆելզիտից:

Ա. Գրիգոր Լուսավորիչ վանքի եկեղեցու արտաքին արտահայտչականությունն ունի պատկերավորություն և ազդեցիկ է: Արև-

¹⁷ «Պատմություն Առաքել վարդապետի Դարի-ժեցոյ», Վաղարշապատ, 1896, էջ 353:


¹⁸ Երևանի Մատենադարան, Մ. Տեր-Մովսիսյան Մագիստրոս, Մայր ցուցակի հաջերեւն ձեռագրաց, Ավետարան, 2-րդ թղթ., էջ 828:

¹⁹ Ա. Սեդրակյան, նշվ. աշխ., էջ 144:

մըտյան ճակատում, որտեղ բացված է եկեղեցու միակ մուտքը, մուտքի աջ և ձախ կողմերում, բարավորից վերև, բարձունքում, ագուցված են մի քանի հիշատակագրված գեղաքանդակ խաչքարեր, վիմագիր քարեր, որոնք հանդիսանում են մուտքի և արևմտյան ճակատի արտաքին մասի դեկորը: Արտահայտիչ և վեհապաշտ է նաև եկեղեցու ներքին ինտերյերը: Գեղեցիկ և խոսուն է հատկապես բեմի արքիդը, որի շարվածքի ամբողջ բարձրությունը երիզված է ընդգծված հատուսապար մանածո գարդանախշով:

Արքիդի կիսաշրջանաձև շարվածքում (նկ. 7) երկշարք ձևով բացված են գեղեցիկ և բարձր ($0,8 \times 1,2$ մ) կամարակապ խորշեր, որոնք ավարտվում են պաքաձև պասկով: Ընդ որում արքիդի խորշերի առաջին շարքի յոթ խորշերից երկուսը՝ արքիդի լուսամուտի տակի և հարավային կամարաշարի առաջին խորշը, փոքր են ($0,5 \times 0,6$ մ) և իրենց բացվածքներով պայտաձև են: Մյուս չորս խորշերի համեմատությամբ $0,6 \times 0,85$ մ բացվածք ունի նաև հյուսիսային առաջին խորշը: Արքիդի երկրորդ շարքի խորշերը բացված են առաջին շարքի յոթ խորշերի ուղղությամբ, որոնք, ի տարբերություն առաջին շարքի խորշերի, երիզված են գեղեցիկ սյունաձև կամարազարդերով: Երկրորդ շարքի միջին խորշից դեպի դուրս բացվում է լայն և բարձր լուսամուտը, որը և լուսավորում է գեղեցկատես արքիդը: Արքիդի երկու կողմերում տեղադրված են երկհարկանի ավանդատները, որոնք արևելյան պատերում ունեն մեկական լուսամուտներ: Ընդ որում երկհարկանի ավանդատներով հուշարձանները երևցակ գավառի միջնադարյան (12—17-րդ դդ.) ճարտարապետության համար տարածված ձև է հանդիսացել: Երկհարկանի ավանդատներով են կառուցված գավառի Աբրակունիսի և Կարապետ վանքի, Հին և Նոր Փորագաշտ (Փարագաշտ) գյուղերի եկեղեցիները և այլ հուշարձաններ: Ի միջի այլոց Գաղի ա. Գրիգոր Լուսավորիչ եկեղեցու ավանդատների երկրորդ հարկեր մուտք գործելը հնարավոր է միմիայն թունելանման թաքստոցների միջոցով, որը բնորոշ է 17-րդ դարի հուշարձաններին: Այս հուշարձանում հարավային առաջին հարկի ավանդատան և արքիդի միջև եղած բուտոթետոնի զանգվածի մեջ թողնված անցքի միջոցով մուտքը բարձրանում է երկրորդ հարկի ավանդատուն: Երկրորդ հարկի ավանդատան հյուսիսային որմով թունելանման անցքը շրջանցում է արքիդը և մտնում մյուս՝ հյուսիսային երկրորդ հարկի ավանդատուն, որտեղից էլ իր հերթին

աննկատ կերպով կարելի է եկեղեցուց դուրս գալ եկեղեցու հյուսիսային որմում թողնված հատուկ անցքից: Երկրորդ հարկի ավանդատները, ինչպես նաև պատերի մեջ թողնված դասարկ տարածությունները վանքի համար ծառայել են որպես լրացուցիչ պահեստներ, գաղտնի թաքստոցներ,



Նկ. 7. Գաղի ա. Գրիգոր Լուսավորիչ եկեղեցու արքիդը

որտեղ պահվել են վանքի սրբությունները, ձեռագրերը, պատույթներ մարդկանց:

Գաղի ա. Գրիգոր Լուսավորիչ եկեղեցու բարձր սրահը լուսավորվում է հարավային որմում բացված երեք և արևմտյան ճակատում, մուտքի կամարից վերև, թողնված մեկ լուսամուտներով, որոնք արտաքին մասերում ունեն նեղ, իսկ դեպի ներս՝ լայնացող ձև: Թեքադիր վայրում հիմնված լինելու հանգամանքով կառույցի հյուսիսային որմը հենապատի նշանակություն ունի և իր ընդերկայնական հատվածի գերակշռող մասը, 80%-ի չափով, խրված է բարձրադիր կուրծքը: Այս պատճառով էլ եկեղեցին հյուսիսային որմում լուսամուտներ չունի: Ըստ երևույթին այս բացը շտկելու համար եկեղեցու ծածկում, գմբեթից 2—2,5 մ դեպի արևմուտք, երկթեք ծածկի հյուսիսային հատվածում բացված է մի երդիկ: Սրահին առանձնակի լուսավորվածություն է տալիս աղյուսաշար գմբեթի բավականին բարձր և

լայն ութ լուսամուտները, որի ութանիստ թմբուկը կանգնեցված է քառակուսան չորս ամրակոտ մույթերի թաղերի վրա: Նախկինում ավերված ավելի մեծ չափի գմբեթի գմբեթատակ տարածության փոքրացման եղանակով վերանորոգումների ժամանակ եկեղեցու խաչան ծածկում կանգնեցված այծմյան ոչ մեծ բարձրություն ունեցող գլմբեթը, ինչպես նաև ամբողջ եկեղեցին ժամանակին որմնակարված է եղել: Այժմյան վիճակով որմնակարների միակ հետքերը գմբեթի սվաղի վրա պահպանված ծաղկազարդ ֆրիզներն են: 20-րդ դարի կեսերից հետո եկեղեցու ներսում պահպանվող պահեստային իրերից բռնկված հրդեհի պատճառով սևացել է շինության ներքին ինտերյերը և խափառ քայքայել և աղավաղել որմնակարների հետքերը: Դատելով գմբեթի ծաղկազարդերի նկարչական արվեստից, ինչպես նաև հենվելով ավանդության վրա, կարելի է ասել, որ այս եկեղեցին ևս որմնակարված է եղել Գաղի հարևան Ծոռոթ ավանի Հովնաթանյանների տոհմի նկարիչների կողմից, որոնք 18-րդ դարում նկարազարդել են հայրենի Երրնջակ և Գողթն գավառների մի շարք վանքերն ու եկեղեցիները²⁰:

Ինչպես նշվեց վերևում, ս. Գրիգոր Լուսավորիչ եկեղեցու արևմտյան ճակատում տեղադրված են մի քանի վիմագիր խաչքարեր, որոնք վերաբերվում են վանքի 16—17-րդ դդ. վերանորոգումներին: Արևմտյան ճակատի հարավային մասում, գավիթ-սրահի ծածկից քիչ վերև, որմի շարվածքում, պահպանվել է հետագայում այդտեղ դրված մի քանդակազարդ խաչքար, որի ներքևի մասն արդեն քայքայված է: Այդ քանդակազարդ խաչքարի խաչի ներքևի մասում պահպանվել է 4—5 տողից կազմված արձանագրության առաջին երկու տողերը (փոքրատառերով)՝

1. թվին

2. ող (1641 թ.) ս(ու)րք

(Հրապարակվում է առաջին անգամ):

Արևմտյան ճակատի հյուսիսային հատվածի շարվածքում պահպանված մի այլ խաչքարի ներքևի մասում քանդակված է վեց տողանոց վիմագրություն (փոքրատառերով): Այս խաչքարի ներքևի հատվածի ձախ անկյունը կտրված է, և արձանագրության տառերից մի քանիսը դժվարընթեռնելի են դարձել՝

1. Խաչս յիշատակ (է)

2. տր ա..քն բեկի

3. ..ն մաթեոս

4. մարտիրոսին

5. ...ոին նս

6. ...զէն

(Հրապարակվում է առաջին անգամ):

Այս արձանագրության մեջ ա տառը գրված է արձանագրության մյուս տառերի բարձրությանը հավասար, մեկ ուղիղ գծի ձևով: Վիմագրության մեջ նման վիմագրության հանդիպում ենք Հին Զուղայի գերեզմանատան խաչքարերի արձանագրություններում²¹, Ցղնայում, Մեսրոպավանում:

Եկեղեցու մուտքի հարավային կողմում վերանորոգումների ժամանակ ագուցված և գեղեցիկ քանդակների մեջ առնված խաչից ներքև գրված է վեց տողանոց արձանագրություն: Խաչքարի խաչի թևերի մասում քանդակված է՝

1. թիվ ՌԹ (1560 թ.)

2. [12]տակ

Սրանից ներքև (փոքրատառերով)՝

1. Ս(ուր)ք խ(ա)չս յի

2. շ(ա)տակ է փա

3. ոլաթին տա

4. դմիշին խա

5. նբէկէ մկ

6. ռտիշ բէկ թ. ոկ. (1611 թ.)²²

Այս խաչքարի վրա վիմագրական աշխատանքները տարբեր տարիներում կատարված լինելու փաստն է ապացուցում նաև այդ երկու արձանագրությունների փոքրագրման խիստ տարբեր ոճերը: Այս վիմագրությունում ևս ա տառը գրված է մեկ գծի եղանակով: Սակայն այստեղ այդ մեկ գիծը փորագրված է հոռմեական մեկ թվանշանի նման, և վերևի ու ներքևի մասերը ունեն եռանկյունաձև խիստ ընդգծվածություն, և արձանագրության տառերի մեջ քանդակված է ա փոքրատառի նորմալ բարձրությամբ:

Մուտքի քարավորից երեք շարք վերև, կամարից երկու շարք ներքև տեղադրված մեկ կտոր քարի վրա չորս տող (գլխատառերով)՝

1. Այս քարս յիշատակ է Մ(ա)հրաի

2. Սայիպշին, կ(ո)ղ(ա)կցին,

²¹ С. Тер-Аветисян, Город Джуга, Тифлис, 1937, էջ 127:

²² Այս արձանագրության հմմտ. տես Ա. Սեդրակյան, Աշխ., էջ 146: Ղ. Ալիշան, Աշխ., էջ 859:

²⁰ Մ. Ղազարյան, Հայ կերպարվեստը XVII—XVIII դարերում, Եր., 1974, էջ 171—178:

3. թոռան, դստեր Ավդայի և Մարիամայ.
4. թվ ՌՃԵ (1656 թ.)²³

Ս. Գրիգոր Լուսավորիչ եկեղեցու արևմտյան ճակատի միակ մուտքը բացվում է գալթի մեջ, որը զգալի չափով գալթի հատակից բարձր է և ունի երեք աստիճաններ: Գալթի ուղղանկյուն հատակագիծը, որը եկեղեցու ընդլայնական տարածությանը հավասար է, իրականացված է սրբատաշ ֆեդգիտից ու աղյուսից և ունի երկու մույթ, որի արևմտյան ճակատն իրենից ներկայացնում է որպես կամարակալ երեք բացվածքներ (հյուսիսային ճակատը փակ է): Գալթի-սրահի երկու մույթերի կամարները նստում են մույթերին՝ համապատասխան եկեղեցու արևմտյան ճակատին կից որմնամույթերի, ինչպես նաև գալթի հյուսիսային և հարավային որմի վրա, որոնք և կրում են թաղակալ ծածկը: Երկու մույթերի հորինվածքով կառուցված լինելու հանգամանքով գալթի-սրահի ընդերկաչ-նական երկարությունը փոքր է և հատակագծում ձգվում է հյուսիս-հարավ: Գալթի կառուցվածքում վերին մասերի ծանրությունը նվազեցնելու համար թաղերի ամբողջ ծածկը իրականացված է աղյուսով: Ժամանակին ամբողջապես ավաղված է եղել նաև գալթի-սրահի ինտերիերը:

Գալթի ս. Գրիգոր Լուսավորիչ եկեղեցու շինության ժամանակ հատուկ ուշադրության է արժանացել նաև կառուցվածքի սեյսմակայունության հարցը: Այդ նպատակով ուշադրություն է դարձվել կառույցի տարբեր մասերում ծանրության տեղաբաշխմանը, որի պատճառով էլ վերին հատվածների ծանրության թեթևացման համար շարվածքների մեջ օգտագործված է աղյուս, թողնվել է թունելանման թաքստոցներ (աբսիդի և ավանդատների հատվածում): Աղյուսաշար են մույթերի վերին հատվածները, թաղերը, գմբեթի առագաստային ան-

ցումները և այլ մասերը: Տաճարի տանիքը ծածկված է քարե սալերով, որոնք կտրված են 10—12 սմ հաստություն ունեցող բազալտանման քարերից: Սալերը մաքուր տաշված են արտաքին երեսներից և կողերից, իսկ ծածկին և թաղերին նայող երեսները՝ կիսամշակ, որը և նպաստել է շաղախի հետ ամուր կապակցմանը:

Ս. Գրիգոր Լուսավորիչ եկեղեցու գալթի-սրահի կառուցումից հետո, հետագայում, հավանորեն 18-րդ դարի վերջերին կամ 19-րդ դարի սկզբներին, գալթի հարավային թաղի տակ և նրա շարունակությամբ ևս (8 մ չափով) կառուցվել է միահարկ սենյակներ, որոնք ունեն թաղակալ ծածկերով հարթ կտուրներ և որոնք իրենց բարձրությամբ գալթի-սրահի ծածկից բավականին ցածր են: Այդ չորս սենյակների մուտքերը բացվում են (այժմ քարով շարված է երեքի մուտքը) գալթի-սրահի առջև՝ դեպի բակ: Մուտքերի բացվածքներն ունեն գեղեցիկ կամարներ, որոնք բավականին լայն են: Սենյակներից երկուսն ունեն ուղղանկյուն բացվածքներով մեկական պատուհաններ, որոնք բացված են հարավային որմերում: Սենյակների մակերեսները ենթադրել են տալիս, որ դրանք օգտագործվել են որպես բնակելի տարածություններ 2—3 մարդու համար: Ընդ որում բակի կողմից առաջին սենյակն ունի երկու մուտք, որից մեկը բացվում է դեպի բակ, իսկ մյուսը՝ դեպի հարավ: Վերջինս գեղեցիկ է, կամարաձև բարձր բացվածքի մեջ թողնված, որն քստ երևույթին ծառայել է նաև որպես բակի մուտք: Այս մուտքի ծածկից վերև դեռևս մնում են որմերի շարվածքներ, որոնք ենթադրել են տալիս այլ շինության սակայնության մասին:

Ս. Գրիգոր Լուսավորիչ վանքից 25—30 մ հարավ-արևմուտք գտնվում է ուղղանկյուն հատակագծով շինության մեջ քերված հորհանոս աղբյուրը: Այդ շինությունը, որը կառուցված է սրբատաշ քարերից, իր բարձրության 80%-ի չափով կառուցված է գետնի մեջ և ունեցել է թաղակալ ծածկ: Աղբյուր մուտք են գործել շինության հարավային կողմից բացված մուտքով, որն ունի դեպի ցած իջնող քարե աստիճաններ:

²³ Այս արձանագրության հմմտ. տես Ղ. Այվազյան, Գույն տեղ: Ա. Սեդրակյան, Եզվ. աշխ., էջ 145: Մուտքի մյուս երեք արձանագրությունները տես Ա. Սեդրակյան, Գույն տեղ, էջ 145—146:



ԽԱՂԱՂՈՒԹՅԱՆ ՔՐԻՍՏՈՆԵԱԿԱՆ ԿՈՆՖԵՐԱՆՍԻ
ԱՇԽԱՏԱՆՔԱՅԻՆ ԿՈՄԻՏԵԻ ՆՍԱՇՐՋԱՆԸ ՔԵՆԻԱՅՈՒՄ

Սույն թվականի ապրիլի 22—27-ը Լիմուրուի (Քենիա, Նայրոբիի մոտ) քրիստոնեական կենտրոնում տեղի ունեցավ Խաղաղության քրիստոնեական կոնֆերանսի Աշխատանքային կոմիտեի այս տարվա առաջին նստաշրջանը՝ Քենիայի ազգային քրիստոնեական խորհրդի հրավերով։ Ներկա էին հինգ մայրցամաքների 22 երկրներից 70 պատվիրակներ, դիտորդներ, հյուրեր։ Նստաշրջանում Մայր Աթոռը ներկայացնում էր ս. Էջմիածնի Գերագույն հոգևոր խորհրդի անդամ Հովհաննես Թովույանը։

Նստաշրջանը բացվեց Տերունական աղոթքով։ Քենիայի Ջոն Կամաուն եպիսկոպոսը, հանուն Աֆրիկայի քրիստոնյաների, ողջունեց ներկաներին և հաջողություն ցանկացավ նրանց աշխատանքներին։

Առաջին նիստում ընթերցվեց խաղաղության քրիստոնեական կոնֆերանսի նախագահ, Լեմինգտոնի և Նովգորոդի միտրոպոլիտ Նիկողիմի ողջունչ նամակը՝ ուղղված Աշխատանքային կոմիտեի նստաշրջանի մասնակիցներին։ Նկատի ունենալով միտրոպոլիտ Նիկողիմի առողջական վիճակը և ընդառաջելով նրա ցանկությանը, Աշխատանքային կոմիտեն Խաղաղության քրիստոնեական կոնֆերանսի նախագահի տե-

ղակալ նշանակեց Ուկրաինայի պատրիարքական Էկզարխ, Կիևի և Գալիցիայի միտրոպոլիտ Ֆիլարետին, որը պետք է գործի միտրոպոլիտ Նիկողիմի անձնական ներկայացուցչի հանգամանքով։

Նստաշրջանի գլխավոր թեման էր՝ «Խաղաղություն, արդարություն և ազատագրություն Աֆրիկայում. քրիստոնյաների նպաստը»։ Այդ թեմայով լավեց երկու զեկուցում։ Առաջին զեկուցողը՝ Քենիայի արտաքին գործերի մինիստրության քարտուղար Ժ. Բ. Մվաուրան, անդրադարձավ Աֆրիկայում գաղութատիրության վերջին օջախների վերացման հարցին, իսկ երկրորդը՝ համայն Աֆրիկայի եկեղեցիների խորհրդի գլխավոր քարտուղար կանոնիկոս Բուրջես Կարը, կանգ առավ օտար միջամտությունների հետևանքով Ջաիրում և «սև մայրցամաքի» այլ երկրներում ստեղծված անհանգիստ վիճակի վրա։ Նրանք բարձր գնահատեցին Խաղաղության քրիստոնեական կոնֆերանսի նպաստը Աֆրիկայի ժողովուրդների խաղաղության, արդարության և ազատագրության համար մղվող պայքարում։

Նստաշրջանում լավեցին Խաղաղության քրիստոնեական կոնֆերանսի գլխավոր քարտուղար դոկտ. Կարոլի Տոթի զեկուցագիրը և բազմաթիվ այլ հաշվետվություններ՝

անցնող վեց ամիսների ընթացքում ԽՖՍՀ-ի ծավալած գործունեության մասին: Գոհունակությամբ նշվեց, որ զգալի չափով աշխուժացել են Գերմանիայի Դեմոկրատական Հանրապետության, Գերմանիայի Ֆեդերատիվ Հանրապետության, Իտալիայի, Նիդերլանդների, Ժապոնիայի, Չեխոսլովակիայի, Լուստինական Ամերիկայի և այլ երկրների ԽՖՍՀ-ի տեղական կազմակերպությունները, տեղի են ունեցել աստվածաբանական, տնտեսական, քաղաքական և այլ հանձնաժողովների նիստեր, եկեղեցիների, Եկումենիկ կազմակերպությունների, Խաղաղության համաշխարհային խորհրդի ներկայացուցիչների հետ դիալոգներ, պատվիրակություններ են ուղարկվել Ասիայի, Աֆրիկայի և Լատինական Ամերիկայի տարբեր երկրներ:

Այնուհետև կազմվեց առաջիկա վեց ամիսների գործունեության ծրագիրը, որի մեջ առավել կարևոր տեղ են զբաղում հետևյալ համաժողովները. առաջին՝ այս տարվա դեկտեմբերին Սիերա Լեոնում կգումարվի Աֆրիկայի քրիստոնյաների Խաղաղության համաժողովը, որը կոչված է նոր մղում տալու Աֆրիկայի քրիստոնեական-առաջադիմական ուժերի պայքարին՝ հանուն խաղաղության և արդարության. երկրորդ՝ 1978 թվականի հունիսին Պրագայում կհրավիրվի Խաղաղության համաքրիստոնեական Ե համաժողովը՝ «Աստուծո պատգամը համերաշխության համար. քրիստոնյաները խաղաղության, արդարության և ազատագրության համար մղված պայքարում» բնաբանի ներքո: Որոշվեց այդ հանձնաժողովին հրավիրել 450 պատգամավորներ և 150 դիտորդ, հյուր, լրագրող: Պատգամավորների շուրջ մեկ երրորդը գալու է Աֆրիկայից, Ասիայից և Լատինական Ամերիկայից, մեկ եր-


րորդը՝ Արևելյան Եվրոպայի սոցիալիստական երկրներից և Սովետական Միությունից, մեկ երրորդն էլ՝ Արևմտյան Եվրոպայից, ԱՄՆ-ից և Ավստրալիայից:

Նստաշրջանը մի շարք բանաձևեր ընդունեց միջազգային առավել հրատապ հարցերի վերաբերյալ: Այդ փաստաթղթերով պահանջվում է Հնդկական օվկիանոսը վերածել «խաղաղության ավազանի», հարգել Նամիբիայի անկախությունը, չմիջամիջադատել նրա ներքին գործերին, Զիմբաբվեում վերջ դնել ցեղային խտրականությանը և իշխանությունը փոխանցել ճշշող մեծամասնություն կազմող սևամորթ բնակչությանը, Մերձավոր Արևելքի պրոբլեմը լուծել ՄԱԿ-ի Անվտանգության խորհրդի բանաձևերի վրա՝ հարգելով պաղեստինցի արաբ ժողովրդի ազգային օրինավոր իրավունքները, երաշխավորելով այդ աշխարհամասի բոլոր ժողովուրդների անվտանգ զարգացման իրավունքը:

Աշխատանքային կոմիտեի նստաշրջանի մասնակիցները ընդունվեցին Քենիայի եկեղեցական և պետական իշխանությունների կողմից: Ապրիլի 24-ին, կիրակի օրը, նրանց հնարավորություն ընձեռվեց պաշտամունք կատարելու Նայրոբիի և Լիմուրուի եկեղեցիներում, նրանց պատվին հանդիսավոր ճաշկերույթներ, ընդունելություններ կազմակերպեցին համայն Աֆրիկայի եկեղեցիների խորհուրդը, Քենիայի եկեղեցիների խորհուրդը և Նայրոբիի քաղաքագլուխը:

Խաղաղության քրիստոնեական կոնֆերանսի Աշխատանքային կոմիտեի հաջորդ նստաշրջանը տեղի կունենա այս տարվա նոյեմբերին Գերմանիայի Ֆեդերատիվ Հանրապետության Աոնդոլշեյն քաղաքի Ավետարանական ակադեմիայի դահլիճում:





Յ Ո Ւ Յ Ա Կ

ՄԱՅՐ ԱԹՈՒՒ Ս. ԷԶՄԻԱԾՆԻ ՆՈՐ ՍՏԱՅՎԱԾ ՁԵՌԱԳՐԵՐԻ*

Իսկ Ձեզ սիրելեացդ մնայ իրաքանչիւրոցդ ըստ չափու կարեաց և աստիճանի աջակից և աստար ֆանդիսանալ մորապապի Ս. Գիւտ Եպիսկոպոսի յամենայն Աստուածաճառոյ և յազգօգոտ գործս, ունկնդիր լինել քարոզութեանց մորիմ, յորոյ ի վերայ ընդ մեծի պատուոյն զմեծամեծ պարտիս եղաք՝ քարոզել, խրատել, յորդորել և յանդիմանել ըստ խրատու Ս. Առաքելոյն և բանալ զընծայարան:

Առ Ձեզ եմ բանք իմ, սիրելի շինականք և գիւղական երկրագործ ժողովուրդ Հայոց, լուր խրատու Հայրապետիս Հայաստանեայց, զոր աւանդեմք Քեզ: Նախ՝ պարտ է Ձեզ միշտ ի մտի ունել, զի դուք ամենեւեմ ազգակիցք և հարազատ եղբարք էք միմեանց, ուստի և միշտ պարտ էք կալ և լինել ընդ միմեանս եղբայրաբար, և սիրով, միաբան և համերաշխ ոգով, ի բաց թոթափել ի Ձեզ զատելութիւն և զգերքին թշնամանս, որով աւերէք և կործանէք գտունս և զընտանիս Ձեր: Երկրորդ՝ մի լիցի երբէք Ձեզ խտորիլ ի լուսաւոր շաւղաց երանելի հարցն Ս. Հայրապետաց Մերոց և մի լիցի մոռանալ Ձեզ զկրօն և զեկեղեցի Հայաստանեայց, զոր բազում տառապանօք վերահաստատեաց լուսաւորն հոգւոց մերոց՝ առաջին Հայրապետն Հայաստան աշխարհիս Ս. Գրիգոր Լուսաւորիչ և որք ընդ մնա Ս. որդիք և թոռուք Նորին և այլ մեծագործ և ար-

դարաւաստակ Հայրապետք բարեգարդեցին պայծառացոցին և անկործ պահելով մինչ ցալսօր Մեզ հասուցին: Գիտէք, որդեակք սիրելիք, զի հիմն Հայաստանեայց Ս. Եկեղեցւոյ Միածինն էարկ և քարինք ամենայն ներկեալք և շաղախեալք կան արեամբ մախնեաց և բիրաւոր անմեղ մահաւասկաց Մերոց: Ուստի և պարտ է Ձեզ սիրել յամենայն սրտէ, յամենայն մտաց և յամենայն գորութենէ Ձերմէ զեկեղեցին Հայաստանեայց, հիմունք որոյ հաստատեալ կան մահ ի վերայ անձնագործ Հայրապետաց և Նահատակաց Ազգիս Հայոց, յիշատակն որոց միշտ և յաւէտ օրհնութեամբ եղիցի:

Դուք սիրելի շինականք, որ հայր էք և ծնող խնամատար, յորդոր կարդացէք զաւակաց և երիտասարդաց Ձերոց՝ լինել միաբան, համերաշխ, մի՛ սիրտ և մի՛ հոգի, որպէս մի՛ ազգ, մի՛ եկեղեցի և մի՛ ընտանիք, զի և Աստուած սիրոյ և խաղաղութեան ի Ձեզ բնակեցի: Գիտէք, զի ասացաւ զուգութիւն է մայր բարեաց և անզուգութիւն ծնող չարեաց: Ուսարուք ի Փրկչէն, որ ասէ, յայսմիկ ծանիցէ աշխարհ զՁեզ՝ եթէ որդիք էք Հայաստան աշխարհիս և ժառանգ Մօրս Լուսայ Ս. Էջմիածնի և հարազատք սորին, եթէ սիրեցէք զմիմեանս: Գիտէք, եթէ որքան տուժեցաք և տուժի ազգն Հայոց յերեսաց տգիտութեան, երկպառակութեան և անմիաբանութեան, զի ուր ո՛չ գոյ խաղաղութիւն, անդ ո՛չ գոյ սէր, և ուր չիք սէր, անդէն հեռացեալ է մխթարիչ Հոգին Աստուած և վա՛յ ժողովրդեան և ազգի, յորմէ հեռացեալ է Աստուած:

Իսկ Ձեզ միաբանից հոշակաւոր Մեծնաստանի Սևանայ և քահանայից շրջակայ գիւղօրէից յուշ լիցի պատգամն Աստուծոյ, որ աս Եզեկիէլ մարգարէն, եթէ որդի մարդոյ դէտ կացուցի զՔեզ ժողովրդեան իմոյ և հաճապալ յիշեցէք, զի Ձեզ յանձնեցաւ քանքարն ըստ Աւետարանին ի Տեառնէ շահիլ և յաւելով, ուստի դուք զպարտիս Ձեր կատա-

* Ծարունակված «Էջմիածին» ամսագրի 1964 թվականի № № Ը—Թ-ից, ԺԲ-ից, 1965 թվականի № № Ը—Ժ-ից, 1968 թվականի № Է-ից, 1970 թվականի № № Դ—Ե-ից, Ժ-ից, ԺԲ-ից, 1971 թվականի № № Ե—Ը-ից, ԺԱ—ԺԲ-ից, 1972 թվականի № № Ա—Բ-ից, Դ-ից, 1973 թվականի № № Ա—Գ-ից, Ը-ից, 1974 թվականի № № Գ-ից, Է—Ը-ից, 1975 թվականի № № Ա-ից, Գ-ից, ԺԱ—ԺԲ-ից, 1976 թվականի № № Բ—Ե-ից, Է—Թ-ից, ԺԲ-ից և 1977 թվականի № № Գ—Դ-ից:

րիցէք ամենայն Սրբութեամբ և ազատ լերուք ի խղճաւարութենէ և ի պատասխանատուութենէ, մեղաւորն մեղաց իրոց պարտական լիցի:

Բաւ համարելով զայս չափ, աղօթեմք վասն Ձեր, զի հանգիցէ ի Ձեզ Հոգի Աստուծոյ, Հոգի ճշմարտութեան, Հոգի սիրոյ և խաղաղութեան, զի կացեիք, մնասցիք, առաքիցի վարուք, Աստուածամանդ գործովք, բարութք ընթացիք, խաղաղութեամբ և անդորրութեամբ զամենայն աւուրս կենաց Ձերոց:

Օրինեացէ Տէր Աստուած զՁեզ զամենեւեանսդ Աստուածային օրհնութեամբ իրով, եղիցի ձեռն Ամենակալին հովանի և պահապան Ձեզ յես և ի մոտս՝ ի կալ մնալ անխորձ և անասան յերևելի և յաներևոյ թշնամեաց. Ամէն:

(ստորագրութիւն կաթողիկոսի) Վշտայի Գեորգ Ե. Մայրագոյն պատրիարք և Կաթողիկոս ամենայն Հայոց

Տուա կոնդակս Օրհնութեան լամի շնորհաց Փրկչին 1922 ամի յերկրորդում աւուր ամսեան յուլիսի և ըստ Տօմարիս ՌՅՀԱ (1922 թ.) ի Հայրապետութեան Մերոյ Ժ ամի յԱրարատեան Մ. Աթոռ Ս. Էջմիածնի ի Վաղարշապատ. Թ. 462:

№ 418

ԵՐԳԱՐԱՆ

Թերթերը՝ 66:— **Պրակները՝ 1,** որ բաղկացած է 66 թերթից:— **Մեծությունը՝** 23,1×17,9×0,9 մմ.:— **Նյութը՝** դիմացկուն բարակ թուղթ:— **Կազմը՝** հաստ ստվարաթուղթ, որի առաջին երեսի վրա կազմված է գունավոր մի նկար, որ ներկայացնում է վարդի չբու կարմիր կոկոն, վեց ապիտակ մարգարտածաղիկ և մի ձեռք, որ բռնած է առագաստանալի մի նկար:— **Պահպանակներ՝** չունի:— **Վիճակը՝** լավ:— **Գրությունը՝** զանազան տեսակի, այսպես՝ միապուն՝ 4րդ—5րդ, 18րդ, 21րդ, 23րդ, 33րդ, 38րդ, 39րդ և 52րդ. երկպուն՝ 6րդ—18րդ, 19րդ—21րդ, 22—23րդ, 24րդ—33րդ, 34րդ—37րդ, 38րդ, 39րդ—50րդ, 51րդ—52րդ, 53րդ—54րդ, 56րդ—59րդ, 61րդ, 62րդ և 63րդ. եռապուն՝ 13րդ, 20րդ, 51րդ, 53րդ, 54րդ—55րդ, 60րդ—60րդ և 62րդ—63րդ. բառապուն՝ 47րդ, 50րդ և 61րդ:— **Դատարկ թղթերը՝** 1ա:— **Տողերը՝** բոլորովին անհամաչափ, 21—37:— **Գծումները՝** առանց ճնշման:— **Գիրը՝** շղագիր:— **Ջարդագրություն՝** ձեռագիրն ունի հասարակ մանրամասնություն: Թ. 1ա-ում կա երկու ծաղիկով մի նյութ: Թ. 4ա-ում կա մի խաչ, փետուր, քնար և ծաղկավոր մի նյութ, իսկ թ. 66բ-ում էլ դարձյալ ծաղիկներով մի նյութ:— **Գրիչը՝** եղիակիմ վարդապետ:— **Պատվիրատուն՝** անհայտ:— **Մաղկողը՝** շատ հավանաբար գրիչն է:— **Ժամանակը՝** 1910 թ.:— **Վայրը՝** Ամասիա (Արևմտյան Հայաստան):— **Ծանոթություն՝** Զատիկ Արուսյակ Խաչիկյանը սույն ձեռագիրը նվեր է քերել Էջմիածին 1973 թ. ապրիլի 18-ին, իսկ Վեհափառ Հայրապետն այն հանձնել է Ջեռագրատուն 1974 թ. մայիսի 18-ին:

ԲՈՎԱՆԴԱԿՈՒԹՅՈՒՆ

Ջեռագրում տրված է 140 հոգևոր երգեր: Ամբողջ երգարանը խմորատիպով բազմացված է իր ժամանակին: Ստորև տրվում է վերնագրերի մի մասը միայն:

- Թ. 3ա.—Արարեմական ցանկ երգոց հոգևորաց:
- Թ. 5ա.—Ողջոյն քեզ:
- Թ. 6ա.—Ստոյգ հաւատամք:
- Թ. 7ա.—Ո՛վ զի՛ մեծաւքանչ:
- Թ. 7բ.—Բարձրեալն Աստուած:
- Թ. 8բ.—Տէրն ի մեզ:
- Թ. 10ա.—Պատուիրանք եկեղեցոյ:
- Թ. 12ա.—Սուրբ Խորհուրդն:
- Թ. 14ա.—Միտ դիր:
- Թ. 15ա.—Կայ մնայ ինն:
- Թ. 19ա.—Եմ քրիստոնեայ:
- Թ. 19բ.—Հոգիդ ստեղծող:
- Թ. 21ա.—Ահա այս է:
- Թ. 22ա.—Հովիւք ահա:
- Թ. 23բ.—Խեղճ հովիւ եմք:
- Թ. 25ա.—Այսօր մանկունք:
- Թ. 26ա.—Ծնա Յիսուս:
- Թ. 28ա.—Եկէք, օրհնեալք:
- Թ. 30ա.—Դուք յիմ կենաց:
- Թ. 31ա.—Առ ձեզ, մարդիկ:
- Թ. 32բ.—Օրհնութիւն քեզ, Ա. Խաչ:
- Թ. 35ա.—Արքայ ես դու:
- Թ. 36ա.—Թող որդեակ:
- Թ. 37բ.—Եկէք որդիք:
- Թ. 39բ.—Սուրբ և մեծ:

Ով փրկարար:

Արդ զխորհուրդ:

- Թ. 42ա.—Որդեակ, աշխարհ:
- Թ. 43բ.—Ով սիրտ սիրոյն:
- Թ. 45ա.—Ով Ա. Սիրտ Յիսուսի:
- Թ. 46բ.—Ողջոյն ընդ քեզ:
- Թ. 48ա.—Եմ հովուումին:
- Թ. 48բ.—Եմ քո որդի, ով Մարիամ:
- Թ. 53ա.—Դեռ կեանքերնուդ:
- Թ. 54բ.—Խորհուրդ արդոյ վարդաբանին:
- Թ. 56ա.—Ով շնորհաբաշխ:

Յիսուս, Մարիամ, Յովսէփ:

Ով քաղցրալից:

Ամենասուրբ:

- Թ. 58ա.—Ողջոյն Յովսէփ:
- Թ. 59ա.—Ով Ա. Ստանիսլաս:

Ով Պերքման:

- Թ. 60ա.—Ով պաշտպան:
- Հոփսիմի:

Ով Տէր:

- Թ. 61ա.—Լիթանիա Ա. Սրտին Յիսուսի:
- Թ. 62ա.—Լիթանիա Ա. Յովսէփայ:
- Թ. 63ա.—Որպէս ծաղիկ:

Ով Ա. Կոյս:

- Թ. 64ա.—Ցանկ ճիւղոց:

ՀԻՇՍԱԿԱՐՈՒԹՅՈՒՆՆԵՐ

Թ. 1ա.—(Ձեռագրի տիտղոսաթերթը)

Երգք Հոգևորք,

Երաժշտական չափաւ:

Ուսուցանել և խրատել զմիմեանս...

Երգք Բողևորք՝ և շնորհօք

Օրհնել ի սիրտս ձեր՝ զԱստուած:

(առ Կող. Գ. 16)

Ի. Մ. Փ. Ա.

Ամասիա

1910:

Թ. 2ա.—Առ աստուածաւոր օրհներգու

Ահա, սիրեցեալդ իմ, փոքրիկ երգարան մը որ քեզ կու գայ երկչոտ ու անգիտակ թէ ինչ ընդունելութիւն պիտի գտնէ իր ընթերցողներէն: Անոր գալստեան ծպտել քարեպարար, վասն զի քու սիրոյդ համար յօրինուած ի լոյս գայ նա ի նպաստ Բողևորք, և եթէ կարելի չէ քեզ «գալուստդ քարի» ուղղունել զայն իբր որ և է երկասիրութիւն, գոնէ հաճէ ընդունիլ իբր ձօն քարեկամ ձեռքէ մը նուիրում:

Հեղինակին դիտումն եղած է միշտ՝ լուսասնունդ մտացոյ ընծայել անմոլար խորհուրդներ, սրբազան յուզմունքներ հայթայթել խանդաղատ սրտիդ և բարի խրատներով քարեպարար Բողևորք կրթել, զարգացնել և ազնուացնել:

Կար տաղաչափին ստանձնելու և ձեռքէն եկածին չափի ի գլուխ հանելու սա դժուարին գործը. երաժշտական չափին ու թույնն հետ քանաստեղծական չափը (տաղաչափութեան կանոնները զանց չառնելով) միշտ համաձայնեցնել, այնպէս որ սղոթազան գաղափարը՝ որոշ եղանակի մը վրայ ձևաւորով՝ առնուրանկէ իր կերպարանքն ու նկարագիրը, իր զանազան շարժումներն և ելեւէջները, իր տխրագին կամ բերկրալից արտայայտումը, և այս երկուքին սերտի միանալէն յառաջ գար իբր միակ ամբողջութիւն, չափով՝ երգումս մաթեմաթիկ մը, աչսինքն Բողևորք երգ. ստուգի երգունելիք տաղաչափութիւն մը հարկ է այնպէս երգին զուգընթաց յառաջանալ որ երկու լծակից արուեստներն իրար չզայթեցնեն:

Սոյն գործոյս որքան դժուարին ըլլալը կրնան վկայել փորձառու արուեստագէտները, այլ քանի՜օն աւելի դժուարին եթէ հեղինակին մայրենի չէ լեզուն. վասն որոյ ևս առաւել ներողամտութեան կարօտի այնպիսի երկասիրութիւն:

Գործածած լեզուն՝ ինչ ինչ պատճառներով երգէ երգ փոխումը կը գտնես, բայց ոճը միշտ հասկնալի է: Նոյն իսկ իրենց կրած փոփոխություններով՝ դիրքաւ պիտի ճանչնաս 59, 96 և 124րդ երգերուն մէջ մեծահոշակ Հ. Ալիշանի խորհուրդներն և կամ ոտանաւորները: Նմանապէս պիտի նշմարես՝ երկուս մէջ հոս և հոն մտցուցած լատիներէնէ կամ գաղղիերէնէ թարգմանութիւններ: Առաջիններն ընդհանրապէս ճիշդ են՝ ըստ կարի՝ և հաւատարմի, երբեմն ալ բառ առ բառ, իսկ աւելի ազատ՝ վերջիններն և լաւ ևս հետևողութիւն կրնան ստեղծել նկատուիլ:

Ահաւասիկ ուրեմն, աստուածաւոր ընթերցողդ, թերթաւոր ձեռքիդ գրքոյկ մը գործ՝ ուրախութեան ու տխրութեան ժամերուդ՝ սիրով կարենայ թղթատել: Ահաւասիկ աղօթաւոր շրթունքներուդ և մաղթանք և օրհներգ որք ինքնին յամենայն ժամ՝ ընտիր մեղեդիներու թերթով՝ ուղղակի դէպի երկինք ի վեր պիտի սլանան:

Իցի սոյն «Երգք Բողևորք» թէպէտ բազմաթերի և աննշան՝ լեռնաբոյս վայրի ծաղկանց նման՝ արձակեն ընդ միշտ մտացոյ՝ բուրում մը սննդարար ու կենսատու և սրտիդ՝ սրբալոյզ ու կազդուրիչ անուշահոտութիւն մը: Իցի՜ երկնաստեղ Բողևորք լինի իբր հեռաւոր երկնահարաւիրակ արծազանգ՝ վերինն հայրենեաց քաղցրալոյս նուագաց և օրհներգութեանց յաւերժ անլուելի:

Այս է ահա հեղինակին միակ բաղձանքը:

Ամասիա, Յունիս 21, տօնի Ս. Աղոզիոսի գոնգաւայ:

Եղիակիմ Վարդայ.

Յ. Ը.

Թ. 4ա.—Ամենագով Սուրբ Արտիմ Յիսուսի և բազմագորով Արտիմ Մարեմայ Արքայ Կուսի՝ Ամարատ Յղացելոյն՝ իր քնարի հայաքարբատ ձայնահարի զոյն հնչիւնս վերջին ընդ առաջին թրթումնս անհերքաշնակ՝ ողորմուկ սրտին զհետ՝ ձօնէ անարուեստ երգողն հեղինակ թերահմուտ հայագէտ:

Թ. 66բ.—Գոհութիւն Աստուծոյ:

ՀԻՇՍԱԿԱՐՈՒԹՅՈՒՆՆԵՐ

Թ. 1ա.—(Այստեղ կա լատիներէն ձվաձև մի կնիք, 3,6X2,9 սմ. չափերով, կենտրոնը փոքրիկ խաչով և փոքրիկ երեք ծաղիկներով, որի շուրջ բոլորը գրված է) RESIDENTIA S. I. TOKATENSIS (իսկ կենտրոնում գրված է) IHS:

Թ. 1բ.—Յիշատակ Արուսեակ Ծախմամեանէ 22 օգոստոս 1941 Paris:

(հետագայում այս երկու տողը ջնջված է և տեղը գրված է հետևյալը)

Ի յիշատակ հայրենիք այցելութեան,

Նվեր էջմիածնի թանգարանին:

18-4-78:

Զատիկ Արուսեակ Խաչի(կ)եան:

№ 419

ԽԱԶԱԳՐՈՒԹԻՒՆ

Թերթերը՝ 148:— Պրակները՝ 8, անհամաչափ, խափալէս Բ և Ը՝ 16, Գ և Է՝ 18, Ա, Դ, Ե և Զ՝ 20 թերթից են:— Մեծությունը՝ 20,8X18,6X1,9 սմ.:— Նյութը՝ դեղնած և կեղտոտած հասարակ թուղթ:— Կազմը՝ հաստ սովորաբար:— Պահպանակները՝ սկզբում և վերջում մեկական դեղին թուղթ:— Վիճակը՝ բավարար:— Գրությունը՝ միատուն:— Դատարկ թղթերը՝ չունի:— Տողերը՝ 8:— Գծումները՝ թուղթն ինքնին գծավոր է:— Գիրը՝ բուրգիոր և հայկական նոր խազեր:— Զարդագրություն՝ չունի:— Գրիչը՝ Սերովբե Սիրունյան, աշակերտ Գրիգոր Մեհթերյանի:— Ժամանակը՝ 20-րդ դար:— Վայրը՝ Կոստանդնուպոլիս:— Մանրություն՝ ձեռագիրն

ստացվել է Ստամբուլից 1974 թ. ձեռամբ հագարատ Սեմերճյանի:

ԲՈՎԱՆԴԱԿՈՒԹՅՈՒՆ

Հայկական նոր խազագրության սույն ձեռագիրը գրված և նոտագրված է պոլսահայ անվանի երաժշտապետ Գրիգոր Մեհթերյանի աշակերտ և Գումգաբուի Սուրբ Հարություն եկեղեցու երաժշտապետ Սերուբե Սիրունյանի կողմից: Գրքի գլխավոր վերնագրերը տրվում են ստորև.—

Թ. 1ա.—Հարց Աշխարհամատուրան կիրակեօր (գձ):

Թ. 3բ.—Մեծագույցե (գձ):

Թ. 4ա.—Ողորմեա (գձ):

Թ. 4բ.—Տէր յերկնից (գձ):

Թ. 5ա.—Հարց յարութեան (բկ):

Թ. 9ա.—Հարց երևման խաչի (դձ):

Թ. 18ա.—Հարց Բ-րդ Ծաղկազարդի (դկ):

Թ. 21բ.—Ծարական Հոգեգալստեան (բկ):

Թ. 23ա.—Հարց տե՛ն կաթողիկէի (գձ):

Թ. 27ա.—Ծարական թափօրի (դկ):

Թ. 41ա.—Կանոն Վարդավաթի (աձ):

Թ. 43ա.—Ծարական (ստեղծ) դկ:

Թ. 51ա.—Տաղ Աստուածածնայ: Պէշաթի. աղբր

Սեմայի: Պապա Հ. Լիմոնճ(եան):

Թ. 53բ.—Երգ Աստուածածնայ:

Թ. 55ա.—Կանոն վերացման Ա. Խաչի (աձ):

Թ. 61բ.—Ծարական խաչի (գկ):

Թ. 68ա.—Օրհնություն Վարագայ Ա. Խաչի (ակ):

Թ. 83ա.—Հարց Գիտ խաչի (բձ):

Թ. 116ա.—Կանոն Է-րդ ատուր Ծննդեան (բձ):

Ծանոթություն

Ձեռագրում կա գրված վեց թերթիկ, որոնք ներկայացնում են «Կենդանին յաիտեմից Բրիստոս այսօր խնդրի...» շարականը:

Բացի այդ կա նաև նոտագրված երկու թերթիկ, որոնցից մեկը խնկարկության շարականն է:

ՀԻՇԱՍԱԿԱԳՐՈՒԹՅՈՒՆՆԵՐ

(Սկզբում գտնվող պահպանակի վրա գրված է)

Գրեց Սերուբե Սիրունեան

Աշակերտ Գրիգոր Մեհթերյանի

Վաստակատու երաժշտապետ

Ս. Յարութիւն եկեղեցոյ

ի Գումգաբու 1940:

(Վերջում գտնվող պահպանակի վրա գրված է) 157 յորժամ ի խաչին.

Ծագումն.

փառաբերելով.

Որ եկեր կամա:

№ 420

ԱՂՈԹԱԳԻՐՔ

(Եթովպերեն)

Թերթերը՝ 32:— Պրակները՝ 4, յուրաքանչյուրը 8-ական թերթից:— Մեծությունը՝ 7,2×6,8×2,6 սմ.:— Նյութը՝ դեղնած հաստ մագաղաթ:— Կազմը՝ հասարակ հաստ տախտակ:— Պահպանակները՝ սկզբ-

բում երկու թերթ դեղնած հաստ մագաղաթ:— Վիճակը՝ բավարար:— Գրությունը՝ միայուն:— Դատարկ թղթերը՝ 31բ—32բ:— Տողերը՝ անհամաչափ՝ 8—10:— Գծումները՝ ճշումով:— Գիրը՝ ամհարերեն:— Զարդագրություն՝ չունի, սակայն որոշ տեղեր կետադրությունն ու մի շարք վերնագրեր գրված են կարմիր քանաքով:— Գրիչը՝ անհայտ:— Պատվիրատուն՝ անհայտ:— Ժամանակը՝ 17—18-րդ դարեր:— Վայրը՝ շատ հավանաբար Եթովպիա:— Ծանոթություն՝ Վեհափառ Հայրապետը սույն ձեռագիրը հանձնել է Ձեռագրատուն 1974 թ. նոյեմբերի 16-ին:

ՀԻՇԱՍԱԿԱԳՐՈՒԹՅՈՒՆՆԵՐ

Պահպանակի վրա եթովպերեն մի քանի բառ է գրված և մի մադրո հատարակ գրվա է նկարված մատիտով:

Հետագա շրջանում եթովպերեն որոշ բառեր են գրված հետևյալ էջերում.— թթ. 8բ, 9բ, 11ա, 12բ, 14բ, 21ա, 24ա, 25ա, 25բ, 26ա, 27ա, 28ա, 29ա, 28բ, 31ա, 31բ, 32ա և 32բ:

№ 421

ՇԱՐԱԿՆՈՑ

Թերթերը՝ 249:— Պրակները՝ 26, յուրաքանչյուրը 12-ական թերթից, բացի ԻԶ՝ 2, Ա՝ 4, Ը՝ 6, ԻԴ՝ 7, Գ, Ե, ԺԹ և ԻԲ՝ 8, Զ, ԺԲ և ԺԴ՝ 9, ԺԷ և ԻԴ՝ 10, Բ, Է, ԺԶ, ԺԸ և ԻԱ՝ 11 թերթից են, բոլորն էլ առկաավոր: Այսպես ուրեմն 26 պրակի վրա միայն ութն են լրիվ (Դ, Թ, Ժ, ԺԱ, ԺԳ, ԺԵ, Ի և ԻԵ), որոնք ունեն 12-ական թերթ:— Մեծությունը՝ 15,6×11,1×5,8 սմ.:— Նյութը՝ դեղնած և կեղտոտած դիմացկուն թուղթ:— Կազմը՝ կաշեպատ տախտակ, որի վրա ճշումով նախշեր են նկարված: Երկու բռնիչներն ընկել և կորել են:— Պահպանակներ՝ չունի:— Վիճակը՝ շատ վատ, բազմաթիվ թերթեր (60-ից ավելի) կտրատվել և թափվել են. պակասում է հիշատակարանը:— Գրությունը՝ միայուն:— Դատարկ թղթեր՝ չունի:— Տողերը՝ 23:— Գծումները՝ ճշումով:— Գիրը՝ բոլորգիր:— Զարդագրություն՝ ձեռագրում պահպանվել են երեք գլխագրեր (89բ, 207ա և 236ա), կան մի քանի խաչեր և թռչուններ: Կան բազմաթիվ զարդագրեր, թռչնագրեր և յուսանցազարդեր: Այս բոլորն ունեն միջակ որակի գեղեցկություն:— Գրիչը՝ անհայտ:— Պատվիրատուն՝ անհայտ:— Ծաղկողը՝ անհայտ:— Ժամանակը՝ 16—17-րդ դարեր:— Վայրը՝ անհայտ:— Ծանոթություն՝ ձեռագիրն ստացվել է Կահիրեից, Եգիպտահայոց թեմի առաջնորդական տեղապահ Զավեն Եպիսկոպոս 2իմչիկյանի ձեռամբ 1973 թ. նոյեմբեր ամսին:

ԲՈՎԱՆԴԱԿՈՒԹՅՈՒՆ

Միջնադարյան այս շարակնոցում օգտագործված են հայկական հին խազերը:

ՀԻՇԱՍԱԿԱՐԱՆ

Կոնակի կազմի ներսի երեսում կպցված է 4×4 սմ. չափերով փոքրիկ մի պատառիկ, որ պատկանել է

նախապես ձեռագրին: Ըստ երևույթին այն եղել է մատյանի գլխավոր հիշատակարանի մի մասնիկը: Այժմ դեղնել, սևացել և կեղտոտվել է, որով գրեթե անընթեռնելի է դարձել:

Հստակ կարդացվում է մի քանի բառ միայն.—

... սըմայ յիշ ...

զհոգևոր քոյր իմ և զ...

... ընդամենս ...

և զիմ անարժանությու ...

բա ... յիշմամբ ... աս:

ՀԻՇԱՏԱԿԱԳՐՈՒԹՅՈՒՆՆԵՐ

Թ. 1ա.—Թիւ 5:

Թ. 15ա.—Ար. Յովհաննէս:

Թ. 20բ.—Գրչի (և մի քանի տառեր, որպէս զըր-չափորձ):

Թ. 41բ.—արգղեզըթիւ:

Թ. 59ա.—աւարգղեզ:

Թ. 102բ.—Մա(ղանը սատկի ամէն:

Թ. 108բ.—(Այբուբենի գրչափորձ):

Թ. 112բ.—Օհանէս (հինգ անգամ)

Գառը կը սատկի

(այբուբենի գրչափորձ):

Թ. 120բ.—Ըստեփան Արդին ժվակ:

Թ. 134բ.—Արդին:

Թ. 144բ.—(Այբուբենի գրչափորձ):

Թ. 156բ.—Խաչարզետր:

Թ. 168բ.—Մեղա:

Թ. 169բ.—և չափ բնակցութեամբը հիմնադրա-լեցեր:

Թ. 211ա.—Գալովթ: Վթ:

Սրաբանա:

Թ. 228բ.—Այս գիրը Ըստեփան է:

Թ. 248բ.—Լույուման ...:

№ 422

ՍԱՂՄՈՍԱՐԱՆ

Թերթերը՝ 186:— Պրակները՝ 20, յուրաքանչյուրը 12-ական թերթից, բացի Զ՝ 2, Դ՝ 7, Ի՝ 10, Ե, Ը և ԺՉ՝ 11, ԺԵ՝ 14 թերթից են: Բացի այդ Ա, Բ և Գ պրակները լրիվ պակասում են, որով ձեռագրի սկզբից 40—41 թերթ ընկել և կորել են:— Մեծութունը՝ 14,5×11×8 սմ.:— Նյութը՝ դեղնած հաստ թուղթ:— Կազմը՝ կաշեպատ տախտակ, որի վրա ճնշումով նախշեր են նկարված: Կազմի առաջին երեսը, ինչպես նաև երկու բռնիչներն ընկել և կորել են:— Պահպանակներ՝ չունի:— Վիճակը՝ շատ վատ, պակասավոր, ընկել և կորել են մի քանի պրակ, բազմաթիվ թերթեր և ձեռագրի գլխավոր հիշատակարանը:— Գրությունը՝ միասլուն:— Դատարկ թղթեր՝ չունի:— Տողերը՝ 17:— Գծումները՝ ճնշումով:— Գիրը՝ նոսրգիր:— Զարդագրություն՝ ձեռագիրն ունի բազմաթիվ լուսանցազարդեր և թռչնազարդեր, ինչպես նաև մի գմբեթ

(118ա) և հինգ գլխազարդեր (41բ, 70ա, 101բ, 128ա և 156բ), բոլորն էլ միջակ որակի գեղեցկությամբ:— Գրիչը՝ անհայտ:— Պատվիրատուն՝ անհայտ:— Մաղկողը՝ անհայտ:— Ժամանակը՝ 17-րդ դար:— Վայրը՝ անհայտ:— Մանրություն՝ ձեռագիրն ստացվել է Կահիրեից, Եգիպտոսից թեմի առաջնորդական տեղապահ Զավեն Եպիսկոպոս 2ինչինյանի ձեռամբ 1878 թ. նոյեմբեր ամսին:

ՀԻՇԱՏԱԿԱԳՐՈՒԹՅՈՒՆՆԵՐ

Թ. 2ա.—№ 7:

Թ. 7ա.—Թիւ 7:

№ 423

ՍԱՂՄՈՍԱՐԱՆ

Թերթերը՝ 152:— Պրակները՝ 14, յուրաքանչյուրը 12-ական թերթից, բացի Գ՝ 2, ԺՉ՝ 9, Դ, Ը և Թ՝ 11 թերթից են:— Մեծությունը՝ 12,9×8,8×8,8 սմ.:— Նյութը՝ դեղնած և կեղտոտած թուղթ:— Կազմը՝ կաշեպատ տախտակ, որի վրա ճնշումով նախշեր են նկարված: Երկու բռնիչներն ընկել և կորել են:— Պահպանակները՝ սկզբում և վերջում մեկական թերթ մագաղաթ, լատիներեն գրությամբ, որ հավանաբար 14—15-րդ դարերի կարող է պատկանել: Դժբախտաբար սկզբի պահպանակը կտրատված է, մնում է միայն 1,5×12,5 սմ. չափերով փոքրիկ մի պատառիկ:— Վիճակը՝ վատ, շատ թերի է, պակասում է սկզբից գրեթե ամբողջական երեք պրակ, նաև վերջից ձեռագրի հիշատակարանն ընկել է:— Գրությունը՝ միասլուն:— Դատարկ թղթեր՝ չունի:— Տողերը՝ 20:— Գծումները՝ ճնշումով:— Գիրը՝ բոլորգիր:— Զարդագրություն՝ ձեռագիրն ունի հասարակ հինգ գլխազարդ (9ա, 38ա, 78ա, 100ա և 128ա), մի հատ կենդանագիր (102բ), բազմաթիվ լուսանցազարդեր, թռչնազարդեր և զարդագրեր, ինչպես նաև երկու հատ մարդագիր-թռչնագիր (21բ և 78ա):— Գրիչը՝ անհայտ:— Պատվիրատուն՝ անհայտ:— Մաղկողը՝ անհայտ:— Ժամանակը՝ 16—17-րդ դարեր:— Վայրը՝ անհայտ:— Մանրություն՝ ձեռագիրն ստացվել է Կահիրեից, Եգիպտոսից թեմի առաջնորդական տեղապահ Զավեն Եպիսկոպոս 2ինչինյանի ձեռամբ 1878 թ. նոյեմբեր ամսին:

ՀԻՇԱՏԱԿԱԳՐՈՒԹՅՈՒՆՆԵՐ

Թ. 1ա.—Թիւ 4:

Թ. 9ա.—Զի ի գիշերի և ի տու:

Թ. 77բ.—Սաղմոսաբանս իշ Այվոզին է:

Ասի կիրակոս գրե էթե ...:

Թ. 134ա.—Ա-սուղոս:

Թ. 152բ.—Աաաբբ:

(Վերջի մագաղաթյա պահպանակի վրա գրված է) Ի վայելումն Թորոմա ...լուին:

(Ծարուհակելի)



ԲՈՎԱՆ ԴԱԿՈՒԹՅՈՒՆ

Հաղորդագրություն	3
Հայրապետական հանդիսավոր պատարագ Երևանի և Սարգիս ստաջնորդանիստ եկեղեցում	5
Ատովաձաշնչական ընթերցումներ	10
ԷՂԻՇԵ ԱՐՔԵՊԻՍԿՈՊՈՍ ՏԵՐՏԵՐՅԱՆ (ԵՂԻՎԱՐԴ) — Բարի լուրը	12
ՄԱՅՐ ԱԹՈՌՈՒՄ — Եկեղեցական բեմ, լուրեր	16
ՊԱՐԳԵՎ ՇԱՀԱՋՅԱՆ — Հայ գրականության մեծ երախտավորը	20
ԴԵՐԵՆԻԿ ԴԵՄԻՐՃՅԱՆ — Վարդանանք (հատված)	24
Ա. ՀԱՏԻՏՅԱՆ — Սուրբ Բարսեղ Հեղրտպետ Կեսարացի	26
ԳՐԻԳՈՐ ՓԻՏԵՃՅԱՆ — Նորանրաշ (նոտա)	33
ՅՈՒ. Ա. ԹԱՄԱՆՅԱՆ — Վաղց ձորի և Կարապետ եկեղեցու վերանորոգումը	40
ԱՐԳԱՄ ԱՅՎԱՋՅԱՆ — Շոտթի և Գաղի եկեղեցական ճարտարապետական հուշարձանները	46
Խաղաղության քրիստոնեական կոնֆերանսի Աշխատանքային կոմիտեի նստաշրջանը Քննիայում	57
Յուզակ Մայր Աթոռ և Էջմիածնի նոր ստացված ձեռագրերի	59

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՇԻՆ

«ԷՋՄԻԱՇԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 16.5.1977 թ.: Ստորագրված է տպագրության 20.6.1977 թ.:
Տպագրական 4 մամուլ + 1 ցերդիր, թուղթ 60×84¹/₈, պատվեր 363:

Մայր Աթոռ և Էջմիածնի տպարան, 1977 թ.

